

ইসলামী জীবনব্যবস্থায়
বক্তব্য বা ওয়াজ-নসীহত উপস্থাপনের নীতিমালা
গবেষণা সিরিজ- ২৯



প্রফেসর ডা. মো. মতিয়ার রহমান
FRCS (Glasgow)
চেয়ারম্যান
কুরআন রিসার্চ ফাউন্ডেশন
বিভাগীয় প্রধান (অব.), সার্জারী বিভাগ
ঢাকা ন্যাশনাল মেডিকেল কলেজ ও হাসপাতাল
ঢাকা, বাংলাদেশ।

প্রকাশক

কুরআন রিসার্চ ফাউন্ডেশন

ইনসাফ বারাকাহ কিডনী এন্ড জেনারেল হাসপাতাল কমপ্লেক্স (৮ম তলা)

১১, শহীদ তাজউদ্দীন আহমদ সরণি

মগবাজার, রমনা, ঢাকা।

ফোন : ০২-৯৩৪১১৫০, ০১৯৭৯-৪৭৪৬১৭, ০১৯৭৯-৪৬৪৭১৭

E-mail : qrfbd2012@gmail.com

www.qrfbd.org

For Online Order : www.shop.qrfbd.org

প্রকাশকাল

প্রথম প্রকাশ : মে ২০০৯

তৃতীয় সংস্করণ : আগস্ট ২০২০

কম্পিউটার কম্পোজ

কিউ আর এফ

সর্বোচ্চ খুচরা মূল্য : ৮০.০০ টাকা

মুদ্রণ ও বাঁধাই

ক্রিয়েটিভ ডট

৩১/১ পুরানা পল্টন, শরীফ কমপ্লেক্স (৭ম তলা), ঢাকা- ১০০০

মোবাইল : ০১৮১১ ১২০২৯৩, ০১৭০১ ৩০৫৬১৫

ই-মেইল : creativedot8@gmail.com

সূচিপত্র

বিষয়	পৃষ্ঠা
আলোচ্য বিষয়ের সারসংক্ষেপ	৫
চিকিৎসক হয়েও কেন এ বিষয়ে কলম ধরলাম	৬
পুস্তিকার তথ্যের উৎসসমূহ	১০
আব্লাহ প্রদত্ত তিনটি উৎস ব্যবহার করে নির্ভুল জ্ঞান অর্জন ও ব্যবস্থা গ্রহণের প্রবাহচিত্র/নীতিমালা	২৪
মূল বিষয়	২৫
বক্তব্য বা ওয়াজ-নসীহত উপস্থাপনের নীতিমালার সারসংক্ষেপ	২৭
নীতিমালা সঠিক হওয়ার প্রমাণ	২৮
● সূত্র ১-এর মূলনীতিটি সঠিক হওয়ার প্রমাণ	২৮
● সূত্র ২-এর মূলনীতিটি সঠিক হওয়ার প্রমাণ	৩২
● সূত্র ৩-এর মূলনীতিটি সঠিক হওয়ার প্রমাণ	৪৭
● সূত্র ৪-এর মূলনীতিটি সঠিক হওয়ার প্রমাণ	৫০
● সূত্র ৫-এর মূলনীতিটি সঠিক হওয়ার প্রমাণ	৬১
● সূত্র ৬-এর মূলনীতিটি সঠিক হওয়ার প্রমাণ	৬২
● সূত্র ৭-এর মূলনীতিটি সঠিক হওয়ার প্রমাণ	৬২
● সূত্র ৮-এর মূলনীতিটি সঠিক হওয়ার প্রমাণ	৬৫
● সূত্র ৯-এর মূলনীতিটি সঠিক হওয়ার প্রমাণ	৬৮
বক্তব্য বা ওয়াজ-নসীহত উপস্থাপনের নীতিমালার প্রবাহচিত্র	৭০
যে কথাগুলো সকল বক্তাকে অবশ্যই মনে রাখতে হবে	৭১
মূলনীতির ৪ নম্বর স্তরের কয়েকটি নমুনা	৭১
শেষ কথা	১১০

أَفَلَا يَتَذَكَّرُونَ الْقُرْآنَ أَمْ عَلَى قُلُوبٍ أَقْفَالُهَا

তারা কি কুরআন নিয়ে চিন্তা গবেষণা করে না, নাকি তাদের মনে তালা লেগে গেছে?

সূরা মুহাম্মাদ/৪৭ : ২৪

আলোচ্য বিষয়ের সারসংক্ষেপ

মহান আল্লাহ তা'য়ালা মানুষকে দুনিয়ার কর্মের ভিত্তিতে পরকালে বিচার করে পুরস্কার বা শাস্তি দেবেন। এ বিচার হবে সর্বোচ্চ মানের ন্যায়বিচার। কর্মের ভিত্তিতে দেওয়া পুরস্কার বা শাস্তি ন্যায়বিচার হওয়ার সবচেয়ে গুরুত্বপূর্ণ পূর্বশর্ত হলো- করণীয় ও নিষিদ্ধ কাজ কোনগুলো তা মানুষকে জানিয়ে দেওয়া বা তা যেন মানুষের অজানা না থাকে। এ পূর্বশর্ত পূরণ করার জন্য আল্লাহ তা'য়ালা তিনটি কাজ করেছেন-

১. করণীয় ও নিষিদ্ধ বিষয়ের বর্ণনা ধারণকারী নির্ভুল কিতাব পাঠিয়েছেন।
২. কথা, কাজ ও সমর্থন বা সুন্নাহ এর মাধ্যমে ব্যাখ্যা করে কিতাবকে বুঝিয়ে দেওয়ার জন্য নবী-রাসূল (আ.) পাঠিয়েছেন।
৩. কিতাব ও সুন্নাহর বক্তব্য যেন কোনো মানুষের অজানা না থাকে সেজন্য কিতাব ও সুন্নাহর বক্তব্য অন্যের কাছে পৌঁছানোকে সকলের জন্য ফরজ বা বাধ্যতামূলক বলে জানিয়ে দিয়েছেন।

তাই, কুরআন ও সুন্নাহর বক্তব্য অন্যের কাছে পৌঁছানো উম্মতে মুহাম্মাদীর জন্য ফরজ। ইসলামে এটিকে দাওয়াতী কাজ বলে। দাওয়াতী কাজ করার একটি গুরুত্বপূর্ণ উপায় হলো- বক্তব্য বা ওয়াজ-নসীহতের মাধ্যমে ইসলামের তথ্য মানুষের কাছে পৌঁছানো। এ কাজটি মুসলিম বিশ্বে পূর্বের তুলনায় বর্তমানে অনেক বেশি হচ্ছে, আলহামদুলিল্লাহ। কিন্তু, বাস্তবে দেখা যাচ্ছে কুরআন ও সুন্নাহর নিষিদ্ধ বিষয়ের আমল মুসলিম বিশ্বে আগের তুলনায় অনেক বেশি। কেন এমনটি হচ্ছে তা সকল চিন্তাশীল মুসলিমকে বিশেষভাবে ভাবতে হবে এবং প্রতিকারের ব্যবস্থা নিতে হবে।

আমাদের পর্যালোচনায় যেটি প্রমাণিত হয়েছে সেটি হলো- কুরআন ও সুন্নাহ দাওয়াত উপস্থাপনের যে নীতিমালা দিয়েছে, সেটি অনুসরণ না করাই এর প্রধান কারণ। তাই, কুরআন ও সুন্নাহ এবং Common sense-এর আলোকে দাওয়াতী কাজের যে নীতিমালা পাওয়া যায় সেটি এ পুস্তিকাটিতে উপস্থাপন করা হয়েছে। দাওয়াতী কাজের বিষয়ে উম্মাহকে গুরুত্বপূর্ণ দিক নির্দেশনা দিতে এ পুস্তিকা বিশেষ ভূমিকা রাখবে- ইনশাআল্লাহ।

চিকিৎসক হয়েও কেন এ বিষয়ে কলম ধরলাম

بِسْمِ اللَّهِ الرَّحْمَنِ الرَّحِيمِ

শ্রদ্ধেয় পাঠকবৃন্দ

আসসালামু আলাইকুম ওয়া রাহমাতুল্লাহ। আমি একজন চিকিৎসক (বিশেষজ্ঞ সার্জন)। আপনাদের মনে প্রশ্ন জাগা স্বাভাবিক যে, চিকিৎসা বিজ্ঞানের বিষয় বাদ দিয়ে একজন চিকিৎসক কেন এ বিষয়ে কলম ধরলো? তাই এ বিষয়ে কেন কলম ধরেছি, সেটা প্রথমে আপনাদের জানানো দরকার বলে মনে করছি।

ছোটবেলা থেকেই ইসলামের প্রতি আমার গভীর আগ্রহ ছিলো। তাই দেশ-বিদেশে যেখানেই গিয়েছি ইসলাম সম্বন্ধে সে দেশের মুসলিম ও অমুসলিমদের ধারণা গভীরভাবে উপলব্ধি করার চেষ্টা করেছি। ইংল্যান্ড থেকে ফিরে এসে আমার মনে হলো জীবিকা অর্জনের জন্য বড় বড় বই পড়ে MBBS ও FRCS ডিগ্রি নিয়েছি। এখন যদি কুরআন মাজীদ অর্থসহ বুঝে না পড়ে আল্লাহর কাছে চলে যাই, আর আল্লাহ যদি জিজ্ঞাসা করেন ইংরেজি ভাষায় রচিত বড় বড় বই পড়ে বড় চিকিৎসক হয়েছিলে কিন্তু তোমার জীবন পরিচালনার পদ্ধতি জানিয়ে আরবীতে আমি যে কিতাবটি (কুরআন মাজীদ) পাঠিয়েছিলাম সেটি কি অর্থসহ বুঝে পড়েছিলে? তখন এ প্রশ্নের আমি কী জবাব দেবো।

এ উপলব্ধি আসার পর আমি কুরআন মাজীদ অর্থ ও ব্যাখ্যাসহ বুঝে পড়তে আরম্ভ করি। শিক্ষা জীবনের শুরুতে মাদ্রাসায় পড়ার কারণে আগে থেকে আরবী পড়তে ও লিখতে পারতাম। এরপর ইরাকে ৪ বছর রোগী ও সাধারণ মানুষের সাথে কথা বলতে বলতে আরবী বলা ও বুঝার সমস্যাটা অনেকাংশে দূর হয়ে যায়।

কুরআন মাজীদ পড়তে গিয়ে দেখি ইরাকে যেসব সাধারণ আরবী বলতাম তার অনেক শব্দই কুরআনে আছে এবং আমি তা বুঝতে পারি। তাই কুরআন মাজীদ পড়ে বেশ মজা পেয়ে যাই। পেশা নিয়ে সারাক্ষণ আমাকে ব্যস্ত থাকতে হতো। কিন্তু এর মধ্যেও সময় করে দিনে এক বা একাধিক আয়াত বা যতটুকু পারা যায় বিস্তারিত তাফসীরসহ কুরআন মাজীদ পড়তে থাকি। সার্জারি বই যেমন গভীরভাবে বুঝে পড়েছি, কুরআনের প্রতিটি আয়াতও সেভাবে বুঝে পড়ার চেষ্টা করেছি। ব্যাখ্যার জন্য কয়েকখানা তাফসীর পড়েছি। এভাবে সম্পূর্ণ কুরআন মাজীদ শেষ করতে আমার প্রায় তিন বছর সময় লাগে।

পুরো কুরআন মাজীদ পড়ে তথা ইসলামের প্রথম স্তরের সকল মূল (১ম স্তরের মৌলিক), অধিকাংশ ২য় স্তরের মৌলিক (১ম স্তরের মৌলিকের বাস্তবায়ন পদ্ধতির মৌলিক) এবং ২/১টি অমৌলিক বিষয় জানার পর আমি ভীষণ অবাক হয়ে গেলাম এজন্যে যে, ইসলাম সম্বন্ধে কুরআনের বক্তব্য আর বর্তমান মুসলিমদের ধারণার মধ্যে ব্যাপক পার্থক্য বিদ্যমান। এ ব্যাপক পার্থক্যই আমার মধ্যে এ ব্যাপারে কলম ধরার দায়িত্ববোধ জাগিয়ে দেয়। সর্বোপরি, কুরআনের নিম্নোক্ত আয়াত আমাকে কলম ধরতে বাধ্য করলো-

إِنَّ الَّذِينَ يَكْتُمُونَ مَا آتَاكَ اللَّهُ مِنَ الْكِتَابِ وَيَشْتَرُونَ بِهِ تَمَنَّا قَلِيلًا أُولَٰئِكَ مَا يَأْكُلُونَ فِي بُطُونِهِمْ إِلَّا النَّارَ وَلَا يُكَلِّمُهُمُ اللَّهُ يَوْمَ الْقِيَامَةِ وَلَا يُزَكِّيهِمْ وَلَهُمْ عَذَابٌ أَلِيمٌ

অনুবাদ : নিশ্চয় আল্লাহ কিতাবে যা নাযিল করেছেন, যারা তা গোপন করে এবং বিনিময়ে সামান্য কিছু ক্রয় করে (লাভ করে) তারা তাদের পেট আগুন ভিন্ন অন্য কিছু দিয়ে ভরে না, আল্লাহ কিয়ামতের দিন তাদের সঙ্গে কথা বলবেন না এবং তাদের পবিত্রও করবেন না (তাদের ছোটোখাটো গুনাহও মাফ করবেন না), আর তাদের জন্য রয়েছে কঠিন শাস্তি।

(সূরা আল বাকার/২ : ১৭৪)

ব্যাখ্যা : কোনো জিনিসের বিনিময়ে কিছু ক্রয় করার অর্থ হলো ঐ জিনিসের বিনিময়ে কিছু পাওয়া। ক্ষতি এড়ানোর অর্থ কিছু পাওয়া। ছোট ক্ষতি এড়ানোর অর্থ অল্প কিছু পাওয়া। আর বড় ক্ষতি এড়ানোর অর্থ বড় কিছু পাওয়া। আবার ক্ষতি এড়ানো একটি ওজর (বাধ্যবাধকতা)। তাই আল্লাহ এখানে বলেছেন- তিনি কুরআনে যেসব বিধান নাযিল করেছেন, ছোট ক্ষতি (ওজর) এড়ানোর জন্য যারা জানা সত্ত্বেও সেগুলো প্রচার করে না বা মানুষকে জানায় না, তারা যেন তাদের পেট আগুন দিয়ে ভরলো। কিয়ামতের দিন আল্লাহ তাদের সঙ্গে কথা বলবেন না। ঐ দিন এটি তাদের জন্য সাংঘাতিক দুর্ভাগ্যের ব্যাপার হবে। আর তাদেরকে পবিত্র করা হবে না। অর্থাৎ তাদের ছোটোখাটো গুনাহও মাফ করা হবে না। কিয়ামতের দিন আল্লাহ মানুষের ছোটোখাটো গুনাহ মাফ করে দেবেন। কিন্তু যারা কুরআনের আদেশ, নিষেধ ও তথ্য জানা সত্ত্বেও তা গোপন করবে তাদেরকে আল্লাহ ক্ষমা করবেন না। তাদের জন্য রয়েছে কঠিন শাস্তি।

তাই কুরআনের আদেশ, নিষেধ ও তথ্য জেনে তা মানুষকে না জানানোর জন্য কিয়ামতে যে কঠিন অবস্থা হবে তা থেকে বাঁচার জন্য আমি একজন চিকিৎসক হয়েও এ বিষয়ে কলম ধরেছি।

লেখার সিদ্ধান্ত নেওয়ার পর কুরআনের বক্তব্যগুলোকে কীভাবে উপস্থাপন করা যায়, এটা নিয়ে দ্বিধা-দ্বন্দ্ব পড়ে গেলাম। এমতাবস্থায় এ আয়াতটি আমার মনে পড়লো-

كَيْتَبُ أَنْزِلَ إِلَيْكَ فَلَا يَكُنْ فِي صَدْرِكَ حَرَجٌ مِّنْهُ لِتُنذِرَ بِهِ وَذِكْرَىٰ لِلْمُؤْمِنِينَ

অনুবাদ : এটি একটি কিতাব যা তোমার প্রতি অবতীর্ণ করা হলো, সুতরাং এর মাধ্যমে সতর্কীকরণের ব্যাপারে তোমার মনে যেন কোনো সংকোচ (দ্বিধা-দ্বন্দ্ব, ভয়-ভীতি ইত্যাদি) না থাকে এবং মুমিনদের জন্য এটা উপদেশ।

(সুরা আ'রাফ/৭ : ২)

ব্যাখ্যা : কুরআনের বক্তব্য দিয়ে মানুষকে সতর্ক করতে গিয়ে সাধারণ মানুষের অন্তরে দু' টি অবস্থার সৃষ্টি হতে পারে-

১. সঠিক অর্থ বা ব্যাখ্যা না বুঝার কারণে কুরআনের বক্তব্যের যথার্থতার ব্যাপারে মনে সন্দেহ বা দ্বিধা দেখা দিতে পারে। এ অবস্থা অপেক্ষাকৃত কম।
২. বক্তব্য বিষয়টি যদি সমাজের প্রচলিত ধারণার সঙ্গে সামঞ্জস্যপূর্ণ না হয় বা বিপরীত হয়, তবে প্রতিরোধ বা বিরোধিতার সম্মুখীন হওয়া অথবা বেতন-ভাতা, দান-খয়রাত বা নজর-নিয়াজ বন্ধ হয়ে যাওয়ার ভয় হতে পারে। এ অবস্থাটি খুবই বিরাজমান।

এ দুই অবস্থাকে (বিশেষ করে দ্বিতীয়টিকে) এড়ানোর (Overcome) জন্য সাধারণ প্রবণতা হচ্ছে কুরআনের যে বক্তব্যগুলো সমাজের প্রচলিত ধারণার বিপরীত, সেগুলোকে লুকিয়ে ফেলা (না বলা) অথবা তার বক্তব্যকে এমনভাবে ঘুরিয়ে বলা যাতে বিরোধিতা কম আসে বা সবার জন্য তা গ্রহণযোগ্য হয়। এটি বর্তমান বিশ্বের মুসলিমদের দুরবস্থার একটি প্রধান কারণ। কুরআন দিয়ে মানুষকে সতর্ক করার ব্যাপারে এই ভীষণ ক্ষতিকর কর্মপদ্ধতি দু' টি সমূলে উৎপাটন করার জন্য আল্লাহ এই আয়াতে রসূল (স.)-এর মাধ্যমে মুসলিমদের বলেছেন- মানুষকে সতর্ক করার সময় দ্বিধা-দ্বন্দ্ব, ভয়-ভীতি ইত্যাদির মধ্যে পড়ে তোমরা কখনোই কুরআনের বক্তব্যকে লুকিয়ে ফেলবে না (বলা বন্ধ করবে না) বা ঘুরিয়ে বলবে না।

কুরআনের অন্য জায়গায় (সূরা আল-গাশিয়াহ/৮৮ : ২২, সূরা আন-নিসা/ ৪ : ৮০) মহান আল্লাহ রসূল (স.)-কে বলেছেন- পৃথিবীর সকল মানুষ কখনোই কোনো একটি বিষয়ে একমত হবে না। তাই, তুমি কুরআনের বক্তব্য না লুকিয়ে বা না ঘুরিয়ে মানুষের কাছে উপস্থাপন করবে। যারা তা গ্রহণ করবে না, তাদের তা গ্রহণ করতে বাধ্য করার জন্য পুলিশের ভূমিকা পালন করা তোমার দায়িত্ব নয়। কুরআনের এসব বক্তব্য জানার পর আমি সিদ্ধান্ত নেই আমার কথা বা লেখায় কুরআনের বক্তব্য না লুকিয়ে বা না ঘুরিয়ে সরাসরি উপস্থাপন করবো।

আল-কুরআন পড়া শেষ করেই আমি লিখতে চেয়েছিলাম কিন্তু হাদীস না পড়ে কলম ধরতে মন চাইলো না। তাই আবার হাদীস পড়তে আরম্ভ করি। হাদীস, বিশেষ করে মিশকাত শরীফ (সিহাহ সিন্তার প্রায় সব হাদীসসহ আরও অনেক হাদীস ধারণকারী গ্রন্থ) বিস্তারিত পড়ার পর ইসলামের বিভিন্ন বিষয়ের ওপর আমি লেখা আরম্ভ করি। আর বই লেখা আরম্ভ করি ১০.০৪.১৯৯৬ তারিখে।

এই পুস্তিকা বাস্তবে রূপ দান করার ব্যাপারে অনেকেই, বিশেষ করে কুরআনিআ (কুরআন নিয়ে আলোচনা) অনুষ্ঠানে অংশগ্রহণকারী সম্মানিত ভাই ও বোনেরা এবং কুরআন রিসার্চ ফাউন্ডেশনের কর্মকর্তা ও কর্মচারীবৃন্দ নানাভাবে আমাকে সহযোগিতা করেছেন। আল্লাহর কাছে কায়মনোবাক্যে দোয়া করি তিনি যেন এ কাজকে তাদের নাজাতের অছিলা বানিয়ে দেন।

নবী-রসূল (আ.) ছাড়া পৃথিবীতে আর কেউ ভুল-ভ্রান্তির উর্ধ্বে নয়। তাই আমারও ভুল হতে পারে। শ্রদ্ধেয় পাঠকবৃন্দের কাছে অনুরোধ যদি এই লেখায় কোনো ভুল-ত্রুটি ধরা পড়ে, আমাকে জানালে কৃতজ্ঞ থাকবো এবং পরবর্তী সংস্করণে তা সংশোধন করা হবে ইনশাআল্লাহ।

আল্লাহ যেন আমার এ সামান্য খেদমতকে কবুল করেন এবং এটিকে পরকালে নাজাতের অছিলা বানিয়ে দেন-এ প্রার্থনা করে এবং আপনাদের দোয়া চেয়ে শেষ করছি। আল্লাহ হাফেজ!

ম. রহমান

পুস্তিকার তথ্যের উৎসসমূহ

আল্লাহ প্রদত্ত জ্ঞানের উৎস হলো তিনটি- কুরআন, সুন্নাহ এবং Common sense। কুরআন হলো আল্লাহ প্রদত্ত মূল প্রমাণিত জ্ঞান। সুন্নাহ হলো আল্লাহ প্রদত্ত প্রমাণিত জ্ঞান। তবে এটি আল্লাহ প্রদত্ত মূল জ্ঞান নয়। এটি কুরআনের ব্যাখ্যা। আর Common sense হলো আল্লাহ প্রদত্ত সাধারণ বা অপ্রমাণিত জ্ঞান। কোনো বিষয়ে সিদ্ধান্তে পৌঁছাতে এ তিনটি উৎসের যথাযথ ব্যবহার অত্যন্ত গুরুত্বপূর্ণ। পুস্তিকাটির জন্য এই তিনটি উৎস থেকে তথ্য নেওয়া হয়েছে। তাই চলুন প্রথমে উৎস তিনটি সম্বন্ধে গুরুত্বপূর্ণ কিছু কথা জেনে নেওয়া যাক।

ক. আল-কুরআন

কোনো কিছু পরিচালনার বিষয়সমূহের নির্ভুল উৎস হলো সেটি, যা তার সৃষ্টিকারক বা প্রস্তুতকারক লিখে দিয়েছেন। লক্ষ করে থাকবেন, আজকাল ইঞ্জিনিয়াররা কোনো জটিল যন্ত্র বানিয়ে বাজারে ছাড়লে তার সঙ্গে ঐ যন্ত্রটা পরিচালনার বিষয় সম্বলিত একটা বই বা ম্যানুয়াল পাঠান। ঐ ম্যানুয়ালে থাকে যন্ত্রটা চালানোর সকল মূল বিষয় ও কিছু আনুসঙ্গিক বিষয়। ইঞ্জিনিয়াররা ঐ কাজটা এ জন্য করেন যে, ভোক্তারা যেন ঐ যন্ত্রটা চালানোর মূল বিষয়ে ভুল করে চরম দুর্ভোগে না পড়ে। এই জ্ঞানটি ইঞ্জিনিয়াররা মূলত পেয়েছেন মহান আল্লাহ থেকে। আল্লাহই মানুষ সৃষ্টি করে দুনিয়ায় পাঠানোর সময় তাদের জীবন পরিচালনার বিষয়াবলী সম্বলিত ম্যানুয়াল (আসমানী কিতাব) সঙ্গে পাঠিয়ে এ ব্যাপারে প্রথম দৃষ্টান্ত স্থাপন করেছেন। ঐ আসমানী কিতাবে আছে তাদের জীবন পরিচালনার সকল মূল বিষয় (প্রথম স্তরের মৌলিক বিষয়), অধিকাংশ দ্বিতীয় স্তরের মৌলিক বিষয় (প্রথম স্তরের মৌলিক বিষয়ের বাস্তবায়ন পদ্ধতির মৌলিক বিষয়) এবং কিছু অমৌলিক বিষয়।

এটা আল্লাহ এজন্য করেছেন যে, মানুষ যেন তাদের জীবন পরিচালনার মূল বিষয়গুলোতে ভুল করে দুনিয়া ও আখিরাতে চরম দুর্ভোগে না পড়ে। আল্লাহর ঐ কিতাবের সর্বশেষ সংস্করণ হচ্ছে আল কুরআন। আল্লাহর এটা ঠিক করা ছিলো যে, রসূল মুহাম্মাদ (স.)-এর পরে আর কোনো নবী-রসূল (আ.) দুনিয়ায় পাঠাবেন না। তাই, তাঁর মাধ্যমে পাঠানো আল-কুরআনের

তথ্যগুলো যাতে রসূল (স.) দুনিয়া থেকে চলে যাওয়ার পরও সময়ের বিবর্তনে মানুষ ভুলে না যায় বা তাতে কোনো কমবেশি না হয়ে যায়, সেজন্য কুরআনের আয়াতগুলো নাযিল হওয়ার সঙ্গে সঙ্গে লিখে ও মুখস্থ করে সংরক্ষিত রাখার ব্যবস্থা তিনি রসূল (স.)-এর মাধ্যমে করেছেন। তাই শুধু আজ নয়, হাজার হাজার বছর পরেও যদি মানুষ তাদের জীবন পরিচালনার সকল মূল বা প্রথম স্তরের মৌলিক বিষয় নির্ভুলভাবে জানতে চায়, তবে কুরআন মাজীদ বুঝে পড়লেই তা জানতে পারবে।

যে সব বিষয়ে কুরআনে একাধিক আয়াত আছে সে সব বিষয়ে সিদ্ধান্তে আসার নিয়ম হলো, সবকটি আয়াত পাশাপাশি রেখে পর্যালোচনা করে চূড়ান্ত (Final) সিদ্ধান্তে আসা। কারণ, পারিপার্শ্বিক অবস্থা বিবেচনা করে কোনো বিষয়ের একটা দিক এক আয়াতে এবং আর একটা দিক অন্য আয়াতে উল্লেখ করা হয়েছে। অথবা একটি আয়াতে বিষয়টি সংক্ষিপ্তভাবে এবং অন্য আয়াতে তা বিস্তারিতভাবে আলোচনা করা হয়েছে। এ জন্যই কুরআন নিজে এবং জগদ্বিখ্যাত বিভিন্ন মুসলিম মনীষী বলেছেন-‘কুরআন তাফসীরের সর্বোত্তম পন্থা হচ্ছে কুরআনের তাফসীর কুরআন দিয়ে করা।’

(ড. হুসাইন আয-যাহাভী, আত-তাফসীর ওয়াল মুফাসসিরুন, আল-মাকতাবাতুশ শামিলাহ, খ. ৪, পৃ. ৪৬)

তবে এ পর্যালোচনার সময় বিশেষভাবে খেয়াল রাখতে হবে একটি আয়াতের তরজমা বা ব্যাখ্যা যেন অন্য আয়াতের তরজমা বা ব্যাখ্যার সঙ্গে সঙ্গতিশীল হয়, বিরোধী না হয়। কারণ, সুরা নিসার ৮২ নম্বর আয়াতের মাধ্যমে মহান আল্লাহ পরিষ্কারভাবে জানিয়ে দিয়েছেন- কুরআনে পরস্পর বিরোধী কোনো কথা নেই। বর্তমান পুস্তিকার আলোচ্য বিষয়টির ব্যাপারে কুরআনে বিভিন্ন তথ্য আছে। আল কুরআনের সেই তথ্যগুলোকে পুস্তিকার তথ্যের মূল উৎস হিসেবে গ্রহণ করা হয়েছে।

খ. সুন্নাহ (হাদীস)

সুন্নাহ হলো কুরআনের বক্তব্যের বাস্তব রূপ বা ব্যাখ্যা। আর এ ব্যাখ্যা করেছেন আল্লাহর নিয়োগপ্রাপ্ত কুরআনের ব্যাখ্যাকারী রসূল মুহাম্মাদ (স.) তাঁর কথা, কাজ ও সমর্থনের মাধ্যমে। রসূল (স.) নবুওয়াতী দায়িত্ব পালন করার সময় আল্লাহ তা’য়ালার অনুমতি ছাড়া কোনো কথা, কাজ বা সমর্থন করতেন না। তাই সুন্নাহও প্রমাণিত জ্ঞান। কুরআন দিয়ে যদি কোনো বিষয়ে সুস্পষ্ট সিদ্ধান্তে না আসা যায় তবে সুন্নাহর সাহায্য নিতে হবে।

ব্যাখ্যা মূল বক্তব্যের সম্পূরক বা অতিরিক্ত হয়, কখনও বিরোধী হয় না। তাই সুন্নাহ কুরআনের সম্পূরক বা অতিরিক্ত হবে, কখনও বিরোধী হবে না। এ কথাটি আল্লাহ তা'য়ালার জানিয়ে দিয়েছেন সুরা আল হাক্কাহ-এর ৪৪-৪৭ নম্বর আয়াতের মাধ্যমে। আল্লাহ তা'য়ালার বলেন-

وَلَوْ تَقَوَّلَ عَلَيْنَا بَعْضَ الْأَقَاوِيلِ لَأَخَذْنَا مِنْهُ بِالْيَمِينِ ثُمَّ لَقَطَعْنَا مِنْهُ الْوَتِينَ فَمَا مِنْكُمْ مِنْ أَحَدٍ عَنْهُ حَاجِزِينَ.

অনুবাদ: আর সে যদি আমার বিষয়ে কোনো কথা বানিয়ে বলতো। অবশ্যই আমরা তাকে ডান হাতে (শক্ত করে) ধরে ফেলতাম। অতঃপর অবশ্যই আমরা তার জীবন-ধমনী কেটে দিতাম। অতঃপর তোমাদের মধ্যে কেউই নেই যে তা থেকে আমাকে বিরত করতে পারতে।

(সুরা আল-হাক্কাহ/৬৯ : ৪৪-৪৭)

একটি বিষয়কে ব্যাখ্যা করতে গিয়ে ব্যাখ্যাকারীকে কোনো কোনো সময় এমন কথা বলতে হয় যা মূল বিষয়ের অতিরিক্ত। কিন্তু তা মূল বিষয়ের বিরোধী নয়। তাই কুরআনের বিষয়গুলো ব্যাখ্যা করতে গিয়ে রসূল (স.) এমন কিছু বিষয় বলেছেন, করেছেন বা অনুমোদন দিয়েছেন যা কুরআনে নেই বা কুরআনের বিষয়ের বাস্তবায়ন পদ্ধতির মৌলিক বিষয়ও নয়। এগুলো হচ্ছে ইসলামী জীবন বিধানের অমৌলিক বা আনুষঙ্গিক বিষয়।

হাদীস থেকেও কোনো বিষয়ে সিদ্ধান্তে পৌঁছতে হলে ঐ বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্তে পৌঁছতে হবে। আর এ পর্যালোচনার সময় খেয়াল রাখতে হবে শক্তিশালী হাদীসকে যেন দুর্বল হাদীস রহিত (Cancel) করে না দেয়। হাদীসকে পুস্তিকার তথ্যের দ্বিতীয় প্রধান উৎস হিসেবে ধরা হয়েছে।

গ. Common sense (আকল, বিবেক, বোধশক্তি)

কুরআন ও সুন্নাহ আল্লাহ প্রদত্ত জ্ঞানের উৎস তথ্যটি প্রায় সকল মুসলিম জানে ও মানে। কিন্তু Common sense যে আল্লাহ প্রদত্ত জ্ঞানের একটি উৎস এ তথ্যটি বর্তমান মুসলিম উম্মাহ একেবারে হারিয়ে ফেলেছে। Common sense-এর সংজ্ঞা, গুরুত্ব, উৎকর্ষিত ও অবদমিত হওয়ার পদ্ধতি, ব্যবহার না করার গুনাহ, পূর্ববর্তী ও পরবর্তীদের Common sense-এর মধ্যে পার্থক্য ইত্যাদি নিয়ে বিস্তারিত আলোচনা আছে **'Common sense এর গুরুত্ব কতটুকু এবং কেন'** (গবেষণা সিরিজ-৬)

নামক পুস্তিকাটিতে। পুস্তিকাটি পৃথিবীর সকল মানুষ বিশেষ করে মুসলিমদের পড়া দরকার। তবে Common sense-এর সংজ্ঞা, গুরুত্ব ইত্যাদি সম্পর্কিত কিছু তথ্য যুক্তি, কুরআন ও হাদীসের আলোকে নিম্নে তুলে ধরা হলো।

যুক্তি

মানব শরীরের ভেতরে উপকারী (সঠিক) জিনিস প্রবেশ করতে দেওয়া এবং ক্ষতিকর জিনিস (রোগ জীবাণু) অনুপ্রবেশ প্রতিরোধ করার জন্য রোগ প্রতিরোধ ব্যবস্থা (Immunological System) নামের এক মহাকল্যাণকর ব্যবস্থা (দারোয়ান) সকল মানুষকে আল্লাহ তা'য়ালা জন্মগতভাবে দিয়েছেন। এ দারোয়ান কোন জিনিসটি শরীরের জন্য ক্ষতিকর এবং কোনটি ক্ষতিকর নয় তা বুঝতে পারে। যে জিনিসটি ক্ষতিকর নয় সেটিকে সে শরীরে প্রবেশ করতে দেয়। আর যেটি ক্ষতিকর সেটিকে শরীরে প্রবেশ করতে দেয় না বা প্রবেশ করার চেষ্টা করলে তা ধ্বংস করে ফেলে। এটি না থাকলে মানুষকে সর্বক্ষণ রুগী হয়ে হাসপাতালের বিছানায় থাকতে হতো। এ দারোয়ানটিকে আল্লাহ তা'য়ালা দিয়েছেন রোগ মুক্ত রেখে মানব জীবনকে শান্তিময় করার লক্ষ্যে।

মানব জীবনকে শান্তিময় করার জন্য জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশে বাধা দেওয়ার জন্য একটি ব্যবস্থা তথা দারোয়ান থাকাও খুব দরকার। কারণ, তা না থাকলে মানুষের জ্ঞানের মধ্যে সহজে ভুল তথ্য প্রবেশ করবে এবং মানুষের জীবন অশান্তিময় হবে।

মহান আল্লাহ মানব জীবনকে শান্তিময় করার লক্ষ্যে শরীরের ভেতরে দারোয়ানের মতো কাজ করার জন্য মহাকল্যাণকর এক ব্যবস্থা সকল মানুষকে জন্মগতভাবে দিয়েছেন। তাই, যুক্তির আলোকে সহজে বলা যায়- জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশ করতে বাধা দেওয়ার লক্ষ্যে দারোয়ানের মতো কাজ করার জন্য জন্মগতভাবে একটি ব্যবস্থা সকল মানুষকে আল্লাহ তা'য়ালা দেওয়ার কথা। কারণ তা না হলে মানব জীবন শান্তিময় হবে না।

জ্ঞানের মধ্যে ভুল তথ্য প্রবেশ করতে না দেওয়া ও সঠিক তথ্য প্রবেশ করতে দেওয়ার জন্য মানুষকে জন্মগতভাবে আল্লাহর দেওয়া সেই

মহাকল্যাণকর দারোয়ান হলো বোধশক্তি, Common sense, عَقْلٌ, বিবেক বা আল্লাহ প্রদত্ত সাধারণ জ্ঞান।

তাই, আল্লাহ তা'য়ালা, জন্মগতভাবে সকল মানুষকে জ্ঞানের একটি উৎস দিয়েছেন। সে উৎসটিই হলো- বোধশক্তি, Common sense, عَقْلٌ, বিবেক বা আল্লাহ প্রদত্ত সাধারণ জ্ঞান। অমুসলিম ঘরে জন্মগ্রহণ করা যে সকল ব্যক্তি কোনোভাবে ইসলাম সম্পর্কে জানতে পারেনি, Common sense-এর জ্ঞানের আলোকে পরকালে তাদের বিচার করা হবে।

আল কুরআন

তথ্য-১

وَعَلَّمَ آدَمَ الْأَسْمَاءَ كُلَّهَا ثُمَّ عَرَضَهُمْ عَلَى الْمَلَائِكَةِ فَقَالَ أَنْبِئُونِي بِأَسْمَاءِ هَؤُلَاءِ إِنْ كُنْتُمْ صَادِقِينَ.

অনুবাদ : অতঃপর তিনি আদমকে ‘সকল ইসম’ শেখালেন, তারপর সেগুলো ফেরেশতাদের কাছে উপস্থাপন করলেন, অতঃপর বললেন- তোমরা আমাকে এ ইসমগুলো সম্পর্কে বলো, যদি সত্যবাদী হয়ে থাকো।

(সূরা আল বাকারা/২ : ৩১)

ব্যাখ্যা : আয়াতখানি থেকে জানা যায়- আল্লাহ তা'য়ালা আদম (আ.) তথা মানব জাতিকে রুহের জগতে ক্লাস নিয়ে ‘সকল ইসম’ শিখিয়েছিলেন। অতঃপর ফেরেশতাদের ক্লাসে গিয়ে সেগুলো সম্পর্কে তাদেরকে জিজ্ঞাসা করেছিলেন।

প্রশ্ন হলো, আল্লাহ তা'য়ালা রুহের জগতে ক্লাস নিয়ে মানুষকে ‘সকল ইসম’ শেখানোর মাধ্যমে কী শিখিয়েছিলেন? যদি ধরা হয় সকল কিছুর নাম শিখিয়েছিলেন, তাহলে প্রশ্ন আসে- শাহী দরবারে ক্লাস নিয়ে মানব জাতিকে বেগুন, কচু, আলু, টমেটো, গরু, গাধা, ছাগল, ভেড়া, রহিম, করিম ইত্যাদি নাম শেখানো আল্লাহর মর্যাদার সাথে মানায় কি না এবং তাতে মানুষের লাভ কী?

প্রকৃত বিষয় হলো- আরবী ভাষায় ‘ইসম’ বলতে নাম (Noun) ও গুণ (Adjective/সিফাত) উভয়টিকে বোঝায়। তাই, মহান আল্লাহ শাহী

দরবারে ক্লাস নিয়ে আদম তথা মানব জাতিকে নামবাচক ইসম নয়, সকল গুণবাচক ইসম শিখেয়েছিলেন। ঐ গুণবাচক ইসমগুলো হলো- সত্য বলা ভালো, মিথ্যা বলা পাপ, মানুষের উপকার করা ভালো, চুরি করা অপরাধ, ঘুষ খাওয়া পাপ, মানুষকে কথা বা কাজে কষ্ট দেওয়া অন্যায়, দান করা ভালো, ওজনে কম দেওয়া অপরাধ ইত্যাদি। এগুলো হলো সে বিষয় যা মানুষ Common sense দিয়ে বুঝতে পারে। আর আল্লাহ তা'য়ালা এর পূর্বে সকল মানুষের কাছ থেকে সরাসরি তাঁর একত্ববাদের স্বীকারোক্তি নিয়েছিলেন।

তাই, আয়াতখানির শিক্ষা হলো- আল্লাহ তা'য়ালা রুহের জগতে ক্লাস নিয়ে মানুষকে বেশ কিছু জ্ঞান শিখিয়ে দিয়েছেন তথা জ্ঞানের একটি উৎস দিয়েছেন। জ্ঞানের ঐ উৎসটি হলো- عَقْلٌ, বোধশক্তি, Common sense বা আল্লাহ প্রদত্ত সাধারণ জ্ঞান।

তথ্য-২

عَلَّمَ الْإِنْسَانَ مَا لَمْ يَعْلَمُ .

অনুবাদ : (কুরআনের মাধ্যমে) শিক্ষা দিয়েছেন মানুষকে এমন বিষয় যা সে পূর্বে জানেনি/জানতো না।

(সূরা আল-আলাক/৯৬ : ৫)

ব্যাখ্যা : আয়াতখানি হলো কুরআনের প্রথম নাযিল হওয়া পাঁচখানি আয়াতের শেষটি। এখানে বলা হয়েছে- কুরআনের মাধ্যমে মানুষকে এমন জ্ঞান শেখানো হয়েছে যা মানুষ আগে জানে না বা জানতো না। সুন্নাহ হলো আল্লাহর নিয়োগকৃত ব্যক্তি কর্তৃক করা কুরআনের ব্যাখ্যা। তাই, আয়াতখানির আলোকে বলা যায়- আল্লাহ তা'য়ালা কর্তৃক কুরআন ও সুন্নাহর বাইরে অন্য একটি জ্ঞানের উৎস মানুষকে পূর্বে তথা জন্মগতভাবে দেওয়া আছে। কুরআন ও সুন্নাহ এমন কিছু জ্ঞান সন্নিবেশিত করা হয়েছে যা মানুষকে ঐ উৎসটির মাধ্যমে দেওয়া বা জানানো হয়নি। তবে কুরআন ও সুন্নাহ ঐ উৎসের জ্ঞানগুলোও কোনো না কোনোভাবে আছে।

জ্ঞানের ঐ উৎসটি কী তা এ আয়াত থেকে সরাসরি জানা যায় না। তবে ১ নম্বর তথ্য থেকে আমরা জেনেছি যে, রুহের জগতে ক্লাস নিয়ে আল্লাহ মানুষকে বেশকিছু জ্ঞান শিখিয়েছেন। তাই ধারণা করা যায় ঐ জ্ঞান বা

জ্ঞানের উৎসটিই জন্মগতভাবে মানুষকে দিয়ে দেওয়া হয়েছে। আর ৩ নম্বর তথ্যের আয়াত গুলোর মাধ্যমে এ কথাটি মহান আল্লাহ সরাসরি জানিয়ে দিয়েছেন।

তথ্য-৩

وَنَفْسٍ وَمَا سَوَّاهَا، فَأَلْهَمَهَا فُجُورَهَا وَتَقْوَاهَا. قَدْ أَفْلَحَ مَن زَكَّاهَا. وَقَدْ خَابَ مَن دَسَّاهَا.

অনুবাদ : আর শপথ মানুষের মনের এবং সেই সত্তার যিনি তাকে (মন) সঠিক গঠনে সৃষ্টি করেছেন। অতঃপর তাকে (মনকে) ‘ইলহাম’ করেছেন তার অন্যায় (ভুল) ও ন্যায় (সঠিক) (পার্থক্য করার শক্তি)। যে তাকে (অন্যায়/ভুল ও ন্যায়/সঠিক পার্থক্য করার শক্তিকে) উৎকর্ষিত করলো সে সফলকাম হলো। আর যে তাকে অবদমিত করলো সে ব্যর্থ হলো।

(সুরা আশ্-শামস/৯১ : ৭-১০)

ব্যাখ্যা : ৮ নম্বর আয়াতখানির মাধ্যমে জানা যায়- মহান আল্লাহ জন্মগতভাবে ‘ইলহাম’ তথা অতিপ্রাকৃতিক এক ব্যবস্থার মাধ্যমে প্রত্যেক মানুষের মনে সঠিক ও ভুল পার্থক্য করার একটি শক্তি দিয়েছেন। এ বক্তব্যকে ১ নম্বর তথ্যের আয়াতের বক্তব্যের সাথে মিলিয়ে বলা যায় যে, রুহের জগতে ক্লাস নিয়ে মহান আল্লাহ মানুষকে যে জ্ঞান শিখিয়েছিলেন বা জ্ঞানের যে উৎসটি দিয়েছিলেন তা ‘ইলহাম’ নামক এক পদ্ধতির মাধ্যমে মানুষের মনে জন্মগতভাবে দিয়ে দিয়েছেন। মানুষের জন্মগতভাবে পাওয়া ঐ জ্ঞানের শক্তিটিই হলো Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান।

৯ ও ১০ নম্বর আয়াত থেকে জানা যায় যে, জন্মগতভাবে পাওয়া জ্ঞানের শক্তি Common sense উৎকর্ষিত ও অবদমিত হতে পারে। তাই, Common sense প্রমাণিত জ্ঞান নয়। এটি অপ্রমাণিত তথা সাধারণ জ্ঞান।

সম্মিলিত শিক্ষা : উল্লিখিত আয়াতসহ আরও অনেক আয়াতের মাধ্যমে নিশ্চিতভাবে জানা যায় যে- আল্লাহ তা’য়ালার মানুষকে জন্মগতভাবে জ্ঞানের একটি অপ্রমাণিত বা সাধারণ উৎস দিয়েছেন। জ্ঞানের ঐ উৎসটিই হলো- Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান।

তথ্য-৪

إِنَّ شَرَّ الدَّوَابِّ عِنْدَ اللَّهِ الضُّمُّ الْبُكْمُ الَّذِينَ لَا يَعْقِلُونَ

অনুবাদ : নিশ্চয় আল্লাহর কাছে নিকৃষ্টতম জীব হচ্ছে সেই সব বধির, বোবা যারা Common sense-কে (যথাযথভাবে) কাজে লাগায় না।

(সুরা আল আনফাল/৮ : ২২)

ব্যাখ্যা : Common sense-কে যথাযথভাবে কাজে না লাগানো ব্যক্তিকে নিকৃষ্টতম জীব বলার কারণ হলো- এ ধরনের ব্যক্তি কোটি কোটি মানুষ বা একটি জাতিকে ধ্বংস করে দিতে পারে। অন্য কোনো জীব তা কখনোই পারে না।

তথ্য-৫

وَيَجْعَلُ الرِّجْسَ عَلَى الَّذِينَ لَا يَعْقِلُونَ.

অনুবাদ : আর যারা Common sense-কে কাজে লাগায় না তাদের ওপর তিনি ভুল চাপিয়ে দেন।

(সুরা ইউনুস/১০ : ১০০)

ব্যাখ্যা : আয়াতখানির মাধ্যমে জানিয়ে দেওয়া হয়েছে যে, মানুষ যদি কুরআন ও সুন্নাহর সাথে Common sense-কে আল্লাহর জানিয়ে দেওয়া প্রোগ্রাম বা নীতিমালা অনুযায়ী ব্যবহার না করে তবে তাদের ভুল জ্ঞান অর্জিত হবে।

তথ্য-৬

وَقَالُوا لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ

অনুবাদ : তারা আরও বলবে- যদি আমরা (সতর্ককারীদের কথা তথা আল্লাহর কিতাব ও নবীদের বক্তব্য) শুনতাম অথবা Common sense-কে ব্যবহার করতাম তাহলে আজ আমাদের জাহান্নামের বাসিন্দা হতে হতো না।

(সুরা আল মূলক/৬৭ : ১০)

ব্যাখ্যা : আয়াতটিতে শেষ বিচার দিনে জাহান্নামের অধিবাসীরা অনুশোচনা করে যেসব কথা বলবে তা উল্লেখ করা হয়েছে। তারা বলবে- যদি তারা কুরআন ও সুন্নাহর বক্তব্য শুনতো অথবা ইসলাম জানার জন্য Common sense-কে যথাযথভাবে ব্যবহার করতো, তবে তাদের জাহান্নামের

বাসিন্দা হতে হতো না। আয়াতখানি থেকে তাই বোঝা যায়, Common sense-কে যথাযথভাবে ব্যবহার না করা জাহান্নামে যাওয়ার একটা কারণ হবে।

সম্মিলিত শিক্ষা : পূর্বের আয়াত তিনখানির আলোকে নিশ্চিতভাবে বলা যায়- Common sense আল্লাহর দেওয়া অপরিসীম গুরুত্বপূর্ণ একটি জ্ঞানের উৎস।

আল হাদীস

হাদীস-১

حَدَّثَنَا عَبْدَانُ أَخْبَرَنَا عَبْدُ اللَّهِ أَخْبَرَنَا يُونُسُ عَنِ الزُّهْرِيِّ أَخْبَرَنِي أَبُو سَكْمَةَ بْنُ عَبْدِ الرَّحْمَنِ أَنَّ أَبَا هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : مَا مِنْ مَوْلُودٍ إِلَّا يُولَدُ عَلَى الْفِطْرَةِ . فَأَبَوَاهُ يُهَوِّدَانِهِ أَوْ يُنَصِّرَانِهِ أَوْ يُمَجِّسَانِهِ . كَمَا تُنْتَجِجُ الْبَيْهَمَةُ بِبَيْهَمَةٍ جُمَعَاءَ . هَلْ تُحْسِنُونَ فِيهَا مِنْ جُدَعَاءَ .

অনুবাদ : ইমাম বুখারী (রহ.) আবু হুরায়রা (রা)-এর বর্ণনা সনদের ৫ম ব্যক্তি আবদান থেকে শুনে তাঁর সহীহ গ্রন্থে বর্ণনা করেন- আবু হুরায়রা (রা) বলেন, নিশ্চয় রাসূলুল্লাহ (স.) বলেছেন, এমন কোনো শিশু নেই যে মানব প্রকৃতির (ফিতরাত) ওপর জন্মগ্রহণ করে না। অতঃপর তার মা-বাবাই তাকে ইহুদী বা খ্রিষ্টান বা অগ্নিপূজারী রূপে গড়ে তোলে। যেমন, চতুষ্পদ পশু নিখুঁত বাচ্চা জন্ম দেয়। তোমরা কি তাদের মধ্যে কোনো কানকাটা দেখতে পাও? (বরং মানুষেরাই তার নাক, কান কেটে দিয়ে বা ছিদ্র করে তাকে বিকৃত করে থাকে)।

◆ বুখারী, হাদীস নম্বর-১৩৫৯

◆ হাদীসটির সনদ ও মতন সহীহ।

ব্যাখ্যা : হাদীসটির ‘প্রতিটি শিশুই মানব প্রকৃতির (ফিতরাত) ওপর জন্মগ্রহণ করে’ কথাটির ব্যাখ্যা হলো- সকল মানব শিশুই সৃষ্টিগতভাবে সঠিক জ্ঞানের শক্তি নিয়ে জন্মগ্রহণ করে। এ বক্তব্য থেকে তাই জানা যায়- সকল মানব শিশু সঠিক Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান নিয়ে জন্মগ্রহণ করে।

আর হাদীসটির ‘অতঃপর তার মা-বাবাই তাকে ইহুদী বা খ্রিষ্টান বা অগ্নিপূজারী রূপে গড়ে তোলে’ অংশের ব্যাখ্যা হলো, মা-বাবা তথা পরিবেশ ও শিক্ষা মানব শিশুকে ইহুদী, খ্রিষ্টান, অগ্নিপূজারী বানিয়ে দেয়। তাহলে হাদীসটির এ অংশ থেকে জানা যায়- Common sense পরিবেশ, শিক্ষা ইত্যাদি দিয়ে পরিবর্তিত হয়ে যায়। আর তাই এ হাদীস অনুযায়ী- Common sense সাধারণ বা অপ্রমাণিত জ্ঞান। প্রমাণিত জ্ঞান নয়।

হাদীস-২

حَدَّثَنَا عَبْدُ اللَّهِ حَدَّثَنِي أَبِي حَدَّثَنَا زَيْدُ بْنُ يَحْيَى الدِّمَشْقِيُّ قَالَ حَدَّثَنَا عَبْدُ اللَّهِ بْنُ الْعَلَاءِ قَالَ سَمِعْتُ مُسْلِمَ بْنَ مَشْكَمٍ قَالَ سَمِعْتُ الْخَشْيَ يَقُولُ قُلْتُ يَا رَسُولَ اللَّهِ أَخْبِرْنِي بِمَا يَجَلُّ لِي وَيَحْرَمُ عَلَيَّ. قَالَ فَصَعَدَ النَّبِيُّ صَلَّى اللَّهُ عَلَيْهِ وَسَلَّمَ وَصَوَّبَ فِي النَّظَرِ فَقَالَ : أَلْبِذْ مَا سَكَنْتَ إِلَيْهِ النَّفْسُ وَاطْمَأَنَّ إِلَيْهِ الْقَلْبُ وَالْإِثْمُ مَا لَمْ تَسْكُنْ إِلَيْهِ النَّفْسُ وَلَمْ يَطْمِئَنَّ إِلَيْهِ الْقَلْبُ وَإِنْ أَفْتَاكَ الْمُفْتُونَ.

অনুবাদ : ইমাম আহমদ ইবনে হাম্বল (রহ.) আবু সা’লাবা আল-খুশানী (রা.)-এর বর্ণনা সনদের ওর্থ ব্যক্তি যায়েদ বিন ইয়াহইয়া আদ-দিমাশকী থেকে শুনে তাঁর মুসনাদ গ্রন্থে লিখেছেন। আবু সা’লাবা আল-খুশানী (রা.) বলেন, আমি বললাম- হে রসূলুল্লাহ (স.)! আমার জন্য কী হালাল আর কী হারাম তা আমাকে জানিয়ে দিন। তখন রসূল (স.) একটু নড়েচড়ে বসলেন ও ভালো করে খেয়াল (চিন্তা-ভাবনা) করে বললেন- নেকী (বৈধ) হলো সেটি, যা করে তোমার নফস (মন তথা মনে থাকা আকল) প্রশান্ত হয় ও তোমার কলব (মন তথা মনে থাকা Common sense) তৃপ্তি লাভ করে। আর পাপ (অবৈধ) হলো সেটি, যা করে তোমার নফস ও কলব প্রশান্ত হয় না ও তৃপ্তি লাভ করে না। যদিও সে বিষয়ে ফাতওয়া প্রদানকারীরা তোমাকে ফাতওয়া দেয়।

- ◆ আহমাদ, আল-মুসনাদ, হাদীস নম্বর-১৭২১৫।
- ◆ হাদীসটির সনদ ও মতন সহীহ।

ব্যাখ্যা : নেকী তথা সঠিক কাজ করার পর মনে স্বস্তি ও প্রশান্তি এবং গুনাহ তথা ভুল কাজ করার পর সন্দেহ, সংশয়, খুঁতখুঁত ও অস্বস্তি সৃষ্টি

হতে হলে মনকে আগে বুঝতে হবে কোনটি সঠিক ও কোনটি ভুল। তাই, হাদীসটি থেকে জানা যায়- মানুষের মনে একটি জ্ঞানের শক্তি আছে যে অন্যায় ও ন্যায় বুঝতে পারে। মানব মনে থাকা জন্মগতভাবে পাওয়া সেই শক্তি হলো- Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান।

হাদীসটির ‘যদিও সে ব্যাপারে মানুষ তোমাকে (ভিন্ন) ফাতওয়া দেয় এবং ফাতওয়া দিতেই থাকে’ বক্তব্যের মাধ্যমে রসূল (স.) জানিয়ে দিয়েছেন, কোনো মানুষ যদি এমন কথা বলে যাতে মন তথা মনে থাকা Common sense সায় দেয় না, তবে বিনা যাচাইয়ে তা মেনে নেওয়া যাবে না। সে ব্যক্তি যতো বড় মুফাসসির, মুহাদ্দিস, মুফতি, প্রফেসর, চিকিৎসক বা ইঞ্জিনিয়ার হোক না কেন। তাই হাদীসটির এ অংশ থেকে জানা যায়- Common sense অতীব গুরুত্বপূর্ণ এক জ্ঞানের শক্তি/উৎস।

হাদীস-৩

.....
 عَنِ أَبِي أُمَامَةَ. أَنَّ رَجُلًا سَأَلَ رَسُولَ اللَّهِ صَلَّى اللَّهُ عَلَيْهِ وَسَلَّمَ: مَا
 الْإِيمَانُ؟ قَالَ: إِذَا سَرَّتْكَ حَسَنَتُكَ، وَسَاءَتْكَ سَيِّئَتُكَ فَأَنْتَ مُؤْمِنٌ. قَالَ: يَا
 رَسُولَ اللَّهِ، فَمَا الْإِثْمُ؟ قَالَ: إِذَا حَاكَ فِي نَفْسِكَ شَيْءٌ فَدَعَهُ.

অনুবাদ : ইমাম আহমদ বিন হাম্বল (রহ.) আবু উমামা (রা.)-এর বর্ণনা সনদের ৬ষ্ঠ ব্যক্তি রাওহ থেকে শুনে তাঁর মুসনাদ গ্রন্থে লিখেছেন- আবু উমামা (রা.) বলেন, এক ব্যক্তি রসূল (স.)-কে জিজ্ঞেস করলো, ইমান কী? রসূল (স.) বললেন, যখন সৎকাজ তোমাকে আনন্দ দেবে ও অসৎ কাজ পীড়া দেবে, তখন তুমি মু’মিন। সে পুনরায় জিজ্ঞেস করলো, হে রসূল! গুনাহ (অন্যায়) কী? মহানবী (স.) বলেন- যে বিষয় তোমার মনে সন্দেহ-সংশয় ও অস্বস্তি সৃষ্টি করে (সেটি গুনাহ), তাই তা ছেড়ে দেবে।

- ◆ আহমদ, আল-মুসনাদ, হাদীস নম্বর- ২২২২০।
- ◆ হাদীসটির সনদ এবং মতন সহীহ।

ব্যাখ্যা : এ হাদীসটির ‘যে বিষয় তোমার মনে সন্দেহ-সংশয় ও অস্বস্তি সৃষ্টি করে (সেটি গুনাহ), তাই তা ছেড়ে দেবে’ অংশ থেকে জানা যায়- মানুষের মনে একটি জ্ঞানের শক্তি আছে যে অন্যায় ও ন্যায় বুঝতে পারে।

মানব মনে থাকা জন্মগতভাবে পাওয়া সেই শক্তি হলো- Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান ।

হাদীসটির ‘যখন সৎকাজ তোমাকে আনন্দ দেবে ও অসৎ কাজ পীড়া দেবে, তখন তুমি মু’মিন’ অংশ থেকে জানা যায়- মু’মিনের একটি সংজ্ঞা হলো- সৎকাজ করার পর মনে আনন্দ পাওয়া। আর অসৎ কাজ করার পর মনে কষ্ট পাওয়া। সৎকাজ করার পর মনে আনন্দ পায় আর অসৎ কাজ করার পর মনে কষ্ট পায় সেই ব্যক্তি যার Common sense জাগ্রত আছে। তাই, এ হাদীস অনুযায়ী Common sense অপরিসীম গুরুত্বপূর্ণ এক জ্ঞানের শক্তি/উৎস।

সম্মিলিত শিক্ষা : হাদীস তিনটিসহ আরও হাদীস থেকে সহজে জানা যায়- Common sense, আকল, বিবেক বা বোধশক্তি সকল মানুষকে জন্মগতভাবে আল্লাহর দেওয়া জ্ঞানের একটি সাধারণ বা অপ্রমাণিত উৎস। তাই, Common sense-এর রায়কেও এই পুস্তিকার তথ্যের একটি উৎস হিসেবে নেওয়া হয়েছে।

বিজ্ঞান

মানব সভ্যতার বর্তমান স্তরে ‘বিজ্ঞান’ যে জ্ঞানের একটি উৎস এটা কেউ অস্বীকার করবে বলে আমার মনে হয় না। বিজ্ঞানের বিষয় আবিষ্কারের ব্যাপারে Common sense-এর বিরাট ভূমিকা আছে। উদাহরণস্বরূপ বিজ্ঞানী নিউটনের মাধ্যাকর্ষণ শক্তি আবিষ্কারের বিষয়টি উল্লেখ করা যায়। নিউটন একদিন আপেল গাছের নিচে বসে থাকা অবস্থায় দেখলেন একটি আপেল মাটিতে পড়লো। তিনি ভাবলেন আপেলটি ওপরের দিকে না গিয়ে নিচের দিকে আসলো কেন? নিশ্চয় কোনো শক্তি আপেলটিকে নিচের দিকে (পৃথিবীর কেন্দ্রের দিকে) টেনেছে। Common sense এর এই তথ্যের ওপর ভিত্তি করে গবেষণার মাধ্যমে বিজ্ঞানী নিউটন মাধ্যাকর্ষণ শক্তি আবিষ্কার করেন। আর ঐ আবিষ্কারের প্রতিটি বাঁকে তাকে Common sense ব্যবহার করতে হয়েছে। তাহলে দেখা যায় বিজ্ঞানের তত্ত্ব বা তথ্য আবিষ্কারের ব্যাপারে Common sense এর বিরাট ভূমিকা আছে। তাই বিজ্ঞান হলো Common sense-এর মাধ্যমে উদ্ভাবিত জ্ঞান।

বিজ্ঞানের অনেক তত্ত্ব বা তথ্য সময়ের আবর্তে পরিবর্তন হয়ে যায়। কারণ মানুষের জ্ঞান সীমিত। আমার ৪০ বছরের চিকিৎসা জীবনে চিকিৎসা

বিজ্ঞানের অনেক তথ্য সম্পূর্ণরূপে পরিবর্তিত হয়ে যেতে দেখেছি। তাই ইসলামী নীতি হলো Common sense-এর মতো বিজ্ঞানের কোনো তত্ত্ব বা তথ্যকে চূড়ান্তভাবে গ্রহণ বা বর্জন করার আগে কুরআন বা সুন্নাহর আলোকে অবশ্যই যাচাই করে নিতে হবে।

অন্যদিকে বিজ্ঞানের কোনো তত্ত্ব বা তথ্য যদি নির্ভুল হয় তবে সেটি এবং ঐ বিষয়ের কুরআনের তথ্য একই হবে। এ কথাটি কুরআন জানিয়ে দিয়েছে এভাবে-

سُنُّهُمْ آيَاتِنَا فِي الْأَفَاقِ وَفِي أَنْفُسِهِمْ حَتَّىٰ يَتَبَيَّنَ لَهُمْ أَنَّهُ الْحَقُّ

অনুবাদ : শীঘ্রই আমরা তাদেরকে (অতাৎক্ষণিকভাবে) দিগন্তে এবং নিজেদের (শরীরের) মধ্যে থাকা আমাদের নিদর্শনাবলি (উদাহরণ) দেখাতে থাকবো, যতক্ষণ না তাদের কাছে সুস্পষ্ট হয়ে উঠবে যে তা (কুরআনের সকল বক্তব্য) সত্য।

(সুরা হা-মিম-আস-সিজদা/৪১ : ৫৩)

ব্যাখ্যা : দিগন্ত হলো খালি চোখ এবং অনুবীক্ষণ ও দূরবীক্ষণ যন্ত্রের মাধ্যমে মানুষের দৃষ্টিশক্তি যতদূর যায় ততদূর। আর আল্লাহ তা'য়ালার কর্তৃক অতাৎক্ষণিকভাবে দেখানোর অর্থ হলো- প্রকৃতিতে থাকা আল্লাহর প্রণয়ন করে রাখা বৈজ্ঞানিক বিষয় গবেষণার মাধ্যমে আবিষ্কার হওয়ার পর দেখা।

তাই, এ আয়াতে বলা হয়েছে- খালি চোখ ও দূরবীক্ষণ যন্ত্রের মাধ্যমে মানুষের দৃষ্টি শক্তি যতদূর যায় ততদূর এবং মানুষের শরীরের মধ্যে থাকা আল্লাহর তৈরি করে রাখা বিভিন্ন বিষয় তাঁর তৈরি প্রোগ্রাম অনুযায়ী গবেষণার মাধ্যমে ধীরে ধীরে আবিষ্কার হতে থাকবে। এ আবিষ্কারের মাধ্যমে একদিন কুরআনে থাকা সকল ইন্দ্রিয়গ্রাহ্য বিষয় সত্য প্রমাণিত হবে। তাই, এ আয়াত অনুযায়ী কোনো বিষয়ে কুরআনের তথ্য এবং ঐ বিষয়ে বিজ্ঞানের প্রতিষ্ঠিত তথ্য একই হবে।

কিয়াস ও ইজমা

ইসলামে, প্রজ্ঞাবান/বিচক্ষণ/হিকমাদারী/মনীষী বলতে কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ এবং সাধারণ ও ঐতিহাসিক সত্য ঘটনা ও কাহিনির ভিত্তিতে জন্মগতভাবে আল্লাহ প্রদত্ত জ্ঞানের উৎস (Common sense/আকল/বিবেক) উৎকর্ষিত হওয়া ব্যক্তিকে বোঝায়।

আর **কিয়াস** হলো- কুরআন ও সুন্নাহর পরোক্ষ, একাধিক/ব্যাপক অর্থবোধক অথবা কুরআন-সুন্নাহ সারাসরি নেই এমন বিষয়ে কুরআন সুন্নাহর অন্য তথ্যের আলোকে যে কোনো যুগের একজন প্রজ্ঞাবান/বিচক্ষণ/হিকমাদারী ব্যক্তির **Common sense**-এর উন্নত অনুধাবন ও ব্যাখ্যা-বিশ্লেষণ ক্ষমতার আলোকে পরিচালিত গবেষণার ফল। আর কোনো বিষয়ে সকলের কিয়াসের ফল এক হলে বা কারো কিয়াসের ব্যাপারে সকলে একমত হলে তাকে **‘ইজমা’** (Concensus) বলে।


কারো গবেষণার ফল জ্ঞানের উৎস হতে পারে না। গবেষণার ফল হয় রেফারেন্স তথা তথ্যসূত্র। তাই সহজে বলা যায়- কিয়াস বা ইজমা জ্ঞানের উৎস হবে না। কিয়াস ও ইজমা হবে তথ্যসূত্র/রেফারেন্স।

ইজমা ইসলামী জীবন বিধানের একটি গুরুত্বপূর্ণ বিষয় হলেও মনে রাখতে হবে ইজমা অপরিবর্তনীয় নয়। কারণ, মানব সভ্যতার জ্ঞানের উন্নতির সঙ্গে সঙ্গে কুরআন ও সুন্নাহর ঐ সকল অস্পষ্ট বক্তব্য আরও স্পষ্ট হয়ে উঠবে। ফলে ঐ সব বিষয়ে কিয়াস ও ইজমার সিদ্ধান্ত পরিবর্তন হয়ে যেতে পারে। বিজ্ঞানের বিষয়ের মতো অন্য যে কোনো বিষয়েই তা হতে পারে।

এ পুস্তিকার আলোচ্য বিষয়ের ব্যাপারে কুরআন ও প্রকৃত সহীহ হাদীসে স্পষ্ট বক্তব্য আছে। তাই এ ব্যাপারে কিয়াস করার সুযোগ নেই।

আল্লাহ প্রদত্ত তিনটি উৎস ব্যবহার করে নির্ভুল জ্ঞান অর্জন ও ব্যবস্থা গ্রহণের প্রবাহচিত্র/নীতিমালা

যেকোনো বিষয়ে নির্ভুল জ্ঞান অর্জন বা সিদ্ধান্তে পৌঁছানো এবং ব্যবস্থা গ্রহণের জন্য আল্লাহ প্রদত্ত উৎস কুরআন, সুন্নাহ ও Common sense ব্যবহারের প্রবাহচিত্রটি (Flow Chart) মহান আল্লাহ সারসংক্ষেপ আকারে জানিয়ে দিয়েছেন সুরা নিসার ৫৯ নম্বর এবং সুরা নূরের ১৫, ১৬ ও ১৭ নম্বর আয়াতসহ আরও কিছু আয়াতের মাধ্যমে। আর আয়েশা (রা.)-এর চরিত্র নিয়ে ছড়ানো প্রচারণাটির (ইফকের ঘটনা) ব্যাপারে নিজের অনুসরণ করা সিদ্ধান্তে পৌঁছানোর পদ্ধতির মাধ্যমে রসূল (স.) নীতিমালাটি বাস্তবে প্রয়োগ করে দেখিয়ে দিয়েছেন। নীতিমালাটি নিয়ে বিস্তারিত আলোচনা করা হয়েছে ‘কুরআন, সুন্নাহ ও Common sense ব্যবহার করে নির্ভুল জ্ঞান অর্জন ও ব্যবস্থা গ্রহণের প্রবাহচিত্র/নীতিমালা নামক বইটিতে। প্রবাহচিত্রটি (Flow Chart) এখানে উপস্থাপন করা হলো-



মূল বিষয়

ইসলামী জীবন ব্যবস্থায় কুরআন ও সুন্নাহর বক্তব্য উপস্থাপন করা, সেটি মানুষকে গ্রহণ করানোর চেষ্টা করা এবং সে অনুযায়ী মানুষকে আমল করার জন্য আকৃষ্ট করা একটি মৌলিক, ফরজ বা বাধ্যতামূলক বিষয়। এটিকে ইসলামী পরিভাষায় দাওয়াতী কাজ বলা হয়। আর এ কাজ যিনি করেন তাকে দা'ঈ বলে। দাওয়াতী কাজ বাধ্যতামূলক করার মূল কারণ হলো- না জানার জন্যে পরিপূর্ণভাবে ইসলাম না মানতে পারা মানুষের সংখ্যা পৃথিবীতে কমিয়ে আনা। কারণ, যে একটি বিষয় জানে না সেটি অমান্য করার জন্য তাকে শাস্তি দেওয়া ন্যায়বিচার নয়। আর পরকালে মহান আল্লাহ সকল মানুষকে দুনিয়ার কর্মের ভিত্তিতে যে পুরস্কার বা শাস্তি দেবেন সেটি সবচেয়ে বড় ন্যায়বিচার হবে।

দাওয়াতী কাজ করার একটি গুরুত্বপূর্ণ উপায় হলো- বক্তব্য বা ওয়াজ-নসীহতের মাধ্যমে ইসলামের তথ্য মানুষের কাছে পৌঁছানো। এ কাজটি মুসলিম বিশ্বে পূর্বের তুলনায় বর্তমানে অনেক বেশি হচ্ছে, আলহামদুলিল্লাহ। কিন্তু বাস্তবে দেখা যাচ্ছে কুরআন ও সুন্নাহর নিষিদ্ধ কাজ করা মুসলিমের সংখ্যা আগের তুলনায় অনেক বেশি। কেন এমনটি হচ্ছে তা সকল চিন্তাশীল মুসলিমকে বিশেষভাবে ভাবতে হবে এবং প্রতিকারের ব্যবস্থা নিতে হবে।

প্রত্যেক দা'ঈকে মনে রাখতে হবে- উপস্থাপন করা বিষয়টি যদি কুরআন সুন্নাহের দৃষ্টিকোণ থেকে সঠিক হয়, তবে তা মেনে নিয়ে যতো মানুষ সে অনুযায়ী আমল করবে তার সওয়াব উপস্থাপকের আমলনামায় অবশ্যই পৌঁছাবে। আবার তার উপস্থাপিত বিষয়টি যদি কুরআন-সুন্নাহ অনুযায়ী ভুল হয়, তবে সেটি মেনে নিয়ে যারা আমল করবে তাদের গুনাহের অংশও উপস্থাপকের আমলনামায় কিয়ামত পর্যন্ত জমা হতে থাকবে। তাই, কুরআন ও সুন্নাহ তথা ইসলাম বক্তব্য বা ওয়াজ-নসীহত উপস্থাপনের সময় অত্যন্ত সতর্কতা অবলম্বন করার নির্দেশ দিয়েছে। সেই সাথে ভুল বিষয় উপস্থাপন যেন না হয় সে জন্য বক্তব্য উপস্থাপনের নীতিমালা কী হবে তাও জানিয়ে দিয়েছে।

অত্যন্ত দুঃখের বিষয়, বর্তমান মুসলিম বিশ্বে যারা ইসলামী বিষয়ে আলোচনা, বক্তব্য বা ওয়াজ-নসীহত উপস্থাপন করেন, তাদের অধিকাংশই ইসলাম প্রদত্ত ঐ নীতিমালা অনুসরণ করেন না। ফলে তাদের দাওয়াত যথাযথ ফল দিতে ব্যর্থ হচ্ছে। অন্যদিকে, দাওয়াতী বিষয়ের তথ্যের উৎস নিম্নের ক্রমানুযায়ী নেমে এসেছে-

আল্লাহ প্রদত্ত উৎস সমূহ



মনীষী



বুজুর্গ



মুরক্বি/শায়েখ

তথ্যের উৎসের ক্রমধারাটি এভাবে নামতে থাকলে ভবিষ্যতে তা কোথায় গিয়ে থামবে, তা শুধুমাত্র মহান আল্লাহই বলতে পারবেন।

বক্তব্য বা ওয়াজ-নসীহত উপস্থাপনের এ বিস্ময়কর অবনতির প্রধান দু'টো কারণ হলো-

১. বক্তব্য উপস্থাপনের কুরআন-সুন্নাহ প্রদত্ত মূল নীতিমালা মুসলিম জাতির হারিয়ে ফেলা।
২. নীতিমালাটি সহজে বুঝা, মনে রাখা ও অনুসরণ করার তথ্যধারণকারী কোনো পুস্তিকা উপস্থিত না থাকা।

তাই, বর্তমান প্রচেষ্টার উদ্দেশ্য হচ্ছে- কুরআন, সুন্নাহ ও Common sense-এর তথ্যের আলোকে বক্তব্য বা ওয়াজ-নসীহত উপস্থাপনের নীতিমালা জাতির সামনে উপস্থাপন করা, যা/যাতে-

- উপস্থাপনকারীর জন্য বুঝা, মনে রাখা ও অনুসরণ করা সহজ হবে।
- ভুল বিষয় উপস্থাপন করা কঠিন হবে।
- মৌলিক বিষয় বাদ দিয়ে অমৌলিক বিষয় উপস্থাপন রোধ করবে।
- উৎসের ক্রমধারার অধঃপতন রোধ করবে, ইনশাআল্লাহ।

বক্তব্য বা ওয়াজ-নসীহত উপস্থাপনের নীতিমালার সারসংক্ষেপ

আমাদের গবেষণা অনুযায়ী বক্তব্য বা ওয়াজ-নসীহত উপস্থাপনের নীতিমালা নয়টি স্তরে বিভক্ত। স্তরগুলোর সারসংক্ষেপ নিম্নরূপ-

- স্তর-১** : দর্শক-শ্রোতাদের জ্ঞান ও আমলের বাস্তব অবস্থার ভিত্তিতে উপস্থাপনের বিষয় নির্ধারণ করা।
- স্তর-২** : উপস্থাপন করতে যাওয়া বিষয়টির নির্ভুলতার ব্যাপারে বক্তার ব্যক্তিগতভাবে শতভাগ নিশ্চিত হওয়া।
- স্তর-৩** : উপস্থাপন করতে যাওয়া বিষয়টির ওপর বক্তার নিজের আমল থাকা।
- স্তর-৪** : জন্মগতভাবে পাওয়া জ্ঞানের উৎস তথা Common sense-এর সাহায্য নিয়ে শ্রোতাদের উপস্থাপন করতে চাওয়া তথ্যটির পক্ষে নিয়ে আসা।
- স্তর-৫** : আল কুরআনের যতো বেশি সংখ্যক সম্ভব আয়াত উপস্থাপন করে ৪ নম্বর স্তরের সিদ্ধান্তটিকে দৃঢ় করা।
- স্তর-৬** : যতো বেশি সংখ্যক সম্ভব নির্ভুল হাদীস উপস্থাপন করে ৪ নম্বর স্তরের সিদ্ধান্তটিকে আরও দৃঢ় করা।
- স্তর-৭** : সাহাবী, তাবেঈ, তাবে-তাবেঈ বা মনীষীদের সিদ্ধান্তটির সমর্থনকারী বক্তব্য যদি পাওয়া যায় উপস্থাপন করা।
- স্তর-৮** : উপস্থাপিত বিষয়টি অনুসরণ করা বা না করায় দুনিয়ার লাভ বা ক্ষতি উপস্থাপন করা।
- স্তর-৯** : উপস্থাপিত বিষয়টি অনুসরণ করা বা না করায় আখিরাতে লাভ বা ক্ষতি উপস্থাপন করা।

নীতিমালা সঠিক হওয়ার প্রমাণ

এবার চলুন বক্তব্য বা ওয়াজ-নসীহত উপস্থাপনের নীতিমালা সঠিক হওয়ার প্রমাণগুলো জেনে নেওয়া যাক-

স্তর ১-এর মূলনীতিটি সঠিক হওয়ার প্রমাণ

স্তর ১-এর নীতি : দর্শক-শ্রোতাদের জ্ঞান ও আমলের বাস্তব অবস্থা অনুযায়ী অগ্রাধিকারের ভিত্তিতে উপস্থাপনের বিষয় নির্ধারণ করা।

Common sense

একটি বিষয় মানুষকে শেখাতে হলে তাকে প্রথমে বিষয়টির মৌলিক দিকগুলো শেখাতে হবে- এটি Common sense-এর অতি সহজবোধগম্য একটি তথ্য। কারণ, কোনো কর্মকাণ্ডের মৌলিক একটি বিষয় বাদ গেলে কর্মকাণ্ডটি শতভাগ ব্যর্থ হয়। অর্থাৎ কর্মকাণ্ডটির সঠিক কাজেরও কোনো মূল্য পাওয়া যায় না।

তাই, Common sense অনুযায়ী, যে মানুষদের সামনে বক্তব্য বা ওয়াজ-নসীহত উপস্থাপন করা হবে, তাদের বাস্তব জ্ঞান ও আমলের অবস্থা বিবেচনা করে প্রত্যেক উপস্থাপককে বিষয় নির্ধারণ করতে হবে। মনে রাখতে হবে শ্রোতাদের ইসলামের মৌলিক ও অমৌলিক উভয় ধরনের বিষয়ে জ্ঞান ও আমলে দুর্বলতা থাকলে প্রথমে মৌলিক বিষয় নিয়ে আলোচনা করতে হবে। আর একাধিক মৌলিক বিষয়ে দুর্বলতা থাকলে তুলনামূলকভাবে বেশি গুরুত্বপূর্ণ বিষয়টি আগে উপস্থাপন করার চেষ্টা করতে হবে। কারণ, ইসলামের মৌলিক একটি বিষয়ও যদি বড় ওজর ব্যতীত কেউ না জানে এবং আমল না করে তবে তাকে দুনিয়ায় চরম লাঞ্ছনা ভোগ করতে হবে এবং পরকালে জাহান্নামে যেতে হবে। একথা আল্লাহ স্পষ্টভাবে জানিয়ে দিয়েছেন সূরা আল বাকারার ৮৫ ও ১৭, মুহাম্মাদের ২৫-২৮, সূরা আন নিসার ১৪ নম্বর আয়াতসমূহসহ আরও অনেক আয়াতে।

তাই, দর্শক-শ্রোতাদের ইসলামের মৌলিক ও অমৌলিক উভয় ধরনের বিষয়ে জ্ঞান ও আমলে ক্রটি আছে জানা সত্ত্বেও যদি কোনো উপস্থাপক মৌলিক বিষয় বাদ রেখে অমৌলিক বিষয় উপস্থাপন করেন, তবে তিনি যেন চাইলেন দর্শক-শ্রোতার দ্বারা দুনিয়ায় চরম অশান্তি ভোগ করুক এবং পরকালে জাহান্নামে নিপতিত হোক। আর এ জন্যে তাকে কুরআনের নির্দেশ অমান্য করার জন্যে গুনাহগার হতে হবে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র বা নীতিমালা অনুযায়ী এ পর্যায়ে তাই বলা যায়, ইসলামের প্রাথমিক রায় হলো- বক্তব্য বা ওয়াজ-নসীহত উপস্থাপনের নীতিমালার প্রথম স্তরের বিষয় হবে, দর্শক শ্রোতাদের জ্ঞান ও আমলের বাস্তব অবস্থা অনুযায়ী অগ্রাধিকারের ভিত্তিতে বিষয় নির্ধারণ করা।

আল কুরআন

তথ্য-১

يَا أَيُّهَا الَّذِينَ آمَنُوا أَنْفُسَكُمْ وَأَهْلِيكُمْ نَارًا.....

অনুবাদ : হে যারা ঈমান এনেছো! তোমরা নিজেদের এবং তোমাদের পরিবার-পরিজনকে আগুন (জাহান্নাম) থেকে বাঁচাও।... ..

(সূরা আত তাহরীম/৬৬ : ৬)

ব্যাখ্যা : আল্লাহ এখানে সকল ঈমানদারকে (যার মধ্যে দাঈরাও রয়েছেন) নিজেকে এবং তার ‘আহালদের’ জাহান্নামের আগুন থেকে বাঁচাতে বলেছেন। ‘আহাল’ শব্দটির অর্থ যেমন হয়- পরিবার বা আত্মীয়-স্বজন তেমনই তার অর্থ হয় সমমনা অর্থাৎ একই বিশ্বাস ও চিন্তা-ধারার সকল মানুষ। তাই, উপস্থাপকের আহল হলো- সকল ঈমানদার মানুষ।

আর তাই, আল্লাহ এ আয়াতে উপস্থাপকসহ সকল ঈমানদারকে বলেছেন, তাদের নিজেদেরকে যেমন জাহান্নামের আগুন থেকে বাঁচার চেষ্টা করতে হবে, তেমনই অন্য ঈমানদারগণও যেন জাহান্নামের আগুন থেকে বাঁচতে পারে সে দিকে খেয়াল রেখে যথাযথ ব্যবস্থা নিতে হবে।

শ্রোতাদের ইসলামের মৌলিক বিষয়ে জ্ঞান ও আমলে ত্রুটি আছে জেনেও যে উপস্থাপক ইচ্ছাকৃতভাবে অমৌলিক বিষয় উপস্থাপন করেন, তাকে কুরআনের আলোচ্য আয়াতকে অমান্য করার জন্যে পরকালে অবশ্যই জবাবদিহি করতে হবে।

তথ্য-২

ادْعُ إِلَى سَبِيلِ رَبِّكَ بِالْحُكْمِ وَالْمَوْعِظَةِ الْحَسَنَةِ ۗ

অনুবাদ : তুমি তোমার রবের পথে (মানুষকে) ডাকো হিকমাহ এবং কল্যাণময় উপদেশের মাধ্যমে।

(সূরা আন নাহল/১৬ : ১২৫)

ব্যাখ্যা : আয়াতখানিতে মানুষকে ডাকতে তথা দাওয়াত দিতে তথা বক্তব্য বা ওয়াজ-নসিহাতের মাধ্যমে মানুষকে ইসলামের দিকে ডাকার সময় দু’টি বিষয়কে গুরুত্ব দিতে বলা হয়েছে-

১. হিকমাহ

২. কল্যাণময় উপদেশ।

ইসলামী জীবন বিধানে হিকমাহ অত্যন্ত গুরুত্বপূর্ণ একটি বিষয়। সূরা বাকারার ২৬৯ নম্বর আয়াতে বলা হয়েছে- যাকে হিকমাহ দান করা হয়েছে তাকে অতিব কল্যাণকর একটি বিষয় দেওয়া হয়েছে। তাই, প্রত্যেক মুসলিমের হিকমাহ-এর প্রকৃত সংজ্ঞা জানা থাকা দরকার। হিকমাহ-এর প্রতিশব্দ হলো- প্রজ্ঞা/বিচক্ষণতা।

হিকমাহর প্রকৃত সংজ্ঞা হলো- কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ, সাধারণ ও ঐতিহাসিক সত্য ঘটনা এবং সাধারণ ও ঐতিহাসিক সত্য কাহিনির শিক্ষার মাধ্যমে জন্মগতভাবে পাওয়া জ্ঞানের শক্তি Common sense/আকল/বিবেকের উৎকর্ষিত অনুধাবন, ব্যাখ্যা- বিশ্লেষণ, বিচার-ফায়সালা ও সিদ্ধান্ত গ্রহণ ক্ষমতা।

কল্যাণময় উপদেশ হলো সে উপদেশ যা মানুষের দুনিয়া ও পরকালীন জীবনকে কল্যাণময় করবে। যে উপদেশে মৌলিক বিষয় অনুপস্থিত থাকে সে উপদেশ অবশ্যই কল্যাণময় উপদেশ বলে গণ্য হবে না।

তাই, এ আয়াতের আলোকেও বলা যায়- শ্রোতাদের ইসলামের মৌলিক বিষয়ে জ্ঞান ও আমলে ত্রুটি আছে জেনেও যে উপস্থাপক ইচ্ছাকৃতভাবে অমৌলিক বিষয় উপস্থাপন করেন তাকে কুরআনের আলোচ্য আয়াতকে অমান্য করার জন্যে পরকালে অবশ্যই জবাবদিহি করতে হবে।

ইসলামের মৌলিক বিষয় কোনগুলো আর অমৌলিক বিষয় কোনগুলো তা নিয়ে আলোচনা করা হয়েছে, ‘আমলের গুরুত্বভিত্তিক অবস্থান জানার সহজ ও সঠিক উপায়’ (গবেষণা সিরিজ-৮) নামক বইটিতে।

♣♣ তাহলে দেখা যায় এ মূলনীতির বিষয়ে ইসলামের প্রাথমিক রায়কে কুরআন দৃঢ়ভাবে সমর্থন করে। ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র নীতিমালা অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- বক্তব্য বা ওয়াজ-নসীহত উপস্থাপনের নীতিমালার প্রথম স্তরের বিষয় হবে, দর্শক শ্রোতাদের জ্ঞান ও আমলের বাস্তব অবস্থা অনুযায়ী অগ্রাধিকারের ভিত্তিতে বিষয় নির্ধারণ করা।

ছড়ান্ত রায়টি সমর্থনকারী হাদীস

عَنْ أَبِي حَبِيدٍ وَابْنِ أُسَيْدٍ (رض) أَنَّ رَسُولَ اللَّهِ (ص) قَالَ إِذَا سَبَعْتُمُ الْحَدِيثَ عَنِّي تَغْرِفُهُ قُلُوبُكُمْ وَتَلِينُ لَهُ إِشْعَارُكُمْ وَابْتِشَارُكُمْ وَتَرَوْنَ أَنَّهُ مِنْكُمْ قَرِيبٌ فَأَنَا أَوْلَىٰ كُمْ بِهِ . وَإِذَا سَبَعْتُمُ الْحَدِيثَ عَنِّي تُنْكِرُهُمْ قُلُوبُكُمْ وَتَنْفِرُ مِنْهُ إِشْعَارُكُمْ وَابْتِشَارُكُمْ وَتَرَوْنَ أَنَّهُ مِنْكُمْ بَعِيدٌ فَأَنَا أَبْعَدُكُمْ مِنْهُ .

অনুবাদ : ইমাম আহমদ বিন হাম্বল (রহ.) আবু হুমাইদ (রা.) ও আবু উসাইদ (রা.)-এর বর্ণনা সনদের ৫ম ব্যক্তি আবু আ'মের থেকে শুনে তাঁর 'মুসনাদ' গ্রন্থে লিখেছেন- আবু হুমাইদ (রা.) ও আবু উসাইদ (রা.) বলেন, রাসূল (স.) বলেছেন- যখন তোমরা আমার নামে বলা কোনো হাদীস শোনো তখন যেটিকে তোমাদের মন (ক্বলব) মেনে নেয় এবং যার প্রতি তোমাদের (জন্মগতভাবে পাওয়া জ্ঞান বিষয়ক) ইঞ্জিত ও সুখবর দানকারী শক্তি নরম হয়ে যায় (সম্মতি দেয়) এবং তোমরা দেখতে পাও তোমরা হাদীসটি (গ্রহণ করার) নিকটতর, তখন জেনে নেবে যে, তোমাদের চেয়ে আমি সেটির অধিক নিকটতর (সেটি আমার হাদীস)। আর যখন তোমরা আমার নামে বলা কোনো হাদীস শোনো, তখন যেটিকে তোমাদের মন (ক্বলব) অস্বীকার করে (মেনে না নেয়) এবং যেটি তোমাদের (জন্মগতভাবে পাওয়া জ্ঞান বিষয়ক) ইঞ্জিত ও সুখবর দানকারী শক্তি অস্বস্তি বোধ করে এবং দেখতে পাও সেটি (গ্রহণ করা) থেকে তোমরা দূরে, তখন জেনে নেবে যে, আমি তোমাদের চেয়ে সেটির অধিক দূরে (সেটি আমার হাদীস নয়)।

- ◆ আহমাদ, আল-মুসনাদ, হাদীস নম্বর ১৬৪৮৩।
- ◆ হাদীসটির সনদ ও মতন সহীহ।

ব্যাখ্যা : মানুষের জন্মগতভাবে পাওয়া জ্ঞান বিষয়ক ইঞ্জিত ও সুসংবাদ দানকারী শক্তি হলো মনে থাকা Common sense এবং জ্ঞানের অন্য শক্তিসমূহ। হাদীসখানি অনুযায়ী Common sense-এর সর্বোসম্মত রায় ও রাসূল (স.)-এর হাদীস অভিন্ন।

কোনো কর্মকাণ্ডের মৌলিক একটি বিষয় বাদ গেলে কর্মকাণ্ডটি শতভাগ ব্যর্থ হয়। অর্থাৎ কর্মকাণ্ডটির সঠিক কাজেরও কোনো মূল্য পাওয়া যায় না। এটি Common sense-এর সর্বোসম্মত একটি রায়।

♣♣ সহজে বলা যায়- এ হাদীসখানি বক্তব্য বা ওয়াজ-নসীহত উপস্থাপনের প্রথম ক্রমনীতির সঠিকত্বের ব্যাপারে ইসলামের চূড়ান্ত রায়কে সমর্থন করে।

স্তর ২-এর মূলনীতিটি সঠিক হওয়ার প্রমাণ

স্তর ২-এর নীতি : উপস্থাপন করতে যাওয়া বিষয়টির নির্ভুলতার ব্যাপারে ব্যক্তিগতভাবে শতভাগ নিশ্চিত হওয়া।

Common sense

তথ্য-১

বক্তব্য বা ওয়াজ-নসীহত উপস্থাপনকারীর উপস্থাপিত বক্তব্যটি মেনে নিয়ে অনেক মানুষ আমল শুরু বা বন্ধ করতে পারে। সুতরাং বিষয়টি যদি সত্য হয় তবে তার সওয়াব, আর যদি মিথ্যে হয় তবে তার গুনাহ কিয়ামত পর্যন্ত তার আমলনামায় যোগ হতে থাকবে এবং পরকালে তা পর্যালোচনা করে তাকে পুরস্কার বা শাস্তি দেওয়া হবে।

তথ্য-২

আল্লাহ নির্ভুল। নবী-রাসুলগণও ভুল-ত্রুটির উর্দে। কারণ তাদেরকে ভুলের ওপর থাকতে দেওয়া হয়নি। তাই নবী-রাসুলগণ ভিন্ন অন্য কোনো মানুষকে নির্ভুল মনে করা শিরকের গুনাহ। বিষয়টি নিয়ে বিস্তারিত আলোচনা আছে ‘অন্ধ অনুসরণ সকলের জন্য শিরক বা কুফরীর গুনাহ নয় কি?’ (গবেষণা সিরিজ-২১) নামক বইটিতে।

বক্তব্য বা ওয়াজ-নসীহত উপস্থাপনকারী ব্যক্তির জন্য বিষয়টি আরও বেশি গুরুত্বপূর্ণ। কারণ, তার উপস্থাপন করা বিষয়টি যদি নির্ভুল না হয় তবে তাতে অনেক মানুষ ভুল কথা শিখবে এবং ভুল আমল করবে। তাই কোনো মনীষী, আলিম বা মুরব্বির ইসলাম সম্বন্ধে বলা কথা বা লেখাকে নির্ভুল ধরে নিয়ে সেটিকে বক্তব্য বা ওয়াজ-নসীহতের বিষয় বানাতে শিরকের গুনাহ হবে।

তথ্য-৩

কুরআনের বিষয়গুলো কিয়ামত পর্যন্ত প্রযোজ্য। তাই মানব সভ্যতার জ্ঞান যত বাড়বে কুরআনের কিছু বক্তব্য ততো অধিক নির্ভুলভাবে বুঝা ও ব্যাখ্যা করা যাবে। তাই মানব সভ্যতার জ্ঞানের দুর্বলতার জন্যে অতীতের মনীষীদের কুরআনের কিছু বক্তব্য বুঝতে ও ব্যাখ্যা করতে অনিচ্ছাকৃত ভুল হতে পারে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র বা নীতিমালা অনুযায়ী এ পর্যায়ে তাই বলা যায়, ইসলামের প্রাথমিক রায় হলো- বক্তব্য বা ওয়াজ-নসীহত উপস্থাপনের নীতিমালার দ্বিতীয় স্তরের বিষয় হবে, উপস্থাপন করতে যাওয়া বিষয়টির নির্ভুলতার ব্যাপারে উপস্থাপককে ব্যক্তিগতভাবে শতভাগ নিশ্চিত হওয়া।

আল কুরআন

তথ্য-১

وَالْفِتْنَةُ أَشَدُّ مِنَ الْقَتْلِ

অনুবাদ : আর অপপ্রচার (ভুল তথ্য) হত্যার চেয়ে অনেক বেশি (ক্ষতিকর)।

(সূরা আল বাকারা/২ : ১৯১)

ব্যাখ্যা : আয়াতখানিতে পরিষ্কারভাবে জানিয়ে দেওয়া হয়েছে ভুল তথ্য হত্যার চেয়ে বেশি ক্ষতিকর। কারণ, একটি ভুল তথ্য অসংখ্য মানুষকে এমনকি একটি জাতিকেও ধ্বংস করে দিতে পারে।

তথ্য-২.১

قُلْ إِنَّمَا حَرَّمَ رَبِّيَ الْفَوَاحِشَ مَا ظَهَرَ مِنْهَا وَمَا بَطَّنَ وَالْإِثْمَ وَالْبَغْيَ بِغَيْرِ الْحَقِّ وَأَنْ تُشْرِكُوا بِاللَّهِ مَا لَمْ يُنَزِّلْ بِهِ سُلْطَانًا وَأَنْ تَقُولُوا عَلَى اللَّهِ مَا لَا تَعْلَمُونَ.

অনুবাদ : বলো, নিশ্চয় আমার প্রতিপালক হারাম করেছেন প্রকাশ্য ও গোপন অশ্লীলতা, পাপকাজ, অন্যায় বাড়াবাড়ি, আল্লাহর সাথে শরীক করা যার কোনো প্রমাণ তিনি অবতীর্ণ করেননি এবং আল্লাহ সম্পর্কে এমন কিছু বলা যা (নির্ভুল কি না তা) তোমরা জানো না।

(সূরা আল আ'রাফ/৭ : ৩৩)

ব্যাখ্যা : এখানে আল্লাহ হারাম বা নিষিদ্ধ করেছেন এমন কয়েকটি কাজের নাম উল্লেখ করা হয়েছে। কাজগুলো হলো-

- প্রকাশ্য ও গোপন অশ্লীল কাজ
- পাপকাজ
- অন্যায় বাড়াবাড়ি
- শিরক করা
- আল্লাহ তথা কুরআন বা ইসলাম সম্পর্কে এমন কিছু বলা যা নির্ভুল কি না তা ব্যক্তির জানা নেই।

তাহলে দেখা যায়, আয়াতখানির মাধ্যমে মহান আল্লাহ ঐ ধরনের কথা বলাকে নিষিদ্ধ বা হারাম করেছেন যার নির্ভুলতার ব্যাপারে ব্যক্তি নিশ্চিত নয়। তাহলে এ আয়াত অনুযায়ী, অনেক মানুষের সামনে ওয়াজ-নসীহত উপস্থাপনের সময় নির্ভুলতার বিষয়ে নিশ্চিত না হয়ে কোনো বক্তব্য, তথ্য বা তত্ত্ব উপস্থাপন করা আরও বড় অপরাধ।

তথ্য-২.২

إِنبَاءِ أَمْرِكُمْ بِالسُّوءِ وَالْفَحْشَاءِ وَأَنْ تَقُولُوا عَلَى اللَّهِ مَا لَا تَعْلَمُونَ.

অনুবাদ : নিশ্চয় সে (শয়তান) তোমাদের অন্যায় ও অশ্লীল কাজ করা এবং আল্লাহ সম্বন্ধে এমন কথা বলার নির্দেশ দেয়, যা সম্পর্কে তোমাদের (নির্ভুল) জ্ঞান নেই।

(সূরা আল বাকারাহ/২ : ১৬৯)

ব্যাখ্যা : এখানে শয়তান যে সকল কাজ করতে নির্দেশ দেয় তেমন তিনটি কাজের নাম উল্লেখ করা হয়েছে। কাজ তিনটি হলো-

- অন্যায় কাজ
- অশ্লীল কাজ
- আল্লাহ তথা কুরআন বা ইসলাম সম্বন্ধে এমন কথা বলা যা সম্পর্কে ব্যক্তির নির্ভুল জ্ঞান নেই।

এ আয়াতে ঐ ধরনের কথা বলাকে শয়তানের কাজ বলা হয়েছে যা নির্ভুল কি না তা ব্যক্তির জানা নেই। অর্থাৎ এটি বড় গুনাহর কাজ। তাহলে এ আয়াত অনুযায়ীও, অনেক মানুষের সামনে বক্তব্য বা ওয়াজ-নসীহত উপস্থাপনের সময় নির্ভুলতার বিষয়ে নিশ্চিত না হয়ে কোনো বিষয় উপস্থাপন করা আরও বড় অপরাধ।

তথ্য-২.৩

إِذْ تَقُولُ لَهُ بِالسَّنَةِ كُمْ وَتَقُولُونَ بِأَفْوَاهِكُمْ مَا لَيْسَ لَكُمْ بِهِ عِلْمٌ وَتَحْسِبُونَهُ هَيِّئًا وَهُوَ عِنْدَ اللَّهِ عَظِيمٌ . وَلَوْلَا إِذْ سَمِعْتُمُوهُ قُلْتُمْ مَا يَكُونُ لَنَا أَنْ نَتَكَلَّمَ بِهَذَا سُبْحَانَكَ هَذَا بُهْتَانٌ عَظِيمٌ . يَعِظُكُمُ اللَّهُ أَنْ تَعُودُوا لِمِثْلِهِ أَبَدًا إِنْ كُنْتُمْ مُؤْمِنِينَ .

অনুবাদ : যখন তোমরা জিহ্বার মাধ্যমে তা ছড়াচ্ছিলে এবং এমন বিষয় মুখে বলছিলে যার কোনো (প্রমাণিত) জ্ঞান তোমাদের কাছে ছিল না এবং তোমরা তাকে তুচ্ছ গণ্য করছিলে যদিও আল্লাহর কাছে তা ছিল গুরুতর বিষয়। আর যখন তোমরা তা শুনলে তখন কেন বললে না এ বিষয়ে বলাবলি করা আমাদের উচিত নয়। পবিত্রতা (মিথ্যা বা ভুল বলার

দোষমুক্ততা) শুধু আপনার জন্য (হে আল্লাহ), এটা এক গুরুতর অপবাদ। আল্লাহ তোমাদের উপদেশ দিচ্ছেন তোমরা যদি মু'মিন হও তবে কখনো অনুরূপ (আচরণের) পুনরাবৃত্তি করো না।

(সূরা আন নূর/২৪ : ১৫-১৭)

ব্যাখ্যা : আয়াত ক'খানিতে বনি মুস্তালিক যুদ্ধের পর আয়েশা (রা.)-এর চরিত্র নিয়ে ছড়ানো অপবাদমূলক প্রচারণার বিষয়ে মহান আল্লাহ দিকনির্দেশনামূলক কিছু কথা বলেছেন। প্রচারণাটি প্রথমে শুরু করে মুনাফিক সর্দার আবদুল্লাহ বিন উবাই। তারপর সাহাবীদের মুখ ঘুরে ঘুরে তা ব্যাপক প্রচার পায়। আয়াতক'খানি একটি বিশেষ ঘটনাকে সামনে রেখে বলা হলেও এর শিক্ষা সর্বজনীন।

তাই, ১৫ নম্বর আয়াতখানির মাধ্যমে জানিয়ে দেওয়া হয়েছে- কাফির, সাধারণ মুসলিম, নিষ্ঠাবান মুসলিম এমনকি সাহাবীদের কাছ থেকে কোনো কথা শুনার পর সেটির নির্ভুলতার বিষয়টি নিশ্চিত না হয়ে প্রচার করা একটি গুরুতর অপরাধ।

১৭ নম্বর আয়াতখানিতে বলা হয়েছে 'তোমরা যদি মু'মিন হও তবে কখনো অনুরূপ (আচরণের) পুনরাবৃত্তি করো না।' একথার মাধ্যমে জানিয়ে দেওয়া হয়েছে- কোনো বিষয়ের নির্ভুলতার বিষয়টি নিশ্চিত হওয়ার পর প্রচার করা ঈমানের সাথে সম্পর্কযুক্ত। অর্থাৎ কাফির, সাধারণ মুসলিম, অত্যন্ত নিষ্ঠাবান মুসলিম এমনকি সাহাবীদের কাছ থেকে কোনো কথা শুনার পর সেটির নির্ভুলতার বিষয়টি নিশ্চিত না হয়ে প্রচার করলে কুফরী গুনাহ হবে।

♣♣ উপরোক্ত তিনটি আয়াত থেকে নিশ্চিতভাবে জানা যায় যে, বক্তব্য বা ওয়াজ-নসীহত উপস্থাপনের সময় নির্ভুলতার বিষয়ে নিশ্চিত না হয়ে কোনো কথা উপস্থাপন করা ইসলামে কঠোরভাবে নিষেধ করা হয়েছে। অর্থাৎ এটি কবীরা গুনাহ।

তথ্য-৩.১

اتَّخَذُوا أَحْبَابَهُمْ وَرُهْبَانَهُمْ أَرْبَابًا مِنْ دُونِ اللَّهِ وَالنَّسِيبِ ابْنِ مَرْيَمَ وَمَا أُمِرُوا إِلَّا لِيَعْبُدُوا إِلَهًا وَاحِدًا إِلَّا إِلَهُهُ سُبْحَانَهُ عَمَّا يُشْرِكُونَ.

অনুবাদ : তারা আল্লাহকে বাদ দিয়ে তাদের পণ্ডিত ও সংসার-বিরাগীদের রব বলে গ্রহণ করেছে এবং মারইয়মের পুত্র মাসীহকে; অথচ তারা এক

উপাস্যের (ইলাহের) ইবাদাত করার জন্যই আদিষ্ট হয়েছিল; তিনি ছাড়া অন্য কোনো ইলাহ নেই; তারা যাকে শরীক করে তা হতে তিনি পবিত্র!

(সূরা আত তাওবা/৯ : ৩১)

ব্যাখ্যা : এ আয়াতে মহান আল্লাহ্ ইহুদী-খ্রিষ্টানদের দৃষ্টান্তের মাধ্যমে কুরআনসহ সকল কিতাবধারীদের তাদের ধর্মীয় পণ্ডিতদেরকে রবের সমতুল্য মনে করতে নিষেধ করেছেন। আর এটিকে শিরকী কাজ বলে আয়াতের শেষে উল্লেখ করেছেন। ধর্মীয় পণ্ডিতদেরকে রব হিসেবে মানা বা গ্রহণ করার দু'টি অর্থ হতে পারে-

ক. রব তথা আল্লাহর মত শক্তির মনে করে শাস্তির ভয়ে তাদের সকল কথা বিনা বাক্য ব্যয়ে মেনে নেওয়া।

খ. রবের মত নির্ভুল মনে করে তাদের সকল কথা, অনুবাদ, ব্যাখ্যা বা লেখা অক্ষভাবে মেনে নেওয়া ও অনুসরণ করা।

এখানে ধর্মের পণ্ডিতদেরকে নির্ভুলতার দৃষ্টিকোণ থেকে রবের সমতুল্য মনে করতে নিষেধ করা হয়েছে বলে রাসূল (সা.) তার হাদীসের মাধ্যমে (পরে আসছে, পৃষ্ঠা নম্বর ৪৩) সুন্দরভাবে বুঝিয়ে দিয়েছেন।

তথ্য-৩.২

قُلْ يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِنْ دُونِ اللَّهِ فَإِنْ تَوَلَّوْا فَقُولُوا اشْهَدُوا بِأَنَّا مُسْلِمُونَ.

অনুবাদ : বলো- হে আহলে কিতাব! এসো এমন এক কথায় যা আমাদের ও তোমাদের মাঝে একই, (তা হলো) আমরা আল্লাহ ছাড়া কারো ইবাদাত না করি, কোনো কিছুকেই তাঁর শরীক না করি এবং আল্লাহকে ছাড়া আমাদের একজন যেন অন্যজনকে রব হিসেবে গ্রহণ না করি; অতঃপর যদি তারা মুখ ফিরিয়ে নেয় তবে বলো- তোমরা সাক্ষী থাক যে, নিশ্চয় আমরা মুসলিম।

(সূরা আলে ইমরান/৩ : ৬৪)

ব্যাখ্যা : আয়াতখানি আহলে কিতাবদের সামনে রেখে বলা হয়েছে, কিন্তু এর বক্তব্য সর্বজনীন তথা কুরআনসহ সকল কিতাবধারীদের জন্য প্রযোজ্য। এখানে মহান আল্লাহ্ তায়ালা রাসূল (সা.)-এর মাধ্যমে আহলে কিতাব এবং তাঁর উম্মতের সকলকে নিজেদের শরীয়াতে থাকা একই ধরনের কয়েকটি বিষয় মেনে চলতে আহ্বান করেছেন। তার একটি হচ্ছে-

নিজেদের মধ্যকার কোনো ব্যক্তিকে ‘রব’ হিসেবে গ্রহণ না করা। ২.১ তথ্য সম্পর্কে রাসূল (সো.)-এর করা ব্যাখ্যার আলোকে বলা যায়- এখানেও সকল কিতাবধারীদের নিজেদের মধ্যকার কোনো ব্যক্তিকে নির্ভুলতার দৃষ্টিকোণ থেকে রবের সমতুল্য মনে করতে নিষেধ করা হয়েছে। আর এটি যে শিরক তা বুঝা অত্যন্ত সহজ।

◆◆ দু’টি তথ্যের আয়াত থেকে নিশ্চিতভাবে জানা যায়- সকল মুসলিমের জন্য অতীত বা বর্তমানের কোনো ব্যক্তির কথা বা লেখাকে নির্ভুল মনে করে বিনা যাচাইয়ে গ্রহণ করা শিরকের গুনাহ। সে ব্যক্তি যতবড় পণ্ডিত হোন না কেন। বক্তব্য বা ওয়াজ-নসীহত উপস্থাপনকারী ব্যক্তির জন্য বিষয়টি আরও বেশি গুরুত্বপূর্ণ। কারণ, তার উপস্থাপন করা বিষয়টি যদি ভুল হয়, তবে তাতে অনেক মানুষ ভুল কথা শিখবে এবং ভুল আমল করবে।

তাই, সকল বক্তব্য বা ওয়াজ-নসীহত উপস্থাপনকারী ব্যক্তিকে, ব্যক্তিগতভাবে অধ্যয়ন বা যাচাই করে উপস্থাপন করতে যাওয়া বিষয়টির নির্ভুলতা সম্পর্কে একশ’ভাগ নিশ্চিত হতে হবে।

তথ্য-৪.১

وَإِذَا قِيلَ لَهُمْ تَعَالَوْا إِلَىٰ مَا أَنزَلَ اللَّهُ وَإِلَى الرَّسُولِ قَالُوا حَسْبُنَا مَا وَجَدْنَا عَلَيْهِ آبَاءَنَا أُولَٰئِكَ هُمُ لَا يَعْلَمُونَ شَيْئًا وَلَا يَهْتَدُونَ.

অনুবাদ : যখন তাদের বলা হয়, আল্লাহ যা অবতীর্ণ করেছেন তার (কুরআন) দিকে ও রাসূলের (সুন্নাহ) দিকে আসো, তারা বলে, আমাদের পূর্বপুরুষদের যার ওপর পেয়েছি তাই আমাদের জন্য যথেষ্ট; তাদের পূর্বপুরুষগণ কোনো বিষয়ে (সঠিক) জ্ঞান লাভ না করে থাকলে এবং (ফলস্বরূপ ঐ ব্যাপারে) সঠিক পথপ্রাপ্ত না হয়ে থাকলেও (তারা কি তাদের অনুসরণ করবে)?

(সূরা আল মায়েদা/৫ : ১০৪)

ব্যাখ্যা : এ আয়াতখানির বক্তব্য রাসূল (সো.)-এর যুগের কাফির-মুশরিকদের জন্য হলেও এর শিক্ষা সর্বজনীন। অর্থাৎ এর শিক্ষা সকল যুগের সকল ধর্মবিশ্বাসের (অমুসলিম ও মুসলিম) মানুষের জন্য প্রযোজ্য।

আয়াতখানি থেকে জানা যায় তৎকালীন কাফির-মুশরিকদের কুরআন ও সুন্নাহর দিকে ফিরে আসতে বলা হলে তারা বলতো- ‘আমাদের

পূর্বপুরুষদের যার ওপর পেয়েছি তাই আমাদের জন্য যথেষ্ট’। আয়াতখানির ২য় অংশে কাফির-মুশরিকদের ঐ কথার পরিপ্রেক্ষিতে আল্লাহর দেওয়া বক্তব্য উল্লেখ করা হয়েছে। সে বক্তব্য হলো- ‘তাদের পূর্বপুরুষগণ কোনো বিষয়ে সঠিক জ্ঞান লাভ না করে থাকলে এবং ফলস্বরূপ ঐ ব্যাপারে সঠিক পথপ্রাপ্ত না হয়ে থাকলেও তারা কি তাদের অনুসরণ করবে?’

বাস্তবে দেখা যায়, বর্তমান যুগের মুসলিমদের (বিশেষ করে মাদ্রাসা শিক্ষিতদের) যুগের জ্ঞানের আলোকে করা কুরআন ও সুন্নাহর সরাসরি বক্তব্যের দিকে ফিরে আসতে বললে তাদের অনেকে প্রায় অভিন্ন ধরনের কথা বলেন। সে কথা হলো- পূর্বের মনীষীগণ (আকাবের) কুরআন ও সুন্নাহর অর্থ ও ব্যাখ্যা করে যে সিদ্ধান্ত তাদের রচিত ফিকাহশাস্ত্রে লিখে রেখে গেছেন তার বাইরের কোনো অর্থ ও ব্যাখ্যা আমরা গ্রহণ করবো না। আর এর কারণ হিসেবে তারা বলেন, তারা অনেক জ্ঞানী ছিলেন। তাহলে দেখা যায় কুরআন ও সুন্নাহর দিকে ফিরে আসতে বললে তৎকালীন কাফির-মুশরিকরা যে কথা বলতো বর্তমান যুগের মুসলিমরা একই ধরনের কথা বলেন। তাই এ আয়াতের শিক্ষা বর্তমান যুগের মুসলিমদের জন্যেও প্রযোজ্য হবে।

আয়াতখানি থেকে কাফির-মুশরিকদের জন্য শিক্ষা : কুরআন ও সুন্নাহ (বর্তমান হাদীসশাস্ত্রের হাদীস নয়)-এর বক্তব্য হলো নির্ভুল। তাই নির্ভুল উৎস থেকে জ্ঞান অর্জন না করার জন্যে তাদের পূর্বপুরুষগণ জীবন সম্পর্কিত অনেক বিষয়ে সঠিক জ্ঞান লাভ করতে পারেনি। এজন্যে তাদের সব কথা নির্ভুল মনে করে মেনে নেওয়া সঠিক হবে না। বরং ঐ সব বিষয়ে কুরআন ও সুন্নাহর কথা মেনে নেওয়া সঠিক হবে।

আর আয়াতখানি থেকে বর্তমান মুসলিম সমাজের জন্য শিক্ষা : কুরআন ও সুন্নাহর বক্তব্য কিয়ামত পর্যন্ত প্রযোজ্য। তাই মানব সভ্যতার জ্ঞান প্রয়োজনীয় স্তর পর্যন্ত না পৌঁছালে কুরআন ও সুন্নাহর কিছু কিছু বক্তব্য ব্যক্তি মানুষের বুঝে নাও আসতে পারে। এ জন্য সভ্যতার জ্ঞানের দুর্বলতার জন্যে পূর্বের মনীষীগণের কুরআন ও সুন্নাহর কিছু কিছু বিষয় বুঝতে ও ব্যাখ্যা করতে অনিচ্ছাকৃত ভুল হতে পারে। তাই, কুরআন ও সুন্নাহর সকল বিষয়ে তাদের বুঝ, ব্যাখ্যা বা সিদ্ধান্ত অন্ধভাবে মানা সঠিক হবে না। বরং ঐ সকল বিষয়ে যোগ্য মানুষদের যুগের জ্ঞানের আলোকে করা অর্থ ও ব্যাখ্যা গ্রহণ করা সঠিক হবে।

তথ্য-৪.২

وَإِذَا قِيلَ لَهُمُ اتَّبِعُوا مَا أَنْزَلَ اللَّهُ قَالُوا بَلْ نَتَّبِعُ مَا أَلْفَيْنَا عَلَيْهِ آبَاءَنَا أَوَلَوْ كَانَ
آبَاءُهُمْ لَا يَعْقِلُونَ شَيْئًا وَلَا يَهْتَدُونَ.

অনুবাদ : যখন তাদের বলা হয়, আল্লাহ যা অবতীর্ণ করেছেন তা অনুসরণ
করো; তখন তারা বলে, আমাদের পূর্ব-পুরুষদের যে রীতি-নীতির ওপর
পেয়েছি আমরা বরং তারই অনুসরণ করবো। তাদের পূর্ব-পুরুষেরা
Common sense ব্যবহার করে বুঝতে না পারার দরুণ সঠিক পথ না
পেয়ে থাকলেও (কি তারা তাদের অনুসরণ করবে)?

(সূরা আল বাকারাহ/২ : ১৭০)

ব্যাখ্যা : এ আয়াতখানিও তৎকালীন কাফির-মুশরিকদের লক্ষ্য করে বলা
হয়েছে কিন্তু ২ নম্বর তথ্যের আয়াতখানির মত এর শিক্ষাও সর্বজনীন।
আয়াতখানি থেকে জানা যায় কাফির-মুশরিকদেরকে কুরআন অনুসরণ
করতে বলা হলে তারা যা বলতো সেটি ২ নম্বর তথ্যের বক্তব্যের অনুরূপ।
সে বক্তব্য হলো- ‘আমাদের পূর্ব-পুরুষদের যে রীতি-নীতির ওপর পেয়েছি
আমরা বরং তারই অনুসরণ করবো’।

আয়াতখানির ২য় অংশে কাফির-মুশরিকদের ঐ কথার পরিপ্রেক্ষিতে
আল্লাহর বক্তব্য উল্লেখ করা হয়েছে। এ বক্তব্যটি এবং ২ নম্বর তথ্যের
বক্তব্যটির মধ্যে একমাত্র পার্থক্য হচ্ছে- ২ নম্বর তথ্যের ‘তাদের
পূর্বপুরুষগণ কোনো বিষয়ে (সঠিক) জ্ঞান লাভ না করে থাকলে কথাটির
স্থানে ৩ নম্বর তথ্যে ‘তাদের পূর্ব-পুরুষেরা Common sense ব্যবহার
করে বুঝতে না পারার দরুণ’ কথাটি বলা হয়েছে। তাই ২ নম্বর তথ্যের
আয়াতখানির শিক্ষার মতো এ আয়াতের শিক্ষাও সকল যুগের কাফির-
মুশরিকসহ বর্তমান যুগের মুসলিমদের জন্যেও প্রযোজ্য হবে।

আয়াতখানি থেকে কাফির-মুশরিকদের জন্য শিক্ষা : মানুষের জ্ঞান যতো
বাড়ে তার Common sense ততো উৎকর্ষিত হয়। আর Common
sense যতো উৎকর্ষিত হয় তার রায়ও ততো সঠিক হয়। আবার ভুল
শিক্ষা ও পরিবেশে Common sense অবদমিত হয়। অন্যদিকে
কুরআনের বক্তব্য হলো নির্ভুল এবং কিয়ামত পর্যন্ত প্রযোজ্য। আর
কয়েকটি অতীন্দ্রীয় (মুতাশাবিহ) বিষয় বাদে কুরআনের সকল বক্তব্য
Common sense সম্মত।

তাই এ আয়াত থেকে কাফির-মুশরিকদের জন্য শিক্ষা হলো- সভ্যতার জ্ঞান কম থাকায় পূর্বপুরুষদের Common sense বর্তমান যুগের মানুষের Common sense-এর মতো উৎকর্ষিত ছিল না। তাই, জীবন সম্পর্কিত অনেক বিষয়ে তাদের পূর্বপুরুষদের ধারণা সঠিক ছিল না। বর্তমান সভ্যতার জ্ঞানের আলোকে উৎকর্ষিত হওয়া Common sense দিয়ে পর্যালোচনা করলে তারা সহজেই দেখতে পাবে যে- কয়েকটি অতীন্দ্রীয় বিষয় বাদে কুরআনের সকল বক্তব্য Common sense সম্মত। তাই তাদের উচিত হবে পূর্বপুরুষদের হুবহু অনুসরণ না করে কুরআনকে হুবহু অনুসরণ করা।

আয়াতখানি থেকে বর্তমান যুগের মুসলিমদের জন্য শিক্ষা : সভ্যতার জ্ঞানের দুর্বলতার জন্য Common sense উৎকর্ষিত না হওয়ায় পূর্বপুরুষদের (পূর্বের আকাবের) কুরআনের কিছু বিষয় বুঝতে ও ব্যাখ্যা করতে ভুল হতে পারে। তাই কুরআন ও সুন্নাহর সকল বিষয়ে তাদের বুঝ, ব্যাখ্যা বা সিদ্ধান্ত অন্ধভাবে গ্রহণ ও অনুসরণ করা সঠিক হবে না।

◆◆ ৪ নম্বর তথ্যের আয়াত দু'খানির মাধ্যমে আল্লাহ তা'য়ালার পূর্বের ইসলামী মনীষীদের কুরআন ও সুন্নাহর সকল ব্যাখ্যা সঠিক না হওয়ার বাস্তব কারণটি বলে দিয়েছেন।

♣♣ তাহলে দেখা যায়, এ মূলনীতির বিষয়ে ইসলামের প্রাথমিক রায়কে কুরআন দৃঢ়ভাবে সমর্থন করে। ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- বক্তব্য বা ওয়াজ-নসীহত উপস্থাপনের নীতিমালার দ্বিতীয় স্তরের বিষয় হবে, উপস্থাপন করতে যাওয়া বিষয়টির নির্ভুলতার ব্যাপারে উপস্থাপককে ব্যক্তিগতভাবে শতভাগ নিশ্চিত হওয়া।

চূড়ান্ত রায়টি সমর্থনকারী হাদীস

হাদীস-১

أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ وَحَدَّثَنَا عَبْدُ اللَّهِ بْنُ مَعَاذٍ الْعَنْبَرِيُّ، حَدَّثَنَا أَبِي، حَدَّثَنَا مُحَمَّدُ بْنُ الْمُثَنَّى، حَدَّثَنَا عَبْدُ الرَّحْمَنِ بْنُ مَهْدِيٍّ قَالَا: حَدَّثَنَا شُعْبَةُ، عَنْ خُبَيْبِ بْنِ عَبْدِ الرَّحْمَنِ، عَنْ حَفْصِ بْنِ عَاصِمٍ،

عَنْ أَبِي هُرَيْرَةَ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: كَفَى بِالْمَرْءِ كَذِبًا أَنْ يُحَدِّثَ بِكُلِّ مَا سَمِعَ

অনুবাদ : ইমাম মুসলিম (রহ.) আবু হুরায়রা (রা.)-এর বর্ণনা সনদের ৬ষ্ঠ ব্যক্তি উবাইদুল্লাহ বিন মুয়াজ আল-আনবারী থেকে শুনে তাঁর ‘সহীহ মুসলিম’ গ্রন্থে লিখেছেন- আবু হুরায়রা (রা.) বলেন, রাসূলুল্লাহ (স.) বলেছেন মানুষের মিথ্যাবাদী বলে গণ্য হওয়ার জন্য যথেষ্ট যখন সে শোনা বিষয় যাচাই-বাছাই ছাড়া বর্ণনা (প্রচার) করে।

- ◆ সহীহ মুসলিম, হাদীস নম্বর ৫, পৃ. ৭।
- ◆ হাদীসটির সনদ ও মতন সহীহ।

ব্যাখ্যা : হাদীসটির সরাসরি বক্তব্য হলো- শোনা কথা কোনো ধরনের যাচাই-বাছাই ছাড়া প্রচার করা তথা বক্তব্য উপস্থাপন ও ওয়াজ-নসিহাতে উপস্থাপন করা উপস্থাপক মিথ্যাবাদী বলে গণ্য হবেন।

হাদীস-২

حَدَّثَنَا عَبْدُ اللَّهِ حَدَّثَنِي أَبِي حَدَّثَنَا زَيْدُ بْنُ يَحْيَى الدِّمَشْقِيُّ قَالَ حَدَّثَنَا عَبْدُ اللَّهِ بْنُ الْعَلَاءِ قَالَ سَمِعْتُ مُسْلِمَ بْنَ مَشْكَمٍ قَالَ سَمِعْتُ الْحُشَيْنِيَّ يَقُولُ قُلْتُ يَا رَسُولَ اللَّهِ أَخْبِرْنِي بِمَا يَجْلِبُ لِي وَيُحَرِّمُ عَلَيَّ. قَالَ فَصَعَدَ النَّبِيُّ صَلَّى اللَّهُ عَلَيْهِ وَسَلَّمَ وَصَوَّبَ فِي النَّظَرِ فَقَالَ: الْبِدْءُ مَا سَكَنْتَ إِلَيْهِ النَّفْسُ وَاطْمَأَنَّ إِلَيْهِ الْقَلْبُ وَالْإِثْمُ مَا لَمْ تَسْكُنْ إِلَيْهِ النَّفْسُ وَلَمْ يَطْمَئِنَّ إِلَيْهِ الْقَلْبُ وَإِنْ أَفْتَاكَ الْمُفْتُونَ.

অনুবাদ : ইমাম আহমদ ইবনে হাম্বল (রহ.) আবু সা'লাবা আল-খুশানী (রা.)-এর বর্ণনা সনদের ৪র্থ ব্যক্তি য়ায়েদ বিন ইয়াহইয়া আদ-দিমাশকী থেকে শুনে তাঁর মুসনাদ গ্রন্থে লিখেছেন- আব্দুল্লাহ ইবনুল আ'লা বলেন, আমি মুসলিম বিন মিশকাম (রহ.)-কে বলতে শুনেছি, আবু সা'লাবা আল-খুশানী (রা.) বলেন, আমি বললাম হে রসূলুল্লাহ (স.)! আমার জন্য কী হালাল আর কী হারাম তা আমাকে জানিয়ে দিন। তখন রসূল (স.) একটু নড়েচড়ে বসলেন ও ভালো করে খেয়াল (চিন্তা-ভাবনা) করে বললেন- নেকী (বৈধ) হলো সেটি, যা করে তোমার নফস (মন তথা মনে থাকা আকল) প্রশান্ত হয় ও তোমার কলব (মন তথা মনে থাকা আকল) তৃপ্তি লাভ করে। আর পাপ (অবৈধ) হলো সেটি, যা করে তোমার নফস ও

কলব প্রশান্ত হয় না ও তৃপ্তি লাভ করে না। যদিও সে বিষয়ে ফাতওয়া প্রদানকারীরা তোমাকে ফাতওয়া দেয়।

- ◆ আহমাদ, আল-মুসনাদ, হাদীস নম্বর-১৭২১৫।
- ◆ হাদীসটির সনদ ও মতন সহীহ।

ব্যাখ্যা : হাদীসটিতে রাসূল (স.) প্রথমে মানুষের মন তথা মনে থাকা ‘আকল’ যেটিতে প্রশান্ত হয় সেটিকে নেকী তথা সঠিক এবং যেটিতে প্রশান্ত হয় না সেটিকে গুনাহ তথা ভুল বলে জানিয়ে দিয়েছেন। হাদীসটির শেষ বক্তব্য হলো- ‘যদিও মানুষ তোমাকে ফতোয়া দেয়’। ফতোয়া হলো কুরআন ও সুন্নাহর আলোকে আকাবের বা মনীষীদের দেওয়া সিদ্ধান্ত। উপস্থাপনের ধরন থেকে তাই বুঝা যায়, হাদীসটির মাধ্যমে জানানো হয়েছে- কোনো ব্যক্তি এমনকি কোনো মনীষীর কথা শোনা বা লেখা পড়ার মাধ্যমে জানার পর সেটির নির্ভুলতা যাচাই না করে মেনে নেওয়া যাবে না। আর সে যাচাই করার প্রাথমিক মাধ্যম হবে ‘আকল’।

হাদীস-৩

أَخْرَجَ الْإِمَامُ التِّرْمِذِيُّ رَحِمَهُ اللَّهُ تَعَالَى فِي 'سُنَنِهِ' حَدَّثَنَا الْحُسَيْنُ بْنُ يَزِيدَ الْكُوْفِيُّ قَالَ: حَدَّثَنَا عَبْدُ السَّلَامِ بْنُ حَرْبٍ، عَنْ عَطِيفِ بْنِ أَعْيَنَ، عَنْ مُضْعَبِ بْنِ سَعْدٍ، عَنْ عَدِيِّ بْنِ حَاتِمٍ، قَالَ: أَتَيْتُ النَّبِيَّ ﷺ وَفِي عُنُقِي صَلِيبٌ مِنْ ذَهَبٍ. فَقَالَ: «يَا عَدِيُّ اطْرَحْ عَنْكَ هَذَا الْوَتْنَ، وَسِعْتَهُ يَقْرَأُ فِي سُورَةِ بَرَاءَةَ: { اتَّخَذُوا أَحْبَارَهُمْ وَرُهْبَانَهُمْ أَرْبَابًا مِنْ دُونِ اللَّهِ } [التوبة: 31]. إِنَّا لَسْنَا نَعْبُدُهُمْ! قَالَ: أَمَا إِنَّهُمْ لَمْ يَكُونُوا يَعْبُدُونَهُمْ، وَلَكِنَّهُمْ كَانُوا إِذَا أَحْلَوْا لَهُمْ شَيْئًا اسْتَحَلُّوهُ، وَإِذَا حَرَّمُوا عَلَيْهِمْ شَيْئًا حَرَّمُوهُ.

অনুবাদ : ইমাম তিরমিযী (রহ.) সনদের ৫ম ব্যক্তি হুসাইন বিন ইয়াযীদ আল-কূফী থেকে শুনে তাঁর ‘সুনান’ গ্রন্থে বর্ণনা করেন- আ’দী বিন হাতেম (রা.) বলেন- আমি রাসূলুল্লাহ (স.)-এর কাছে আসলাম, এমতবজায় আমার গলায় স্বর্ণের একটি ক্রুশ ঝুলানো ছিলো, তখন রাসূলুল্লাহ (স.) বললেন- হে আ’দী! তুমি গলা থেকে এই প্রতিকটি ফেলে দাও। (আ’দী বিন হাতেম বলেন) আমি তখন রাসূলুল্লাহ (স.)-কে সূরা তাওবার এ (৩১ নম্বর)

আয়াতখানি { اِتَّخَذُوا اٰحْبَابَهُمْ وَرُءْبَابَهُمْ اَزْوَاجًا مِّنْ دُوْنِ اللّٰهِ } তারা আল্লাহকে বাদ দিয়ে তাদের পণ্ডিত ও সংসার-বিরাগীদেরকে তাদের রব বলে গ্রহণ করেছে) তিলাওয়াত করতে শুনলাম। তিনি (আ'দী বিন হাতেম রা.) বলেন- আমি তখন বললাম- হে আল্লাহর রাসূল! আমরা তো তাদের 'ইবাদাত' করি না। অতঃপর রাসূলুল্লাহ (স.) বললেন, ব্যাপারটা এমন নয় যে- তারা তাদের ধর্মীয় ব্যক্তিত্বগণের 'উপাসনা (ইবাদাত)' করেছে; বরং ব্যাপারটা এমন যে- ধর্মীয় ব্যক্তিত্বগণ যখনই কোনো কিছুকে হালাল বলে ঘোষণা করেছে তখনই তারা তাকে (কোনোরূপ যাচাই বাছাই ছাড়া) হালাল বলে মেনে নিয়েছে। আবার ধর্মীয় ব্যক্তিত্বগণ যখনই কোনো কিছুকে হারাম বলে ঘোষণা করেছে তখনই তারা তাকে (কোনোরূপ যাচাই বাছাই ছাড়াই) হারাম বলে মেনে নিয়েছে (এটিই তাদেরকে 'রব' হিসেবে মেনে নেওয়া)।

◆ সুনানুত তিরমিযী, হাদীস নম্বর ৩০৯৫, পৃ. ৫৪২।

◆ হাদীসটির সনদ হাসান ও মতন সহীহ।

ব্যাখ্যা : হাদীসটি থেকে বুঝা যায়- সূরা তাওবার ৩১ নম্বর আয়াতে উল্লেখ থাকা 'আহলি কিতাবগণ তাদের মনীষীদের আল্লাহর পরিবর্তে 'রব' মেনে নিয়েছে' বক্তব্যটি সম্পর্কে আদি বিন হাতেম (রা.) রাসূল (স.)-এর কাছে জানতে চেয়েছিলেন যে- আমরাতো (আহলে কিতাবগণ) পণ্ডিত ও সংসার-বিরাগীদেরকে 'উপাসনা' (ইবাদাত) করি না। তাই, আয়াতখানিতে পণ্ডিত ও সংসার-বিরাগীদেরকে 'রব' মেনে নেওয়া বলতে কী বুঝানো হয়েছে? আদি বিন হাতেম (রা.)-এর করা এ প্রশ্নের উত্তরে রাসূল (স.) বলেন- আয়াতখানিতে মনীষীদের 'রব' মেনে নেওয়া বলতে তাদের 'উপাসনা' করা বুঝানো হয়নি। বুঝানো হয়েছে, তাদের সকল কথাকে যাচাই ছাড়া তথা অন্ধভাবে মেনে নেওয়াকে।

হাদীসটি থেকে তাই জানা যায়- মনীষীদের সকল বক্তব্য অন্ধভাবে মেনে নেওয়া তাদেরকে 'রব' হিসেবে মেনে নেওয়ার সমতুল্য একটি কাজ। অর্থাৎ এটি শিরক তথা অতি বড় নিষিদ্ধ কাজ। আর এ নিষিদ্ধের কারণ হলো- মনীষীগণ মানুষ। তাই, তাদের ভুল হওয়া অসম্ভব নয়। এ জন্য, তাদের সকল কথা বিনা যাচাইয়ে মেনে নিলে বড় ক্ষতি হয়ে যাবে।

হাদীস-৪

أَخْرَجَ الْإِمَامُ الْبُخَارِيُّ رَحِمَهُ اللَّهُ تَعَالَى فِي صَحِيحِهِ حَدَّثَنَا أَبُو عَاصِمٍ الضَّحَّاكُ
بْنُ مَخْلَدٍ أَخْبَرَنَا الْأَوْزَاعِيُّ، حَدَّثَنَا حَسَّانُ بْنُ عَطِيَّةَ، عَنْ أَبِي كَبْشَةَ، عَنْ عَبْدِ
اللَّهِ بْنِ عَمْرٍو، أَنَّ النَّبِيَّ صَلَّى اللَّهُ عَلَيْهِ وَسَلَّمَ، قَالَ: يَلْغُوا عَلَيَّ وَلَوْ آيَةً، وَحَدَّثُوا عَن
بَنِي إِسْرَائِيلَ وَلَا حَرَجَ، وَمَنْ كَذَبَ عَلَيَّ مُتَعَدِّدًا، فَلْيَتَّبِعُوا مَقْعَدَهُ مِنَ النَّارِ.

অনুবাদ : ইমাম বুখারী (রহ.) 'আবদুল্লাহ বিন 'আমর (রা.)-এর বলা বর্ণনা সনদের ৫ম ব্যক্তি আবু 'আসেম আদ-দাহহাক বিন মাখলাদ থেকে শুনে তাঁর হাদীসগ্রন্থে লিখেছেন- 'আবদুল্লাহ বিন 'আমর (রা.) বলেন- নবী (স.) বলেছেন- আমার হাদীস অন্যের কাছে পৌঁছে দাও, তা একটি বক্তব্য হলেও। আর বনী ইসরাঈলদের ঘটনাবলী বর্ণনা করো। এতে কোনো দোষ নেই। কিন্তু যে কেউ ইচ্ছা করে আমার ওপর মিথ্যে আরোপ করলো, সে যেন জাহান্নামকেই তার আবাসস্থল বানিয়ে নেয়।

- ◆ সহীহ আল-বুখারী, হাদীস নম্বর ৩৪৬১, পৃ. ৪২০।
- ◆ হাদীসটির সনদ ও মতন সহীহ।

ব্যাখ্যা : হাদীসটিতে রাসূল (স.) তাঁর বলা একটি হাদীসও কারো জানা থাকলে তা অন্যকে জানাতে বলেছেন। কিন্তু সেটি করতে হবে হাদীসখানি আসলে রাসূল (স.)-এর কি না সে ব্যাপরে নিশ্চিত হওয়ার পর।

◆◆ সহজে বলা যায়- বক্তব্য বা ওয়াজ-নসীহত উপস্থাপনের দ্বিতীয় মূলনীতির সঠিকত্বের ব্যাপারে ইসলামের চূড়ান্ত রায়কে এ সকল হাদীস দৃঢ়ভাবে সমর্থন করে।

◆◆ এ পর্যায়ে এসে নিশ্চিতভাবে বলা যায় যে, প্রত্যেক বক্তব্য বা ওয়াজ-নসীহত উপস্থাপককে উপস্থাপন করতে যাওয়া বিষয়টির নির্ভুলতা ব্যক্তিগতভাবে পর্যালোচনা করে নিশ্চিত হতে হবে। এ পর্যালোচনার একটি নীতিমালা ইসলাম দিয়েছে। সে নীতিমালার চলমান চিত্রটি নিম্নরূপ-

যে কোনো বিষয়

Common sense {আল্লাহ প্রদত্ত সাধারণ (অপ্রমাণিত) জ্ঞান} বা বিজ্ঞান (Common sense মাধ্যমে উদ্ভাবিত জ্ঞান) এর আলোকে সঠিক বা ভুল বলে **প্রাথমিক সিদ্ধান্ত** নেওয়া এবং সে অনুযায়ী **প্রাথমিক ব্যবস্থা** নেওয়া

কুরআন (মূল প্রমাণিত জ্ঞান) দিয়ে যাচাই করে প্রাথমিক সিদ্ধান্তকে **চূড়ান্তভাবে** গ্রহণ বা বর্জন করা এবং সে আলোকে **চূড়ান্ত ব্যবস্থা** নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে সুন্নাহ (ব্যাখ্যামূলক প্রমাণিত জ্ঞান) দিয়ে যাচাই করে প্রাথমিক সিদ্ধান্তকে **চূড়ান্তভাবে** গ্রহণ বা বর্জন করা এবং সে আলোকে **চূড়ান্ত ব্যবস্থা** নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে প্রাথমিক সিদ্ধান্তকে (Common sense বা বিজ্ঞানের রায়) সঠিক বলে **চূড়ান্তভাবে** গ্রহণ করা এবং প্রাথমিক সিদ্ধান্তের ভিত্তিতে নেওয়া ব্যবস্থা চালিয়ে যাওয়া

মনীষীদের **ইজমা-কিয়াস** দিয়ে চূড়ান্ত সিদ্ধান্তকে যাচাই করে অধিক তথ্যভিত্তিকটি গ্রহণ করা এবং সে অনুযায়ী চূড়ান্ত ব্যবস্থা নেওয়া যেতে পারে

নীতিমালাটি নিয়ে বিস্তারিত আলোচনা করা হয়েছে ‘**নির্ভুল জ্ঞান অর্জনের জন্য কুরআন, সুন্নাহ ও Common sense ব্যবহারের প্রবাহচিত্র বা নীতিমালা**’ (গবেষণা সিরিজ-১২) নামক বইটিতে।

তবে আল্লাহ প্রদত্ত উৎস তিনটিকে ব্যবহার করে নির্ভুল জ্ঞান অর্জন করতে হলে উৎস তিনটি ব্যবহার করার মূলনীতিগুলো অবশ্যই জানতে হবে। আমাদের গবেষণামতে ঐ মূলনীতিসমূহ নিম্নরূপ-

কুরআনকে জ্ঞানের উৎস হিসেবে ব্যবহার করার মূলনীতিসমূহ-

১. কুরআনে পরস্পর বিরোধী কোনো বক্তব্য নেই।
২. একই বিষয়ের সকল আয়াত পাশাপাশি রেখে পর্যালোচনা করে চূড়ান্ত সিদ্ধান্তে পৌঁছানো।
৩. কুরআনের সর্বোত্তম ব্যাখ্যা কুরআন।

৪. কুরআন বিরোধী হাদীসকে কুরআনের ব্যাখ্যা হিসেবে গ্রহণ না করা।
৫. অতীন্দ্রিয় বিষয় ভিন্ন সত্য উদাহরণকে আল্লাহর কাছ থেকে আসা সত্য শিক্ষার মর্যাদা দেওয়া।
৬. একাধিক অর্থবোধক শব্দ বা আয়াতের অর্থ বা ব্যাখ্যা করার সময় Common sense-এর রায় বা বিজ্ঞানের প্রতিষ্ঠিত তথ্যের সাথে মেলানোর চেষ্টা করা।
৭. কুরআনে শিক্ষা রহিত (মানসূখ) হওয়া কোনো আয়াত নেই তথা কুরআনের সকল আয়াতের শিক্ষা চালু আছে বিষয়টি মনে রাখা।
৮. আরবী ভাষা ও ব্যাকরণের জ্ঞান।
৯. যে বিষয় আল-কুরআনে নেই তা ইসলামের কোন মৌলিক বিষয় নয়।

আরবী ভাষা ও ব্যাকরণের সাথে বাকি ৭টি মূলনীতির সম্পর্কের বিভিন্ন অবস্থান হলো-

অবস্থান-১

আরবী ভাষা ও ব্যাকরণের ভালো জ্ঞান না থাকলে কুরআন সরাসরি অধ্যয়ন করে জ্ঞান অর্জন করা সম্ভব নয়।

অবস্থান-২

আরবী ভাষা ও ব্যাকরণের পণ্ডিত ব্যক্তিও কুরআনের যথাযথ জ্ঞান অর্জন বা অর্থ ও ব্যাখ্যা করতে ব্যর্থ হবেন যদি তিনি ওপরে বর্ণিত ৭টি মূলনীতি খেয়ালে না রাখেন বা ব্যবহার করতে না পারেন।

অবস্থান-৩

আরবী ভাষা ও ব্যাকরণের জ্ঞান না থাকা ব্যক্তিও অনুবাদ পড়ে সেখানকার ভুল থেকে (যদি থাকে) নিজেকে বাঁচিয়ে কুরআনের ভালো জ্ঞান অর্জন করতে পারবেন যদি তিনি ওপরে বর্ণিত ৭টি মূলনীতি খেয়াল রাখেন বা ব্যবহার করতে পারেন।

অবস্থান-৪

আরবী ভাষা ও ব্যাকরণের কিছু জ্ঞান থাকা ব্যক্তি অনুবাদ গ্রন্থ সম্পাদনা করে কুরআনের ভালো অনুবাদ গ্রন্থ রচনা করতে পারবেন যদি তিনি ওপরে বর্ণিত ৭টি মূলনীতি খেয়াল রাখেন বা ব্যবহার করতে পারেন।

অবস্থান-৫

কুরআন সবচেয়ে ভালো বুঝতে, বুঝাতে, অনুবাদ ও ব্যাখ্যা করতে পারবেন সেই ব্যক্তি যার ওপরে বর্ণিত ৭টি মূলনীতি খেয়ালে আছে বা ব্যবহার করার যোগ্যতা আছে এবং আরবী ভাষা ও ব্যাকরণেরও ভালো জ্ঞান আছে। এ বিষয়ে বিস্তারিত আলোচনা আছে ‘কুরআনের অর্থ ও ব্যাখ্যা (তাফসীর) করার প্রকৃত নীতিমালা’ (গবেষণা সিরিজ-২৬) নামক পুস্তিকাটিতে।

হাদীসকে জ্ঞানের উৎস হিসেবে ব্যবহার করার মূলনীতিসমূহ-

১. সঠিক হাদীস কুরআনের সম্পূরক বা অতিরিক্ত হবে, বিপরীত হবে না।
২. একই বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্তে পৌঁছাতে হবে।
৩. হাদীস, সঠিক Common sense-এর (আকলে সালিম) রায়ের বিরোধী হবে না।
৪. হাদীস বিজ্ঞানের প্রতিষ্ঠিত তথ্যের বিরোধী হবে না।

বিষয়টি নিয়ে বিস্তারিত আলোচনা আছে ‘সহীহ হাদীস বলতে নির্ভুল হাদীস বুঝায় কি?’ (গবেষণা সিরিজ-১৯) নামক পুস্তিকাটিতে।

Common sense-কে জ্ঞানের উৎস হিসেবে ব্যবহার করার মূলনীতিসমূহ-

১. Common sense-কে আল্লাহ প্রদত্ত সাধারণ বা অপ্রমাণিত জ্ঞান হিসেবে ব্যবহার করা।
২. Common sense-কে ইসলামের ঘরের আল্লাহর নিয়োগকৃত দারোয়ানের মর্যাদা দেওয়া।

বিষয়টি নিয়ে বিস্তারিত আলোচনা আছে ‘ইসলামে Common sense-এর গুরুত্ব কতটুকু এবং কেন’ (গবেষণা সিরিজ-৬) নামক পুস্তিকাটিতে।

স্তর ৩-এর মূলনীতিটি সঠিক হওয়ার প্রমাণ

স্তর ৩-এর নীতি : উপস্থাপন করতে যাওয়া বিষয়ের ওপর উপস্থাপকের আমল থাকা।

Common sense

উপস্থাপিত বিষয়টির ওপর উপস্থাপকের নিজের আমল নেই দেখতে বা জানতে পেলে দর্শক-শ্রোতাগণ বিষয়টির ওপর আমল করতে উৎসাহিত হওয়ার পরিবর্তে নিরুৎসাহিত হবে। তারা বলবে, বক্তা নিজের জন্যই

বিষয়টি দরকারী মনে করেন না, তাহলে আমাদের জন্য তা কীভাবে প্রয়োজনীয় হয়। তাই, বক্তব্য বা ওয়াজ-নসীহত করতে যাওয়া বিষয়ের ওপর উপস্থাপকের নিজের আমল থাকতে হবে। আর যদি না থাকে তবে উপস্থাপন করার পূর্বে আমল শুরু করতে হবে। এটি না হলে বক্তব্য বা ওয়াজ-নসীহত উপস্থাপনের একটি প্রধান উদ্দেশ্য ব্যর্থ হয়ে যাবে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের প্রাথমিক রায় হলো- বক্তব্য বা ওয়াজ-নসীহত উপস্থাপনের নীতিমালার তৃতীয় স্তরের বিষয় হলো, উপস্থাপন করতে যাওয়া বিষয়ের ওপর উপস্থাপকের নিজের আমল থাকা।

আল কুরআন

তথ্য-১

أَتْمُرُونَ النَّاسَ بِالْبُرِّ وَتَنْسَوْنَ أَنْفُسَكُمْ وَأَنْتُمْ تَتْلُونَ الْكِتَابَ أَفَلَا تَعْقِلُونَ .

অনুবাদ : তোমরা কি মানুষকে সৎকাজের আদেশ দাও আর নিজেদের কথা ভুলে যাও? অথচ তোমরা (আল্লাহর) কিতাব পাঠ করে থাকো। তবে কি তোমরা Common sense-কে কাজে লাগাও না?

(সূরা আল বাকারাহ/২ : ৪৪)

ব্যাখ্যা : আয়াতখানি বনী ইসরাইলদের লক্ষ্য করে বলা হলেও এর শিক্ষাটি সর্বজনীন তথা কুরআনসহ সকল কিতাবধারীদের জন্য প্রযোজ্য। আয়াতের ‘নিজেদের কথা ভুলে যাও’ অংশটির অর্থ হলো ‘নিজেরা আমল করতে ভুলে যাও’।

আয়াতখানিতে মহান আল্লাহ প্রথমে কিতাবধারীদের একটি কর্মপদ্ধতি তুলে ধরেছেন। সেটি হলো— মানুষদের সৎকাজ করতে বলা, কিন্তু নিজে সেটি পালন না করা। এরপর বলা হয়েছে ‘অথচ তোমরা আল্লাহর কিতাব পাঠ করে থাকো’। এ কথাটির মাধ্যমে জানিয়ে দেওয়া হয়েছে এ ধরনের কর্মপদ্ধতি আল্লাহর পাঠানো যে কিতাব তারা পাঠ করে থাকে তাতে কোথাও লেখা নেই।

আয়াতের শেষ অংশের বক্তব্য হলো ‘তবে কি তোমরা Common sense-কে কাজে লাগাও না?’ এ কথার মাধ্যমে আল্লাহ জানিয়ে দিয়েছেন যে— তাদের সকলকে জন্মগতভাবে Common sense নামের

যে জ্ঞানের উৎসটি তিনি দিয়েছেন, শুধু সেটিকে কাজে লাগালেও তো বুঝা যায় এ ধরনের কর্মপদ্ধতি সঠিক নয়।

তাই এ আয়াতের শিক্ষা হলো, আল্লাহর কিতাব কুরআনের বাহক মুসলিমদের বক্তব্য উপস্থাপনের সঠিক কর্মপদ্ধতি হবে— বক্তব্য উপস্থাপন করার আগে উপস্থাপন করতে যাওয়া বিষয়টির ওপর উপস্থাপকের আমল থাকতে হবে।

তথ্য-২

يَا أَيُّهَا الَّذِينَ آمَنُوا لِمَ تَقُولُونَ مَا لَا تَفْعَلُونَ . كَبُرَ مَقْتًا عِنْدَ اللَّهِ أَنْ تَقُولُوا مَا لَا تَفْعَلُونَ .

অনুবাদ : হে যারা ঈমান এনেছেন! তোমরা কেন তা বলো যা তোমরা (বাস্তবে) করো না? আল্লাহর কাছে এটি একটি অত্যন্ত ক্রোধ উদ্দেককারী বিষয় যে, তোমরা বলবে এমন কথা যা (বাস্তবে) করবে না।

(সূরা আস্ সফ/৬১ : ২-৩)

ব্যাখ্যা : এ আয়াতখানি থেকে জানা যায়, নিজের আমল নেই এমন বিষয়ে অন্যকে আমল করতে বলার কর্মপদ্ধতিটিতে আল্লাহ তা'য়ালার প্রচণ্ড রাগান্বিত হন। অর্থাৎ এটি একটি বড় গুনাহের কাজ। তাই, এ আয়াত থেকে স্পষ্টভাবে জানা যায় প্রত্যেক ওয়াজ উপস্থাপককে কোনো বিষয় উপস্থাপন করার পূর্বে সেটির ওপর নিজের আমল থাকতে হবে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- বক্তব্য বা ওয়াজ-নসীহত উপস্থাপনের নীতিমালার তৃতীয় স্তরের বিষয় হলো, উপস্থাপন করতে যাওয়া বিষয়ের ওপর উপস্থাপকের নিজের আমল থাকা।

চূড়ান্ত রায়টি সমর্থনকারী হাদীস

حَدَّثَنَا عَلِيُّ حَدَّثَنَا سُفْيَانُ عَنِ الْأَعْمَشِ عَنْ أَبِي وَائِلٍ . قَالَ قِيلَ لَأَسَامَةَ لَوْ أَتَيْتَ فُلَانًا فَكَلِمَتَهُ . قَالَ إِنَّكُمْ لَتَرَوْنَ أَنِّي لَا أَكَلِمُهُ إِلَّا أَسْبَعُكُمْ . إِنِّي أَكَلِمُهُ فِي السِّرِّ دُونَ أَنْ أَفْتَحَ بَابًا لَا أَكُونُ أَوَّلَ مَنْ فَتَحَهُ . وَلَا أَقُولُ لِرَجُلٍ أَنْ كَانَ عَلَى أَمِيرًا إِنَّهُ خَيْرٌ النَّاسِ بَعْدَ شَيْءٍ سَبِعْتُهُ مِنْ رَسُولِ اللَّهِ صَلَّى اللَّهُ عَلَيْهِ وَسَلَّمَ . قَالُوا وَمَا سَبِعْتُهُ

يَقُولُ قَالَ سَمِعْتُهُ يَقُولُ : يُجَاءُ بِالرَّجُلِ يَوْمَ الْقِيَامَةِ فَيُلْقَى فِي النَّارِ ، فَتَنْدَلِقُ أَقْتَابُهُ فِي النَّارِ ، فَيَدُورُ كَمَا يَدُورُ الْحِمَارُ بِرَحَاهُ . فَيَجْتَمِعُ أَهْلُ النَّارِ عَلَيْهِ . فَيَقُولُونَ أَيْ فُلَانٌ . مَا شَأْنُكَ أَلَيْسَ كُنْتَ تَأْمُرُنَا بِالْمَعْرُوفِ وَتَنْهَى عَنِ الْمُنْكَرِ قَالَ كُنْتُ أَمْرُكُمْ بِالْمَعْرُوفِ وَلَا آتِيهِ ، وَأَنْهَاكُمْ عَنِ الْمُنْكَرِ وَآتِيهِ .

অনুবাদ : ইমাম বুখারী (রহ.) আবু ওয়াইল (রহ.)-এর বর্ণনা সনদের তৃতীয় ব্যক্তি আলী (রহ.) থেকে শুনে তার গ্রন্থে লিখেছেন- উসামা (রা.)-কে বলা হলো, কত ভালো হতো! যদি আপনি ঐ ব্যক্তির (উসমান রা.)-এর কাছে যেতেন এবং তার সঙ্গে আলোচনা করতেন। উত্তরে তিনি বললেন, আপনারা মনে করছেন যে- আমি তাঁর সঙ্গে আপনাদের শুনিয়ে শুনিয়ে কথা বলবো। অথচ আমি তাঁর সঙ্গে (দোঙ্গা দমনের ব্যাপারে) গোপনে আলোচনা করেছি, যেন আমি একটি দ্বার (প্রচার দ্বার) খুলে না বসি। আমি দ্বার উন্মুক্তকারী প্রথম ব্যক্তি হতে চাই না। আমি রসূলুল্লাহ (স.)-এর কাছ থেকে কিছু শুনেছি, যার পর আমি একজন ব্যক্তিকে আমাদের সবচেয়ে উত্তম ব্যক্তি বলতে পারি না, এ কারণে যে তিনি আমাদের আমীর নির্বাচিত হয়েছেন। লোকেরা তাঁকে বলল, আপনি তাঁকে কী বলতে শুনেছেন? উসামা (রা.) বললেন, আমি তাঁকে বলতে শুনেছি- ফিয়ামতের দিন এক ব্যক্তিকে আনা হবে। অতঃপর তাকে জাহান্নামে নিক্ষেপ করা হবে। তখন আঙুনে পুড়ে তার নাড়িভুঁড়ি বের হয়ে যাবে। এ সময় সে ঘুরতে থাকবে যেমন গাধা তার চাকা নিয়ে তার চারপাশে ঘুরতে থাকে। তখন জাহান্নামবাসীরা তার কাছে একত্রিত হয়ে তাকে বলবে, হে অমুক ব্যক্তি! তোমার এ অবস্থা কেন? তুমি না আমাদেরকে সৎ কাজের আদেশ করতে আর অন্যায্য কাজ হতে নিষেধ করতে? সে বলবে, আমি তোমাদেরকে সৎ কাজের আদেশ করতাম বটে, কিন্তু আমি নিজে তা করতাম না। আর আমি তোমাদেরকে অন্যায্য কাজ হতে নিষেধ করতাম, অথচ আমিই তা করতাম।

- ◆ বুখারী, আস-সহীহ, হাদীস নম্বর-৩২৬৭।
- ◆ হাদীসটির সনদ ও মতন সহীহ।

স্তর ৪-এর মূলনীতিটি সঠিক হওয়ার প্রমাণ

স্তর ৪-এর নীতি : জন্মগতভাবে পাওয়া জ্ঞান তথা Common sense-এর সাহায্য নিয়ে শ্রোতাদের উপস্থাপন করতে চাওয়া বিষয়টির পক্ষে নিয়ে আসা।

এটি ও পরের দু'টি স্তর হলো বক্তব্য বা ওয়াজ-নসীহতের মূল বিষয় উপস্থাপনের স্তর। তাই, এ তিনটি স্তরকে বক্তব্য বা ওয়াজ-নসীহতের মূল বিষয় উপস্থাপনের তিনটি ধাপ বলা যায়। তাহলে ৪ নম্বর স্তরটি হলো, মূল বিষয় উপস্থাপনের প্রথম ধাপ। এ ধাপে, যে মূল বিষয়টি উপস্থাপক শ্রোতাদের গ্রহণ করাতে চান, সেটির পক্ষে শ্রোতাদেরকে নিয়ে আসতে হবে।

বর্তমান মুসলিম বিশ্বে বক্তব্য বা ওয়াজ-নসীহতের উপস্থাপনা শুরু করা হয় মূল বিষয় সম্পর্কে কুরআন বা সুন্নাহর তথ্য বলার মাধ্যমে। কুরআন, সুন্নাহ ও Common sense অনুযায়ী এটি সঠিক নয়। তাই, এ ধাপটিকে আমরা দু'টি উপধাপে বিভক্ত করে তুলে ধরবো-

ক. এ উপধাপে কুরআন, হাদীস ও Common sense এ তিনটি আল্লাহ প্রদত্ত উৎসের কোনটিকে প্রথমে ব্যবহার করতে হবে তা নিয়ে আলোচনা করা হবে।

খ. এ উপধাপে জন্মগতভাবে পাওয়া জ্ঞানের উৎস Common sense ব্যবহার করে শ্রোতাদেরকে উপস্থাপন করতে চাওয়া মূল বিষয়টির পক্ষে নিয়ে আসার পদ্ধতি নিয়ে আলোচনা করা হবে।

ক. কুরআন, হাদীস ও Common sense-এর কোনটিকে প্রথমে ব্যবহার করতে হবে

Common sense

Common sense অনুযায়ী একটি বিষয় যেকোনো মানুষকে শেখানো, গ্রহণ এবং সে অনুযায়ী আমল করানোর সবচেয়ে সহজ ও কার্যকর উপায় হলো মানুষটির ঐ বিষয়ে যে জ্ঞান আছে তার সাহায্য নেওয়া। মহান আল্লাহ জ্ঞানের যে উৎসটি পৃথিবীর সকল মানুষকে প্রথমে রুহের জগতে নিজে ক্লাস নিয়ে (সূরা বাকারা/২ : ৩১) এবং পরে মায়ের পেটে থাকা অবস্থায় ইলহামের মাধ্যমে (সূরা আশ শামস/৯১ : ৭-১০) সকল মানুষকে দিয়ে দিয়েছেন তা হলো Common sense (বিবেক/আকল)। এ উৎসটি তথা এ উৎসের জ্ঞান সকল মানুষের কাছে সব সময় উপস্থিত থাকে। কিন্তু কুরআন ও হাদীসের সকল তথ্য কোনো মানুষের কাছে সকল সময় উপস্থিত থাকে না। তাই, অতি সহজে বলা যায় ইসলামের কোনো বিষয় মানুষকে শেখানো, গ্রহণ এবং সে অনুযায়ী আমল করানোর সবচেয়ে সহজ ও কার্যকর উপায় হবে প্রথমে Common sense-কে ব্যবহার করা।

বক্তব্য বা ওয়াজ-নসীহত উপস্থাপনের উদ্দেশ্যই হলো, ইসলামের একটি বিষয় মানুষকে শেখানো, গ্রহণ এবং সে অনুযায়ী আমল করানো। তাই, Common sense-এর আলোকে অতি সহজে বলা যায়— বক্তব্য বা ওয়াজ-নসীহতে প্রথমে Common sense-কে ব্যবহার করতে হবে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের প্রাথমিক রায় হলো— বক্তব্য বা ওয়াজ-নসীহতের মূলবিষয় উপস্থাপনের প্রথম ধাপে Common sense-কে ব্যবহার করতে হবে। কুরআন ও হাদীস নয়।

আল কুরআন

তথ্য-১

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَأُولِي الْأَمْرِ مِنْكُمْ فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ

অনুবাদ : হে যারা ঈমান এনেছো! তোমরা আনুগত্য করো আল্লাহর, আনুগত্য করো রাসূলের এবং তাদের যারা তোমাদের মধ্যে দায়িত্বশীল; অতঃপর কোনো বিষয়ে তোমাদের মধ্যে মতপার্থক্য হলে তা ফিরিয়ে দাও (যাচাই করে নাও) আল্লাহ (কুরআন) ও রাসূলের (সুন্নাহ) দিকে (আলোকে)

(সূরা নিসা/৪ : ৫৯)

ব্যাখ্যা : আল্লাহ তা'য়ালার ও রাসূল (স.)-এর সাথে মতপার্থক্য করার কোনো সুযোগ নেই। মতপার্থক্য করা যায় ইসলামী সমাজের দায়িত্বশীল ব্যক্তিদের (উলিল আমর) সাথে। একটি কথা শোনার পর সকল মানুষ মতপার্থক্য করতে পারে শুধু Common sense-এর মাধ্যমে। আবার আয়াতখানিতে কুরআন ও সুন্নাহর দিকে ফিরে যেতে তথা কুরআন ও সুন্নাহ দিয়ে যাচাই করার কথা বলা হয়েছে মতবিরোধ হওয়ার পর। তাই, আয়াতখানির আলোকে বলা যায়— মতপার্থক্য নিরসনসহ যেকোনো ব্যাপারে প্রথমে Common sense তারপর কুরআন ও শেষে হাদীসকে ব্যবহার করতে হবে।

তথ্য-২

أَفَلَمْ يَسِيرُوا فِي الْأَرْضِ فَتَكُون لَهُمْ قُلُوبٌ يَعْقِلُونَ بِهَا أَوْ آذَانٌ يَسْمَعُونَ بِهَا ۗ

অনুবাদ : তারা কি পৃথিবী ভ্রমণ করেনি? তা হলে তারা এমন মন (মনে থাকে Common sense) সম্পন্ন হতো যা দিয়ে বুঝতো (যা দিয়ে কুরআন, সুন্নাহ বা অন্যকিছু পড়ে সঠিকভাবে বুঝতে পারতো) এবং এমন কান সম্পন্ন হতো যা দিয়ে শুনতো (যা দিয়ে কুরআন, সুন্নাহ বা অন্যকিছু শুনে সঠিকভাবে বুঝতে পারতো)।

(সূরা হাজ্জ/২২ : ৪৬)

ব্যাখ্যা : আয়াতখানি থেকে জানা যায়- কোনো বিষয় সম্পর্কে Common sense-এ আগে থেকে ধারণা না থাকলে বিষয়টি সম্পর্কে কুরআনের আয়াত ও সুন্নাহ মানুষের চোখে ধরা পড়ে না। তাই, এ আয়াতখানির আলোকেও বলা যায়- সকল ব্যাপারে প্রথমে Common sense, তারপর কুরআন ও শেষে হাদীসকে ব্যবহার করতে হবে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- বক্তব্য বা ওয়াজ-নসীহতের মূল বিষয় উপস্থাপনের প্রথম ধাপে Common sense-কে ব্যবহার করতে হবে। কুরআন-হাদীস নয়।

খ. জন্মগতভাবে পাওয়া জ্ঞানের উৎস Common sense ব্যবহার করে শ্রোতাদেরকে উপস্থাপন করতে চাওয়া মূল বিষয়টির পক্ষে নিয়ে আসার পদ্ধতি

এটি হলো- সত্য উদাহরণ বা তথ্যকে, বহু নির্বাচনী প্রশ্ন (Multiple choice question) আকারে উপস্থাপন করে, জন্মগতভাবে পাওয়া জ্ঞান তথা Common sense-এর জ্ঞানের আলোকে উত্তর নেওয়ার মাধ্যমে বক্তার শেখাতে চাওয়া মূল বিষয়টির পক্ষে শ্রোতাদেরকে নিয়ে আসার পদ্ধতি।

উদাহরণ দেওয়ার সময় চিকিৎসা বিজ্ঞানের উদাহরণ দিতে পারলে অধিক ভালো হবে। কারণ, চিকিৎসা বিজ্ঞানের উদাহরণ বুঝা সহজ। নিজের প্রয়োজন মনে করে মানুষ মনোযোগ সহকারে তা শোনে। আর চিকিৎসা বিজ্ঞানের কিছু না কিছু জ্ঞান বা অভিজ্ঞতা সকল মানুষের আছে। কারণ, নিজের কোনো ধরনের রোগ হয়নি অথবা আত্মীয়-স্বজন বা বন্ধু-বান্ধবদের জন্য জীবনে একবারও চিকিৎসকের কাছে যেতে হয়নি এমন লোক পৃথিবীতে নেই।

এ পদ্ধতি মহান আল্লাহই প্রথম চালু করেছেন। কুরআন পর্যালোচনা করলে দেখা যায়, আল্লাহ তা'য়ালার বার বার মানুষকে নানা ধরনের অসংখ্য প্রশ্ন করেছেন। এ প্রশ্ন করার কারণ হলো-

১. মানুষকে জন্মগতভাবে যে জ্ঞান আল্লাহ দিয়েছেন তার ভিত্তিতে সকল মানুষ ঐ প্রশ্নের উত্তর দিতে পারবে।
২. এ প্রশ্ন ও উত্তর আদান প্রদানের মাধ্যমে জীবন সম্পর্কিত অনেক জ্ঞান মানুষ তাঁর কাছ থেকে শিখে যাবে।

তাই, বক্তা ও শ্রোতার মধ্যে উল্লিখিত পদ্ধতিতে প্রশ্ন ও উত্তর আদান প্রদান হলে ইন্ডিয়গ্রাহ্য বিষয়ে Common sense জাগ্রত থাকা সবাই উপস্থাপক যে তথ্যটি শ্রোতাদের গ্রহণ করাতে চান সে উত্তরটিই দেবে। অর্থাৎ উপস্থাপক যে তথ্যটি শ্রোতাদের শেখাতে, গ্রহণ ও আমল করাতে চাচ্ছেন সেটির পক্ষে সকল শ্রোতা নিজ থেকে চলে আসবে।

এখন চলুন আল্লাহর করা বহু নির্বাচনী প্রশ্নের একটি উদাহরণ দেখা যাক-

ضَرَبَ اللَّهُ مَثَلًا رَجُلًا فِيهِ شُرَكَاءُ مُتَشَاكِسُونَ وَرَجُلًا سَلَمًا لِرَجُلٍ هَلْ يَسْتَوِيَانِ مَثَلًا ۚ

অনুবাদ : আল্লাহ একটি উপমা পেশ করছেন— এক ব্যক্তি যার শরীক (প্রভু) অনেক, যারা পরস্পরবিরোধী এবং অন্য এক ব্যক্তি যে একজনের মালিকানাধীন; দৃষ্টান্তের দিক থেকে এই দুইজন কি সমান?

(সূরা যুমার/৩৯ : ২৯)

ব্যাখ্যা : এখানে আল্লাহ তা'য়ালার যারা শিরক করে এবং যারা তৌহিদে (আল্লাহর একত্ববাদ) বিশ্বাস করে তাদের মধ্যকার পার্থক্য, বহু নির্বাচনী প্রশ্ন রাখা এবং Common sense-এর আলোকে তার উত্তর নেওয়ার মাধ্যমে মানুষকে শেখাতে বা বুঝাতে চেয়েছেন। প্রশ্নটি এমন—

কে অধিক শান্তিতে জীবনযাপন করতে পারবে-

১. যার পরস্পরবিরোধী অনেক প্রভু আছে
২. যে এক প্রভুর মালিকানাধীন
৩. জানি না
৪. বলা কঠিন

সকলেই দুই নম্বরটির পক্ষে রায় দেবে।

তাহলে আল্লাহ যে বিষয়টি (শিরক ও তৌহিদের অকল্যাণ ও কল্যাণ) মানুষকে গ্রহণ করাতে চেয়েছেন মানুষ নিজে থেকে সে বিষয়টির পক্ষে

চলে আসলো। বহু নির্বাচনী প্রশ্ন (Multiple choice question) রাখা এবং Common sense-এর আলোকে তার উত্তর নেওয়ার মাধ্যমে শ্রোতাদেরকে উপস্থাপকের উপস্থাপন করতে যাওয়া বিষয়ের পক্ষে নিয়ে আসার কিছু নমুনা পরে আসছে।

এ নীতিটির প্রতি শ্রোতাদের বিশ্বাস দৃঢ় করার জন্য অতিরিক্ত যা করা যেতে পারে

এ পর্যায়ে ৪ নম্বর স্তরের নীতিটির প্রতি শ্রোতাদের বিশ্বাস দৃঢ় করার জন্য- ইসলাম জানা, বুঝা ও ব্যাখ্যা করার জন্য উদাহরণ ও Common sense-এর গুরুত্ব সম্পর্কে কুরআন ও হাদীসে থাকা তথ্যের যতগুলো সম্ভব উপস্থাপন করা যেতে পারে। নিম্নে কিছু তথ্য উল্লেখ করা হলো।

কুরআন তথা ইসলাম জানা ও বোঝার জন্য উদাহরণের গুরুত্ব

আল কুরআন

তথ্য-১

وَلَقَدْ ضَرَبْنَا لِلنَّاسِ فِي هَذَا الْقُرْآنِ مِنْ كُلِّ مَثَلٍ لَعَلَّهُمْ يَتَذَكَّرُونَ .

অনুবাদ : আর নিশ্চয় আমরা এ কুরআনে মানুষের জন্য সবধরনের উদাহরণ উপস্থাপন করেছি, যাতে তারা শিক্ষা গ্রহণ করতে পারে।

(সূরা যুমার/৩৯ : ২৭)

ব্যাখ্যা : এখানে মহান আল্লাহ বলেছেন, তিনি ইসলামের শিক্ষা দানের জন্য কুরআনে সব ধরনের উদাহরণ উপস্থাপন করেছেন। কুরআন পর্যালোচনা করলে দেখা যায় কুরআনের বেশিরভাগ আয়াত হলো উদাহরণের আয়াত। আর যে ধরনের উদাহরণ মহান আল্লাহ কুরআনে ব্যবহার করেছেন তা হলো-

- Common sense
- বিজ্ঞান
- সত্য ঘটনা
- ঐতিহাসিক সত্য ঘটনা
- সত্য কাহিনি।

তথ্য-২

إِنَّ اللَّهَ لَا يَسْتَحْيِي أَنْ يَضْرِبَ مَثَلًا مَّا بَعُوضَةً فَمَا فَوْقَهَا ۚ فَأَمَّا الَّذِينَ آمَنُوا فَيَعْلَمُونَ أَنَّهُ الْحَقُّ مِنْ رَبِّهِمْ ۗ وَأَمَّا الَّذِينَ كَفَرُوا فَيَقُولُونَ مَاذَا أَرَادَ اللَّهُ بِهَذَا مَثَلًا ۙ يُضِلُّ بِهِ كَثِيرًا وَيَهْدِي بِهِ كَثِيرًا ۚ وَمَا يُضِلُّ بِهِ إِلَّا الْفَاسِقِينَ .
(সূরা আল বাকারাহ/২ : ২৬)

আয়াতখানির অংশ ভিত্তিক অর্থ, ব্যাখ্যা ও শিক্ষা :

إِنَّ اللَّهَ لَا يَسْتَحْيِي أَنْ يَضْرِبَ مَثَلًا مَّا بَعُوضَةً فَمَا فَوْقَهَا ۚ

অনুবাদ : নিশ্চয় আল্লাহ মশা বা তার চেয়ে ক্ষুদ্র প্রাণীর উদাহরণ দিতে লজ্জাবোধ করেন না।

ব্যাখ্যা : নিশ্চয় আল্লাহ কুরআনকে বুঝানো, ব্যাখ্যা করা, ঈমান আনা, তাঁর ও কুরআনের বক্তব্যের প্রতি ঈমান দৃঢ় করা ইত্যাদির জন্য মশা বা তার চেয়ে তুচ্ছ প্রাণীর উদাহরণের সাহায্য নিতে লজ্জাবোধ করেন না।

শিক্ষা : কুরআন তথা ইসলাম জানা ও বুঝার জন্য প্রাণিবিজ্ঞানের ছোট-খাটো উদাহরণেরও সাহায্য নিতে কারো বিন্দুমাত্র লজ্জা করা উচিত নয়।

فَأَمَّا الَّذِينَ آمَنُوا فَيَعْلَمُونَ أَنَّهُ الْحَقُّ مِنْ رَبِّهِمْ ۗ

অনুবাদ : অতঃপর যারা মু'মিন তারা জানে যে, নিশ্চয়ই উহা (প্রাণিবিজ্ঞানের উদাহরণ) তাদের রবের কাছ থেকে আসা সত্য শিক্ষা (নির্ভুল শিক্ষা)।

ব্যাখ্যা : কুরআন সম্পর্কে সূরা বাকারার ২ নম্বর আয়াতে বলা হয়েছে ‘এতে (কুরআনে) কোনো সন্দেহ নেই’ এবং সূরা বাকারার ১৮৫ নম্বর আয়াতে বলা হয়েছে ‘কুরআন সত্য মিথ্যার পার্থক্যকারী’। আর এ আয়াতাতংশে প্রাণিবিজ্ঞানের সত্য উদাহরণকে বলা হয়েছে ‘আল্লাহর কাছ থেকে আসা সত্য (নির্ভুল) শিক্ষা’। তাই, এ আয়াতাতংশ অনুযায়ী, শিক্ষণীয় বিষয় হিসেবে কুরআনের বক্তব্য ও প্রাণিবিজ্ঞানের সত্য উদাহরণের গুরুত্বের মধ্যে কোনো পার্থক্য নেই। আর তাই, বলা যায়- কুরআন ব্যাখ্যা করা তথা বুঝার জন্য প্রাণিবিজ্ঞানের সত্য উদাহরণকে মহান আল্লাহ অপরিসীম গুরুত্ব দিয়েছেন।

وَأَمَّا الَّذِينَ كَفَرُوا فَيَقُولُونَ مَاذَا أَرَادَ اللَّهُ بِهَذَا مَثَلًا ۙ

অনুবাদ : আর যারা কাফের তারা বলে- এ ধরনের (ক্ষুদ্র প্রাণীর) উদাহরণ দিয়ে আল্লাহ কী চান?

ব্যাখ্যা : যারা জীব বিজ্ঞান, এমনকি ক্ষুদ্র একটি প্রাণীর উদাহরণকেও কুরআন বুঝার জন্য তুচ্ছ মনে করে তারা কাফির।

يُضِلُّ بِهِ كَثِيرًا وَيَهْدِي بِهِ كَثِيرًا^ع

অনুবাদ : এর (প্রাণিবিজ্ঞানের উদাহরণ) মাধ্যমে আল্লাহ অনেককে পথভ্রষ্ট করেন, আবার অনেককে সঠিক পথে পরিচালিত করেন।

ব্যাখ্যা : প্রাণিবিজ্ঞানের উদাহরণকে কুরআন ব্যাখ্যার জন্য যথাযথভাবে ব্যবহার না করায় অনেকে কুরআন সঠিকভাবে বুঝতে পারে না। তাই পথভ্রষ্ট হয়। অন্যদিকে প্রাণিবিজ্ঞানের উদাহরণকে কুরআন ব্যাখ্যার জন্য যথাযথভাবে ব্যবহার করায় অনেকে কুরআন সঠিকভাবে বুঝতে পারে। তাই সঠিক পথ পায়।

وَمَا يُضِلُّ بِهِ إِلَّا الْفَاسِقِينَ .

অনুবাদ : আর ফাসিকদের (গুনাহগারদের) ছাড়া আর কাউকে তিনি এটা (প্রাণিবিজ্ঞানের উদাহরণ) দিয়ে পথভ্রষ্ট করেন না।

ব্যাখ্যা : আর গুনাহগাররা ছাড়া কেউ প্রাণিবিজ্ঞানের উদাহরণের মাধ্যমে পথভ্রষ্ট হয় না।

তথ্য-৩

وَكَلَّا نَقُصُّ عَلَيْكَ مِنْ أَنْبَاءِ الرُّسُلِ مَا نُثَبِّتُ بِهِ فُؤَادَكَ ۚ وَجَاءَكَ فِي هَذِهِ الْحَقُّ
وَمَوْعِظَةٌ وَذِكْرَىٰ لِلْمُؤْمِنِينَ .

অনুবাদ : আর রাসূলগণের সংবাদসমূহ (ঐতিহাসিক ঘটনাসমূহ) থেকে আমি যে ঘটনা (কাহিনি) তোমার কাছে বর্ণনা করি তা দিয়ে আমি তোমার হৃদয়কে দৃঢ় করি; আর এর (কাহিনি) মাধ্যমে মু'মিনদের জন্য তোমার কাছে এসেছে সত্য (সঠিক শিক্ষা), উপদেশ এবং স্মারক (স্মরণ রাখার বিষয়)।

(সূরা হুদ/১১ : ১২০)

ব্যাখ্যা : এখানে নবী-রাসূল এবং কাফির-মুশরিকদের যে সকল ঘটনা, কাহিনি ইত্যাদি কুরআনে উল্লেখ আছে সেগুলোকে শিক্ষণীয় বিষয় বলা

হয়েছে। কুরআনে উল্লেখ থাকা ঘটনা বা কাহিনি হলো সত্য ঘটনা বা কাহিনি। তাই এখান থেকে বলা যায় যে, যেকোনো সত্য ঘটনা বা কাহিনি হলো ইসলামের শিক্ষণীয় বিষয়।

তথ্য-৪

أَلَمْ تَرَ كَيْفَ ضَرَبَ اللَّهُ مَثَلًا كَلِمَةً طَيِّبَةً كَشَجَرَةٍ طَيِّبَةٍ أَصْلُهَا ثَابِتٌ وَفَرْعُهَا فِي السَّمَاءِ. تُؤْتِي أَكْلَهَا كُلَّ حِينٍ بِإِذْنِ رَبِّهَا وَيَضْرِبُ اللَّهُ الْأَمْثَالَ لِلنَّاسِ لَعَلَّهُمْ يَتَذَكَّرُونَ.

অনুবাদ : তুমি কি লক্ষ করোনি আল্লাহ কীভাবে (বিভিন্ন বিষয়ে) উদাহরণ দিয়েছেন? কালিমায়ে তাইয়েবার (উদাহরণ হলো) উত্তম গাছ যার মূল সুদৃঢ় ও যার শাখা-প্রশাখা আকাশে বিস্তৃত। (যেটি) প্রত্যেক মওসুমে তার প্রতিপালকের অনুমতিক্রমে ফলদান করে; আর আল্লাহ মানুষের জন্য নানা উদাহরণ দিয়ে থাকেন যাতে তারা শিক্ষাগ্রহণ করে।

(সূরা আশ্বিয়া/১৪ : ২৪, ২৫)

ব্যাখ্যা : আয়াতখানিতে উদ্ভিদ বিজ্ঞানের উদাহরণের মাধ্যমে আল্লাহ তা'আলা কালিমা তাইয়েবার ব্যাখ্যা বুঝিয়ে দিয়েছেন। উদাহরণটির মাধ্যমে কালিমা তাইয়েবার বিভিন্ন দিক সম্বন্ধে যা বোঝানো হয়েছে তা হলো-

১. একটি সুন্দর গাছ- কালিমা তাইয়েবা একটি কল্যাণময় বাক্য।
২. মূল সুদৃঢ়- কালিমা তাইয়েবার মূল কুরআন ও সুন্নাহ।
৩. শাখা-প্রশাখা আকাশে বিস্তৃত- কালিমা তাইয়েবার শিক্ষা বা ব্যাখ্যা ব্যাপক।
৪. প্রত্যেক মওসুমে তার প্রতিপালকের অনুমতিক্রমে ফলদান করে- কালিমা তাইয়েবার ব্যাখ্যা থেকে বের হয়ে আসা শিক্ষা মানুষকে নানাভাবে উপকৃত করে।

আল হাদীস

হাদীস-১

أَخْرَجَ الْإِمَامُ الْبُخَارِيُّ رَحِمَهُ اللَّهُ فِي صَحِيحِهِ حَدَّثَنَا قَتَيْبَةُ بْنُ سَعِيدٍ. حَدَّثَنَا إِسْمَاعِيلُ بْنُ جَعْفَرٍ، عَنْ عَبْدِ اللَّهِ بْنِ دِينَارٍ، عَنِ ابْنِ عُمَرَ، قَالَ: قَالَ رَسُولُ اللَّهِ

صَلَّى اللَّهُ عَلَيْهِ وَسَلَّمَ: إِنَّ مِنَ الشَّجَرِ شَجْرَةً لَا يَسْقُطُ وَرَقُهَا، وَإِنَّهَا مِثْلُ السُّلَيْمِ، فَحَدَّثُونِي مَا هِيَ. فَوَقَعَ النَّاسُ فِي شَجَرِ الْبَوَادِي قَالَ عَبْدُ اللَّهِ: وَوَقَعَ فِي نَفْسِي أَنَّهَا الرَّخْلَةُ. فَاسْتَحْيَيْتُ. ثُمَّ قَالُوا: حَدِّثْنَا مَا هِيَ يَا رَسُولَ اللَّهِ قَالَ: هِيَ الرَّخْلَةُ.

অনুবাদ : ইমাম বুখারী (রহ.) আবদুল্লাহ বিন 'ওমর (রা.)-এর বর্ণনা সনদের ৪র্থ ব্যক্তি কুতাইবাহ বিন সাঈদ থেকে শুনে তাঁর 'সহীহ আল বুখারী' গ্রন্থে লিখেছেন- আবদুল্লাহ বিন 'ওমর (রা.) বলেন, রাসূলুল্লাহ (স.) একদা বললেন, গাছ-গাছালির মধ্যে এমন একটি গাছ রয়েছে যার পাতা ঝরে না। আর তা মুসলিমের উদাহরণ। তোমরা আমাকে বলো, সেটি কী গাছ? রাবী বলেন, তখন লোকেরা জঙ্গলের বিভিন্ন গাছ-গাছালির নাম ধারণা করতে লাগল। আবদুল্লাহ (রা.) বলেন, আমার ধারণা হলো, সেটা হবে খেজুর গাছ। কিন্তু আমি (বয়সে ছোটো হওয়ার জন্যে) তা বলতে লজ্জা পাচ্ছিলাম। অতঃপর সাহাবীগণ বললেন, হে আল্লাহর রাসূল! আপনি আমাদের বলে দিন সেটি কী গাছ? তিনি বললেন, তা হচ্ছে **খেজুর গাছ**।

- ◆ বুখারী, আস-সহীহ, হাদীস নম্বর ৬২।
- ◆ হাদীসটির সনদ ও মতন সহীহ।

ব্যাখ্যা : হাদীসটিতে খেজুর গাছ তথা উদ্ভিদ বিজ্ঞানের উদাহরণের মাধ্যমে প্রকৃত মুসলিমের বৈশিষ্ট্য শেখানো (বোঝানো) হয়েছে। খেজুর গাছের পাতা ঝরে না। তাই একজন প্রকৃত মুসলিম তথা যে মুসলিম জেনে ও বুঝে ইসলাম গ্রহণ ও পালন করছে, ঈমান ও আমলের দিক থেকে সে কখনো ঝরে পড়বে না।

হাদীস-২

أَخْرَجَ الْإِمَامُ الْبُخَارِيُّ رَجَاهُ اللَّهُ تَعَالَى فِي صَحِيحِهِ حَدَّثَنَا إِبْرَاهِيمُ بْنُ حَبْرَةَ. قَالَ: حَدَّثَنِي ابْنُ أَبِي حَازِمٍ. وَالِدَ الرَّأْسِيِّ، عَنْ يَزِيدَ يَعْنِي ابْنَ عَبْدِ اللَّهِ بْنِ الْهَادِ. عَنْ مُحَمَّدِ بْنِ إِبْرَاهِيمَ. عَنْ أَبِي سَلَمَةَ بْنِ عَبْدِ الرَّحْمَنِ. عَنْ أَبِي هُرَيْرَةَ. أَنَّهُ سَمِعَ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ: "أَرَأَيْتُمْ لَوْ أَنَّ نَهْرًا بِبَابِ أَحَدِكُمْ يَغْتَسِلُ فِيهِ كُلَّ يَوْمٍ خَمْسًا. مَا تَقُولُ: ذَلِكَ يُبْقِي مِنْ دَرَنِهِ" قَالُوا: لَا يُبْقِي مِنْ دَرَنِهِ شَيْئًا. قَالَ: «فَذَلِكَ مِثْلُ الصَّلَوَاتِ الْخَمْسِ، يَمْحُو اللَّهُ بِهِ الْخَطَايَا.

অনুবাদ : ইমাম বুখারী (রহ.) আবু হুরায়রা (রা.)-এর বর্ণনা সনদের ৬ষ্ঠ ব্যক্তি ইবরাহীম বিন হামজা থেকে শুনে তাঁর ‘সহীহ আল বুখারী’ গ্রন্থে লিখেছেন- আবু হুরায়রা (রা.) বলেন, তিনি আল্লাহর রাসূল (স.)-কে বলতে শুনেছেন, “বলতো দেখি! যদি তোমাদের কারো বাড়ির সামনে একটি নদী থাকে, আর সে তাতে প্রতিদিন পাঁচবার (যথাযথভাবে) গোসল করে, তাহলে কি তাঁর শরীরে কোনো ময়লা থাকবে? তারা বললেন, তাঁর শরীরে কোনোরকম ময়লা থাকবে না। তখন রাসূল (স.) বললেন, এ হলো পাঁচ ওয়াক্ত সালাতের উদাহরণ। এর মাধ্যমে আল্লাহ তা’আলা (মানব জীবন থেকে) ভুলসমূহ (অন্যায় ও অশ্লীল কাজসমূহ) দূর করে (মিটিয়ে) দেন।”

- ◆ বুখারী, আস-সহীহ, হাদীস নম্বর ৫২৮।
- ◆ হাদীসটির সনদ ও মতন সহীহ।

ব্যাখ্যা : হাদীসটিতে শরীর-স্বাস্থ্য (চিকিৎসা বিজ্ঞান) বিষয়ক একটি উদাহরণ দিয়ে রাসূল (স.) সালাত সম্পর্কিত দু’টি অতীব গুরুত্বপূর্ণ বিষয় জানিয়ে ও বুঝিয়ে দিয়েছেন। অন্যায় ও অশ্লীল বিষয় হলো মানব জীবনের ভুল তথা বড় অকল্যাণ/গুনাহ। তাই হাদীসটিতে রাসূল (স.) জানিয়ে দিয়েছেন- পাঁচবার যথাযথভাবে গোসল করলে যেমন শরীরের সকল ময়লা দূর হয়ে যায় তেমনি পাঁচবার যথাযথভাবে সালাত আদায় করলে মানুষের জীবনের সকল অন্যায় ও অশ্লীল কাজ দূর হয়ে যায়।

সালাত আদায় করার মাধ্যমে মানুষের ব্যক্তি (ও সমাজ) জীবন থেকে অন্যায় ও অশ্লীল কাজ দূর হবে শুধু তখনই যখন সালাতের অনুষ্ঠান নিয়ম-কানুন মেনে নিষ্ঠার সাথে পালন করে, প্রতিটি অনুষ্ঠান ও পঠিত বিষয় থেকে দিতে চাওয়া শিক্ষা নিয়ে সে শিক্ষা ব্যক্তি ও সমাজ জীবনে প্রতিষ্ঠা করা তথা সালাত প্রতিষ্ঠা (কায়েম) করা হবে। তাই, হাদীসটির মাধ্যমে রাসূল (স.) সালাত সম্পর্কিত দু’টি অতীব গুরুত্বপূর্ণ বিষয় জানিয়ে দিয়েছেন-

১. সালাতের উদ্দেশ্য হলো- মানুষের ব্যক্তি ও সমাজ জীবন থেকে অন্যায় ও অশ্লীল কাজ দূর করা।
২. ‘সালাত কায়েম করা’ কথাটির ব্যাখ্যা হলো- সালাতের অনুষ্ঠান নিয়ম-কানুন মেনে নিষ্ঠার সাথে পালন করে, প্রতিটি অনুষ্ঠান ও পঠিত বিষয় থেকে দিতে চাওয়া শিক্ষা নিয়ে সে শিক্ষা ব্যক্তি ও সমাজ জীবনে কায়েম করা।

উদাহরণ সম্পর্কে বিস্তারিত আলোচনা আছে ‘কুরআনের ব্যাখ্যা বুঝার জন্য আরবী গ্রামার, অনুবাদ এবং উদহরণের গুরুত্ব’ (গবেষণা সিরিজ-৩৪) বইটিতে।

ইসলামে জীবন সম্পর্কিত জ্ঞান অর্জনের জন্য Common sense-এর গুরুত্ব

এ বিষয়ে-

1. কুরআন ও হাদীসের কিছু তথ্য পুস্তিকার জ্ঞানের উৎস বিভাগের Common sense উপধারায় উল্লেখ করা হয়েছে।
2. বিস্তারিত আলোচনা আছে ‘Common sense-এর গুরুত্ব কতটুকু এবং কেন?’ (গবেষণা সিরিজ-৬) বইটিতে।

সূত্র ৫-এর মূলনীতিটি সঠিক হওয়ার প্রমাণ

সূত্র ৫-এর নীতি : আল কুরআনের যতো বেশি সংখ্যক সম্ভব আয়াত উপস্থাপন করে ৪ নম্বর সূত্রের সিদ্ধান্তটিকে দৃঢ় করা।

এ সূত্রে উপস্থাপনকারী ৪ নম্বর সূত্রের সিদ্ধান্তটির সমর্থনে কুরআনের যতো বেশি সংখ্যক সম্ভব আয়াত ব্যাখ্যাসহ উপস্থাপন করবেন।

এ নীতিটি সঠিক হওয়ার প্রমাণ : এ নীতিটি সঠিক হওয়ার প্রমাণ হলো নির্ভুল জ্ঞান অর্জনের জন্য কুরআন, হাদীস ও Common sense-এর আলোকে যে প্রবাহচিত্র জানা যায় এবং যেটি আমরা বার বার ব্যবহার করছি, সেটি।

নিজেদের Common sense-এর রায়ের পক্ষে কুরআনের সমর্থন দেখার ফলে-

- নিজের দেওয়া উত্তর সঠিক হওয়ার ব্যাপারে দর্শক-শ্রোতাগণ নিশ্চিত হয়ে যাবে।
- কেউ তাদেরকে সেখান থেকে সহজে সরাতে পারবে না।
- নিজের ইসলামের জ্ঞান থাকার ব্যাপারে দর্শক-শ্রোতাদের আত্মবিশ্বাস বেড়ে যাবে।
- মনের প্রশান্তি নিয়ে বিষয়টি দর্শক-শ্রোতাগণ গ্রহণ করে নেবে এবং আমল শুরু করে দেবে।

স্তর ৬-এর মূলনীতিটি সঠিক হওয়ার প্রমাণ

স্তর ৬-এর নীতি : যতো বেশি সংখ্যক সম্ভব নির্ভুল হাদীস উপস্থাপন করে ৪ নম্বর স্তরের সিদ্ধান্তটিকে আরও দৃঢ় করা।

বক্তা তার প্রতিষ্ঠিত করতে যাওয়া বিষয়টির পক্ষে কুরআনের তথ্য উপস্থাপন করার পর সাধারণভাবে হাদীসের তথ্য উপস্থাপনের দরকার পড়ে না। কারণ, কুরআনের স্পষ্ট বক্তব্যের পক্ষে অবশ্যই হাদীস আছে। আর কুরআনের স্পষ্ট বক্তব্য বিরুদ্ধ কোনো কথা রাসূল (সা.)-এর কথা বলে গ্রহণযোগ্য হবে না। তবুও শ্রোতাদের মনের প্রশান্তির জন্যে বা উপস্থাপিত বিষয়টির ব্যাপারে তাদের বিশ্বাস আরও দৃঢ় করার জন্যে এ স্তরে বক্তা ৪ নম্বর স্তরের সিদ্ধান্তটির সমর্থনে যতো বেশি সংখ্যক সম্ভব নির্ভুল হাদীস উপস্থাপন করবেন। নিজেদের Common sense-এর রায়ের পক্ষে হাদীসেরও সমর্থন দেখতে পেলে-

- ঐ রায় যে সঠিক সে ব্যাপারে দর্শক-শ্রোতাগণ আরও নিশ্চিত হয়ে যাবে।
- তাদের সেখান থেকে সরানো আরও কঠিন হয়ে যাবে।
- নিজের ইসলামের জ্ঞান আছে এ ব্যাপারে শ্রোতাদের আত্মবিশ্বাস আরও বেড়ে যাবে।
- মনে আরও প্রশান্তি নিয়ে বিষয়টি তারা গ্রহণ করে নেবে এবং আমল শুরু করে দেবে।

এ নীতিটি সঠিক হওয়ার প্রমাণ : এ নীতিটি সঠিক হওয়ারও প্রমাণ হলো- নির্ভুল জ্ঞান অর্জনের জন্য কুরআন, হাদীস ও Common sense-এর আলোকে যে প্রবাহচিত্র জানা যায় এবং যেটি আমরা বার বার ব্যবহার করছি, সেটি।

স্তর ৭-এর মূলনীতিটি সঠিক হওয়ার প্রমাণ

স্তর ৭-এর নীতি : সাহাবী, তাবেঈ, তাবে-তাবেঈ বা মনীষীদের তথ্যটির সমর্থনকারী বক্তব্য (যদি পাওয়া যায়) উপস্থাপন করা।

Common sense

বক্তব্য বা ওয়াজ-নসীহত উপস্থাপনকারী তার উপস্থাপিত তথ্যের পক্ষে পূর্বের বিখ্যাত ব্যক্তিদের যে সকল বক্তব্য আছে, তা উপস্থাপন করতে পারেন। তবে এটি অপরিহার্য নয়। কারণ, উপস্থাপিত তথ্যটির পক্ষে যদি কুরআন, সুন্নাহ ও বর্তমান Common sense-এর সমর্থন থাকে তবে-

- তা অবশ্যই মানতে ও অনুসরণ করতে হবে। চাই তার পক্ষে পূর্বের মনীষীদের বক্তব্য থাকুক বা না থাকুক।
- তা অবশ্যই উপেক্ষা করা যাবে না পূর্বের কোনো মনীষীর বিষয়টির ব্যাপারে দেওয়া বিপরীত বক্তব্য উপস্থিত থাকার দরুণ। কারণ, সভ্যতার জ্ঞানের দুর্বলতার জন্যে পূর্বের কোনো মনীষীর বিষয়টির বুঝ বা ব্যাখ্যায় ভুল থাকা অসম্ভব নয়।
- পূর্বের প্রকৃত মনীষীদের কথা পাল্টিয়ে সে স্থানে ষড়যন্ত্রকারীদের মিথ্যে কথা লিখে রাখার দলিল উপস্থিত আছে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের প্রাথমিক রায় হলো- বক্তব্য বা ওয়াজ-নসীহত উপস্থাপনের ৭ম স্তরে সাহাবী, তাবেঈ, তাবে-তাবেঈ বা মনীষীদের তথ্যটির সমর্থনকারী বক্তব্য পাওয়া গেলে তা উপস্থাপন করা যেতে পারে।

আল কুরআন

فَاسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ.

অনুবাদ : তোমরা যদি না জানো (না জানতে/না বুঝতে পারো) তবে আল্লাহর কিতাবের বিশেষজ্ঞ জ্ঞানীদের (মনীষী/ফকিহ) কাছে জিজ্ঞাসা করো।

(সূরা আল আশ্বিয়া/২১ : ৭, সূরা নাহল/১৬ : ৪৩)

ব্যাখ্যা : আহলে কিতাবদের উদ্দেশ্য করে বলা হলো এ আয়াতের শিক্ষা সকলের জন্য প্রযোজ্য। মুসলিমদের জ্ঞান অর্জনের আল্লাহ প্রদত্ত উৎস হলো কুরআন, সুন্নাহ ও Common sense। আর ইসলামী সমাজের বিশেষজ্ঞ বা মনীষীদের গবেষণার ফল/সিদ্ধান্তকে ইজমা বা কিয়াস বলে।

আয়াতখানি থেকে মুসলিমদের শিক্ষা হলো-

১. ইসলামী সমাজে কুরআনের সাধারণ ও বিশেষজ্ঞ জ্ঞানী থাকবে বা থাকতে হবে।
২. কুরআন, সুন্নাহ ও Common sense-এর মাধ্যমে ইসলামের প্রতিটি বিষয় জানার চেষ্টা সকল মুসলিমকে করতে হবে।
৩. কুরআন, সুন্নাহ ও Common sense-এর মাধ্যমে সাধারণ জ্ঞানীরা কোনো বিষয়ে সিদ্ধান্তে পৌঁছাতে না পারলে ইজমা বা কিয়াস পর্যালোচনা করে তাদের সেটি জেনে নিতে হবে।

৪. কুরআন, সুন্নাহ ও Common sense-এর মাধ্যমে সাধারণ জ্ঞানীরা একটি বিষয়ে সিদ্ধান্তে পৌঁছাতে পারলে, সে বিষয়ে ইজমা বা কিয়াস পর্যালোচনা না করলেও চলবে।
৫. কুরআন, সুন্নাহ ও Common sense-এর মাধ্যমে সাধারণ জ্ঞানীরা একটি বিষয়ে সিদ্ধান্তে পৌঁছাতে পারলে ইজমা বা কিয়াস দিয়ে তা যাচাই করে অধিক তথ্যভিত্তিকটি গ্রহণ করায় দোষ নেই।
৬. ইজমা বা কিয়াস যাচাই করার বিষয়টি ঘটবে শেষে।
৭. ইজমা বা কিয়াস উৎস নয়। ইজমা বা কিয়াস হলো রিফারেন্স।

◆◆ তাহলে দেখা যায়- বক্তব্য বা ওয়াজ-নসীহত উপস্থাপনের সময়- Common sense, কুরআন ও হাদীসের তথ্য উপস্থাপনের পর সাহাবী, তাবেঈ, তাবে-তাবেঈ বা মনীযীদের তথ্যটির সমর্থনকারী বক্তব্য পাওয়া গেলে তা উপস্থাপন করা যেতে পারে। এ তথ্যটি কুরআন সমর্থন করে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- বক্তব্য বা ওয়াজ-নসীহত উপস্থাপনের ৭ম স্তরে সাহাবী, তাবেঈ, তাবে-তাবেঈ বা মনীযীদের তথ্যটির সমর্থনকারী বক্তব্য পাওয়া গেলে তা উপস্থাপন করা যেতে পারে।

চূড়ান্ত রায়টি সমর্থনকারী হাদীস

أَخْرَجَ الْإِمَامُ أَحْمَدُ بْنُ حَنْبَلٍ رَحِمَهُ اللَّهُ تَعَالَى فِي 'مُسْنَدِهِ' حَدَّثَنَا عَبْدُ الرَّزَّاقِ، أَخْبَرَنَا مَعْمَرٌ، عَنِ الزُّهْرِيِّ، عَنِ عَمْرِو بْنِ شُعَيْبٍ، عَنِ أَبِيهِ (مُحَمَّدٍ)، عَنِ جَدِّهِ (عَبْدُ اللَّهِ بْنِ عَمْرِو بْنِ الْعَاصِ)، قَالَ: سَمِعَ النَّبِيَّ صَلَّى اللَّهُ عَلَيْهِ وَسَلَّمَ قَوْمًا يَتَدَارَعُونَ، فَقَالَ: إِنَّمَا هَلَكَ مَنْ كَانَ قَبْلَكُمْ بِهَذَا، ضَرَبُوا كِتَابَ اللَّهِ بَعْضُهُ بِبَعْضٍ، وَإِنَّمَا نَزَلَ كِتَابُ اللَّهِ يُصَدِّقُ بَعْضُهُ بَعْضًا، فَلَا تُكْذِبُوا بَعْضُهُ بِبَعْضٍ، فَمَا عَلِمْتُمْ مِنْهُ فَقُولُوا، وَمَا جَهِلْتُمْ، فَكَلِّمُوا إِلَىٰ عَالِيهِ.

অনুবাদ : ইমাম আহমাদ ইবন হাম্বল (রহ.) আবদুল্লাহ বিন আমর বিন ‘আস (রা.)-এর বর্ণনা সনদের ৬ষ্ঠ ব্যক্তি আবদুর রাজ্জাক থেকে শুনে তাঁর ‘মুসনাদ’ গ্রন্থে লিখেছেন- আবদুল্লাহ বিন আমর বিন ‘আস (রা.) বলেন, রাসূল (স.) একবার কিছু লোককে কোনো একটি বিষয়ে মতবিরোধ করতে দেখলেন। তখন রাসূল (স.) বললেন- এই মতবিরোধের জন্যেই তোমাদের

পূর্ববর্তী লোকেরা ধ্বংস হয়ে গিয়েছিলো। তারা আল্লাহর কিতাবের একটি অংশ দিয়ে আরেকটি অংশকে বাতিল করেছিলো। অথচ আল্লাহর কিতাবের একটি অংশ অপর অংশের পরিপূরক। সুতরাং তোমরা কিতাবের একটি অংশকে আরেকটি অংশ দিয়ে বাতিল করো না। আল্লাহর কিতাব থেকে তোমাদের যা বুঝে আসে তা তোমরা বলো। আর আল্লাহর কিতাবের যা তোমাদের বুঝে আসে না সে সম্পর্কে যিনি বুঝেন তার (মনীষী/বিশেষজ্ঞ) ওপর সেটি ছেড়ে দাও।

- ◆ ইমাম আহমদ ইবন হাম্বল, মুসনাদে আহমাদ, পঞ্চম খণ্ড, হাদীস নম্বর ৬৭৪১, পৃ. ১৭০।
- ◆ হাদীসটির সনদ ও মতন সহীহ।

ব্যাখ্যা : হাদীসখানির শেষে থাকা ‘আর আল্লাহর কিতাবের যা তোমাদের বুঝে আসে না সে সম্পর্কে যিনি বুঝেন তার (মনীষী/বিশেষজ্ঞ) ওপর সেটি ছেড়ে দাও’ অংশের ব্যাখ্যা ও শিক্ষা ওপরে উল্লিখিত সূরা আল আম্বিয়ার ৭ এবং সূরা নাহলের ৪৩ নম্বর আয়াতের অনুরূপ।

স্তর ৮-এর মূলনীতিটি সঠিক হওয়ার প্রমাণ

স্তর ৮-এর নীতি : উপস্থাপিত বিষয়টি অনুসরণ করা বা না করায় দুনিয়ার লাভ বা ক্ষতি উপস্থাপন করা।

এ স্তরে অনেক ওয়াজ-নসীহাতকারী উপস্থাপিত বিষয়টি করণীয় কাজ হলে তা পালন করা এবং নিষিদ্ধ কাজ হলে তা থেকে দূরে থাকায় আখিরাতে কী কল্যাণ বা অকল্যাণ হবে অনেক সময় নিয়ে তা উপস্থাপন করেন। দুনিয়ার কল্যাণ বা অকল্যাণের কথা বলেনই না বা খুব কম বলেন। তবে এটি সঠিক নয়। এ স্তরে শুধু দুনিয়ার কল্যাণ বা ক্ষতির বিষয়টি ব্যাপকভাবে এবং সময় নিয়ে উপস্থাপন করতে হবে। এ নীতিটি সঠিক হওয়ার প্রমাণ-

Common sense

নগদটি আগে চাওয়া মানুষের স্বভাবজাত বিষয় এবং তা যৌক্তিকও। কারণ, নগদে না পেলে জীবন সুখী, সমৃদ্ধ ও প্রগতিশীল হওয়া সম্ভব নয়। ইসলামও মানুষের জীবনকে সুখী, সমৃদ্ধ ও প্রগতিশীল করতে চায়। তাই, সহজে বলা যায়- ইসলামের বিভিন্ন আমলের দুনিয়ার কল্যাণ আগে চাওয়া বা দুনিয়ার কল্যাণের তথ্য আখিরাতে কল্যাণের পূর্বে বর্ণনা করা ইসলামী দৃষ্টিকোণ থেকে সিদ্ধ হওয়ার কথা।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের প্রাথমিক রায় হলো- ওয়াজ-নসীহতে একটি আমলের লাভ বা ক্ষতি বলার সময় দুনিয়ার লাভ বা ক্ষতি পরকালের লাভ বা ক্ষতির পূর্বে উপস্থাপনের নীতিটি সঠিক।

আল কুরআন

তথ্য-১

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً

অনুবাদ : হে আমাদের প্রতিপালক, আমাদের দুনিয়ার কল্যাণ দান করো এবং আখিরাতেও কল্যাণ দান করো।

(সূরা আল বাকারা/২ : ২০১)

ব্যাখ্যা : এখানে আল্লাহ তা'য়ালার কাছ থেকে কল্যাণ চাওয়ার সময় পরকালের কল্যাণ চাওয়ার পূর্বে দুনিয়ার কল্যাণ চাইতে বলেছেন।

তথ্য-২

نَحْنُ أَوْلِيَاءُ لَكُمْ فِي الْحَيَاةِ الدُّنْيَا وَفِي الآخِرَةِ ۗ

অনুবাদ : আমরাই তোমাদের বন্ধু দুনিয়ার জীবনে ও আখিরাতে।

(সূরা হা-মিম-আস সাজদা/৪১ : ৩১)

ব্যাখ্যা : এখানে বলা হয়েছে আল্লাহ তা'য়ালার মানুষের বন্ধু দুনিয়ার জীবনে ও আখিরাতে। বন্ধু নিশ্চয় তাঁর বন্ধুর জন্য কল্যাণমূলক কাজই করবে। তাই, এ আয়াতেও দুনিয়ার কল্যাণ আখিরাতেও কল্যাণের আগে দেওয়ার কথা বলা হয়েছে।

তথ্য-৩

فَمَا جَزَاءُ مَنْ يَفْعَلْ ذَلِكَ مِنْكُمْ إِلَّا خِزْيٌ فِي الْحَيَاةِ الدُّنْيَا ۗ وَيَوْمَ الْقِيَامَةِ يُرَدُّونَ إِلَىٰ أَشَدِّ الْعَذَابِ ۗ

অনুবাদ : অতঃপর তোমাদের মধ্যে যারা এ ধরনের কাজ করে তাদের প্রতিদান দুনিয়ার জীবনে লাঞ্ছনা ছাড়া আর কিছুই হবে না; আর কিয়ামতের দিন তাদের সবচেয়ে কঠিন শাস্তিতে নিক্ষেপ করা হবে।

(সূরা বাকারা/২ : ৮৫)

ব্যাখ্যা : এ আয়াতে দুনিয়ায় শাস্তি পাওয়ার কথা পরকালের শাস্তির আগে বলা হয়েছে।

সম্মিলিত শিক্ষা : আয়াত তিনখানি পর্যালোচনা করলে দেখা যায়-

১. প্রথম আয়াতখানিতে দুনিয়ার কল্যাণ আখিরাতের কল্যাণের আগে চাইতে বলা হয়েছে।
২. দ্বিতীয় আয়াতখানিতে দুনিয়ার কল্যাণ আখিরাতের কল্যাণের আগে প্রদান করা হবে বলে জানানো হয়েছে।
৩. তৃতীয় আয়াতখানিতে দুনিয়ার শাস্তি আখিরাতের শাস্তির পূর্বে দেওয়া হবে বলে জানিয়ে দেওয়া হয়েছে।

এভাবে পর্যালোচনা করলে দেখা যায়- আল কুরআনে যে সকল আয়াতে দুনিয়া ও পরকালের লাভ-ক্ষতি তথা পুরস্কার-শাস্তির কথা বলা হয়েছে তার সকল স্থানে দুনিয়ার কথা আগে বলা হয়েছে।

♣♣ ২৪ নম্বর পৃষ্ঠায় উল্লিখিত নির্ভুল জ্ঞান অর্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী এ পর্যায়ে তাই বলা যায়, ইসলামের চূড়ান্ত রায় হলো- ওয়াজ-নসীহতে একটি আমলের লাভ বা ক্ষতি বলার সময় দুনিয়ার লাভ বা ক্ষতি পরকালের লাভ বা ক্ষতির পূর্বে উপস্থাপনের নীতিটি সঠিক।

◆◆ এ স্তরে যে বিষয়টিকে বিশেষ গুরুত্ব দিতে হবে- দুনিয়ার কল্যাণের তথ্য দিতে গিয়ে বিজ্ঞানভিত্তিক তথ্য বেশি বেশি উপস্থাপন করতে হবে। আবাস্তব ঘটনা বা কাহিনি বলা ক্ষতিকর হবে। কারণ এটি জ্ঞানী মানুষ, যারা সমাজ পরিবর্তনে ভূমিকা রাখে, তাদের ইসলামের প্রতি বিশ্বাসকে দুর্বল করে দেবে। বিজ্ঞান ভিত্তিক কল্যাণের তথ্য বলতে গেলে বিজ্ঞান আগে জানতে হবে। আর বিজ্ঞান জানাকে আল্লাহ তা'য়ালার কী অপরিসীম গুরুত্ব দিয়েছেন তা আল কুরআনের পৃষ্ঠা উল্টালে (বুঝে পড়লে) যেকোনো ব্যক্তি অতি সহজে বুঝতে পারবেন।

অত্যন্ত দুঃখের বিষয়- বর্তমান বিশ্বের ইসলামী শিক্ষায় বিজ্ঞানের কোনো বা তেমন কোনো গুরুত্ব নেই। কাওমী মাদ্রাসার সিলেবাসে বিজ্ঞান বলে কোনো সাবজেক্টই নেই (কিছুদিন হলো খুব সীমিত পর্যায়ে শুরু হয়েছে। আলহামদুলিল্লাহ)। এ জন্যে বর্তমান বিশ্বের অধিকাংশ ওয়াজ-নসীহাতকারীগণ তাদের উপস্থাপন করা বিষয়ের দুনিয়ার সাধারণ কল্যাণের কথাও বলেন না বা খুব কম বলেন। আর বৈজ্ঞানিক কল্যাণের কথা যাতে না বলতে পারেন সে জন্যে প্রচলিত ইসলামী শিক্ষার সিলেবাসে বিজ্ঞান

নেই বা না থাকার মতো করেই আছে। এটি ইসলাম ও মুসলিমদের বিরুদ্ধে এক গভীর ষড়যন্ত্র।

স্তর ৯-এর মূলনীতিটি সঠিক হওয়ার প্রমাণ

স্তর ৯-এর নীতি : উপস্থাপিত বিষয়টি অনুসরণ করা বা না করায় আখিরাতে লাভ বা ক্ষতি উপস্থাপন করা।

এ নীতিটির বক্তব্য হলো- ওয়াজ নসীহতে একটি আমলের লাভ বা ক্ষতি বলার সময় পরকালের লাভ ও ক্ষতি তথা পুরস্কার ও শাস্তির কথা অবশ্যই বলতে হবে। তবে তা বলতে হবে দুনিয়ারটা বলার পর। স্তর ৮-এ উল্লিখিত কুরআন ও Common sense-এর তথ্যের মাধ্যমে আমরা অত্র স্তরের (স্তর-৯) তথ্যটিও চূড়ান্তভাবে জেনেছি। এখন জানার বিষয় হলো, পরকালের পুরস্কার ও শাস্তির (লাভ ও ক্ষতি)-

১. কথা কেন বলতে হবে?

২. এ স্তরে যা বললে পুরো আলোচনা শূন্য হয়ে যাবে।

১. পরকালের পুরস্কার ও শাস্তির (লাভ বা ক্ষতি) কথা যে জন্যে বলতে হবে

বাস্তব অবস্থা হলো নানা দুর্বলতার জন্যে দুনিয়ার বিচারে অনেকে-

- কোনো শাস্তি পায় না।
- বড় অপরাধের জন্য লঘু শাস্তি পায়।
- ছোট অপরাধের জন্য বড় শাস্তি পায়।

এ অবস্থাগুলোর উপস্থিতি অনৈসলামী বিচার ব্যবস্থায় বেশি। আর প্রকৃত ইসলামী আইনে চলা বিচার ব্যবস্থায় কম থাকলেও কখনো শূন্য হবে না। ইসলামে পরকালীন বিচার রাখার মূল কারণ হলো দুনিয়ার বিচারের উল্লিখিত দুর্বলতাগুলো পুষিয়ে দেওয়া। তাই, পরকালীন বিচার ব্যবস্থাটি মহান আল্লাহ এমন করেছেন যে, সেখানে-

- শাস্তি হবে দৃষ্টান্তমূলক। অর্থাৎ দুনিয়ায় কেউ যেন এমন অপরাধ করতে সাহস না পায়।
- পুরস্কার হবে দৃষ্টান্তমূলক। অর্থাৎ দুনিয়ায় সকলে যেন এমন সৎকাজ করতে উৎসাহিত হয়।
- কর্ম অনুযায়ী কুরআনের মাধ্যমে জানিয়ে দেওয়া শাস্তি বিন্দুমাত্র পরিবর্তন ছাড়া সকলেই পাবে।

- কর্ম অনুযায়ী কুরআনের মাধ্যমে জানিয়ে দেওয়া পুরস্কার বিন্দুমাত্র পরিবর্তন ছাড়া সকলেই পাবে।


আর তাই, ওয়াজ-নসীহতের শেষ স্তরে আলোচনা করা বিষয়টির পরকালীন পুরস্কার ও শাস্তির কথা সময় নিয়ে ও স্পষ্ট করে তুলে ধরতে হবে। আর এটির মূল কারণ হলো- দুনিয়ায় অপরাধের পরিমাণ কমিয়ে এবং সৎকাজের পরিমাণ বাড়িয়ে মানব জীবনকে শাস্তিময় করা।

২. পরকালের পুরস্কার ও শাস্তি সম্পর্কে যা বললে পুরো আলোচনা শূন্য হয়ে যাবে

উপস্থাপনার এ স্তরে এমন বক্তব্য অবশ্যই পরিহার করতে হবে যা মানুষকে অন্যায় কাজ তথা গুনাহ করতে উৎসাহিত করে বা সাহস যোগায়। এ ধরণের কথা, বক্তব্য বা ওয়াজ-নসিহত উপস্থাপনকারীর সৎমানুষ তৈরিকরামূলক পূর্বের সকল কথাকে শূন্যস্থানে নিয়ে যেতে বাধ্য। আর মানুষকে অন্যায় কাজ তথা গুনাহ করতে উৎসাহিত করে বা সাহস যোগানোমূলক কোনো কথা আল্লাহ তা'য়ালার বা রাসূল (স.) কোনো মতেই বলতে পারেন না।

অত্যন্ত দুঃখের বিষয়- বর্তমান বিশ্বের ওয়াজ-নসীহতে মানুষকে অন্যায় কাজ তথা গুনাহ করতে উৎসাহিত করা বা সাহস যোগানোমূলক অনেক কথা অসংখ্য বার, অসংখ্য স্থানে এবং অসংখ্য মুখে বলা হচ্ছে। ঐ কথাগুলো মানুষকে অন্যায় কাজ তথা গুনাহ করতে উৎসাহিত করে বা সাহস যোগায় এটি বুঝতে খুব সূক্ষ্ম বুদ্ধির প্রয়োজন পড়ে না। আর এটি ওয়াজ-নসীহতের ফল না ফলার একটি মূল কারণ।

বক্তব্য বা ওয়াজ-নসীহত উপস্থাপনের নীতিমালার প্রবাহচিত্র



যে কথাগুলো সকল বক্তাকে অবশ্যই মনে রাখতে হবে

১. সকলকে মনে রাখতে হবে- রাগান্বিত হওয়া, নিজে অনেক জানি এমন বা অন্য কোনোভাবে অহংকার প্রকাশ করা, কারও ভুল ধরে তাকে হেয় করার মানসিকতা নিয়ে কথা বলা, কঠোর বাক্য ব্যবহার করা, কেউ অহেতুক কষ্ট পায় এমনভাবে কথা বলা ইত্যাদি বিষয়গুলো অত্যন্ত সচেতনতার সাথে পরিহার করতে হবে। এ বিষয়গুলোর জন্যে তার অত্যন্ত সুন্দর উপস্থাপনাও প্রত্যাশিত উদ্দেশ্য সাধনে ব্যর্থ হতে পারে।
২. কথাগুলো ঘুরিয়ে পেঁচিয়ে না বলে সরাসরি উপস্থাপন করার চেষ্টা করতে হবে। কারণ, ঘুরিয়ে পেঁচিয়ে বললে অনেকে সঠিক তথ্যটি খুঁজে পাবে না। ফলে উপস্থাপনকারীর উদ্দেশ্য ব্যর্থ হবে।
৩. বক্তব্য শেষ করার সময় এমন কোনো কথা না বলা যার জন্য উপস্থাপিত তথ্যের নির্ভুলতা সম্পর্কে শ্রোতাদের মনে কোনো প্রকার সন্দেহের সৃষ্টি হয়। যেমন- আমি যা জানি তা বললাম। এ বিষয়ে প্রকৃত তথ্য আল্লাহ তা'য়ালার জানেন। এ বিষয়ে নীতি হবে- যে বিষয়টির সঠিকত্বের ব্যাপারে উপস্থাপক শতভাগ নিশ্চিত নন সেটি তিনি উপস্থাপন করবেন না।

মূলনীতির ৪ নম্বর স্তরের কয়েকটি নমুনা

স্তর ৪-এর বিষয় হলো- জন্মগতভাবে পাওয়া জ্ঞানের উৎস তথা Common sense-এর সাহায্য নিয়ে শ্রোতাদের উপস্থাপন করতে চাওয়া তথ্যটির পক্ষে নিয়ে আসা। চলুন এখন জানা যাক, কয়েকটি মৌলিক বিষয় উপস্থাপনের সময় এ কাজটি কীভাবে করতে হবে বা করা যায়।

নমুনা-১

□ মুসলিম জাতির বর্তমান অধঃপতনের মূল কারণ

আজ হতে ৫০০ থেকে ৭০০ বছর পূর্বে মুসলিম জাতি জীবনের সব দিকে অন্য সকল জাতির চেয়ে শ্রেষ্ঠ ছিল। বর্তমানে মুসলিম জাতি জীবনের প্রায় সকল দিকে অন্য সব জাতির চেয়ে অবিশ্বাস্যরকমভাবে পিছিয়ে আছে। অর্থাৎ মুসলিম জাতি বর্তমানে চরমভাবে অধঃপতিত। মুসলিমদের যদি জিজ্ঞাসা করা হয়, জাতির এ চরম অধঃপতনের মূল কারণ কোনটি, তবে বিভিন্ন জন বিভিন্ন উত্তর দেবে।

তবে এ বিষয়ে প্রকৃত সত্যটি হলো- মুসলিমদের বর্তমান চরম অধঃপতনের মূল কারণ হলো, মূল জ্ঞান তথা কুরআনের জ্ঞান থেকে দূরে সরে যাওয়া। আর জ্ঞানে ভুল ঢুকলে আমলেও ভুল ঢুকবে। এ কাজটি করা হয়েছে গভীর এক ষড়যন্ত্রের মাধ্যমে।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী, সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি নিম্নোক্তভাবে করা যেতে পারে-

বক্তা প্রথমে শ্রোতাদের কাছে তাদের Common sense অনুযায়ী নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : একটি জাতিকে চরমভাবে অধঃপতিত করার সর্বাধিক ফলপ্রসূ পদ্ধতি হলো-

১. শক্তি প্রয়োগ করা।
২. মূল জ্ঞানে ভুল ঢুকিয়ে দেওয়া।
৩. ছোটোখাটো জ্ঞানে ভুল ঢুকিয়ে দেওয়া।
৪. অন্যকিছু।

সকলে দুই নম্বরটির পক্ষে রায় দেবে।

এরপর বক্তা শ্রোতাদের কাছে, তাদের Common sense অনুযায়ী পরের বহু নির্বাচনী প্রশ্নটির উত্তর জানতে চাইবেন-

প্রশ্ন : ওপরের প্রশ্নটির উত্তরের ভিত্তিতে মুসলিম জাতির বর্তমান চরম অধঃপতনের মূল কারণ কোনটি হবে-

১. শক্তি প্রয়োগ করা।
২. মূল জ্ঞান তথা কুরআনের জ্ঞানে ভুল ঢুকে যাওয়া।
৩. ছোটোখাটো জ্ঞানে ভুল ঢুকিয়ে দেওয়া।
৪. অন্যকিছু।

সকলে দুই নম্বরটির পক্ষে রায় দেবে।

অতঃপর বক্তা শ্রোতাদের কাছে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : কমপক্ষে শতকরা কয়জনের মূল জ্ঞানে ভুল ঢুকার জন্যে মুসলিম জাতির এ চরম অধঃপতন ঘটেছে-

১. দশ জন
২. চল্লিশ জন
৩. পঞ্চাশ জনের অধিক
৪. নব্বই জন
৫. অন্যকিছু

বিভিন্ন ধরনের উত্তর আসতে পারে, তবে সঠিক উত্তর হবে ৩ নম্বরটি। কারণ, পঞ্চাশের কম জনের মূল জ্ঞানে ভুল থাকার অর্থ হলো পঞ্চাশের অধিক জন তথা অধিকাংশের সঠিক জ্ঞান ও আমল থাকা। অধিকাংশ মুসলিম সঠিক জ্ঞান ও আমলের ওপর প্রতিষ্ঠিত থাকলে এ চরম অধঃপতন ঘটতো না।

এরপর বক্তা শ্রোতাদের কাছে তাদের Common sense অনুযায়ী নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : কুরআন অবিকৃত থাকা সত্ত্বেও ইসলামের মূল জ্ঞানে ভুল ঢুকে যাওয়ার কারণ কোনটি-

১. কুরআন বুঝার মতো একজন ব্যক্তিও মুসলিম বিশ্বে না থাকা।
২. পুরো কুরআন কোনো মুসলমান পড়েনি।
৩. কুরআনের অনেক মূল তথ্য সকল মুসলমান ভুলে গেছে।
৪. গভীর ষড়যন্ত্র করে কুরআনের প্রকৃত জ্ঞান থেকে মুসলিমদের দূরে সরিয়ে নেওয়া হয়েছে।

সকলে ৪ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতার নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শুধু-শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য প্রমাণ আছে তা যতো বেশি সংখ্যক সম্ভব দলিলসহ জানিয়ে দেওয়া।

এ বিষয়টির পক্ষে অনেক তথ্য প্রমাণ আছে। ঐ তথ্যের অনেকগুলো পাওয়া যাবে ‘যে গভীর ষড়যন্ত্রের মাধ্যমে মুসলিম জাতি ও বিশ্বমানবতার মূল জ্ঞানে ভুল ঢুকানো হয়েছে’ (গবেষণা সিরিজ-৩০) নামক বইটিতে।

নমুনা-২

□ সবচেয়ে বড় সাওয়াবের কাজ (মু’মিনের ১ নম্বর কাজ)

বর্তমান মুসলিম বিশ্বে যারা সালাত, যাকাত, সিয়াম, হাজ্জ, কুরবানী ইত্যাদি আমল নিয়মিত বা অনিয়মিত পালন করেন তাদের অধিকাংশের কুরআনের গ্রহণযোগ্য পরিমাণ জ্ঞান নেই। কারণ, তারা জানেন বা মনে করেন সালাত, যাকাত, সিয়াম, হাজ্জ, কুরবানী ইত্যাদি আমলের সাওয়াব (কল্যাণ) কুরআনের জ্ঞান অর্জন করার সাওয়াবের চেয়ে বেশি। তবে সঠিক তথ্য হলো, কুরআনের জ্ঞান অর্জনের সাওয়াব ঐ সব আমলের চেয়ে অপরিসীমভাবে বেশি।

ধরা যাক, আলোচক এ বিষয়ের সঠিক তথ্যটি শ্রোতাদের গ্রহণ করতে এবং তার ওপর আমল করতে চান। এটির জন্য ৪ নম্বর মূলনীতি অনুযায়ী, সত্য উদাহরণ বা চিরসত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি নিম্নোক্তভাবে করা যেতে পারে-

বক্তা প্রথমে শ্রোতাদের কাছে তাদের Common sense অনুযায়ী নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : একজন চিকিৎসক যিনি চিকিৎসা বিজ্ঞান প্রাকটিস করে সফল হতে চান তার জন্য সবচেয়ে গুরুত্বপূর্ণ কাজ (সবচেয়ে বড় সাওয়াবের কাজ) হলো-

১. টাইফয়েড রোগের চিকিৎসা সফলভাবে করতে পারা।
২. এপেন্ডিসাইটিস রোগের অপারেশন সফলভাবে করতে পারা।
৩. অন্যকোনো একটি রোগের চিকিৎসা সফলভাবে করতে পারা।
৪. সবচেয়ে নির্ভুল গ্রন্থ অধ্যয়ন করে চিকিৎসা বিজ্ঞানের সঠিক জ্ঞান অর্জন করা।

সকলে ৪ নম্বরের পক্ষে রায় দেবে।

এখন উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : ওপরের উত্তরের ভিত্তিতে একজন মুসলিম যিনি ইসলাম প্রাকটিস (পালন) করে সফল হতে চান, তার সবচেয়ে গুরুত্বপূর্ণ (সবচেয়ে বড় সাওয়াবের) কাজটি হলো-

১. সালাত আদায় করা।
২. সিয়াম পালন করা।
৩. হাজ্জ পালন করা।
৪. ইসলামের একমাত্র নির্ভুল গ্রন্থ কুরআনের জ্ঞান অর্জন করা।

সকলে ৪ নম্বরের পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে শ্রোতারা নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের বাকি থাকলো শুধু- শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য আছে তা যতো বেশি সংখ্যক সম্ভব দলিলসহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো সাজানো অবস্থায় পাওয়া যাবে ‘মুমিনের ১ নম্বর কাজ এবং শয়তানের ১ নম্বর কাজ’ (গবেষণা সিরিজ-৪) নামক বইটিতে।

নমুনা-৩

□ মানুষ সৃষ্টির উদ্দেশ্য

বর্তমানে অধিকাংশ মুসলিম মনে করেন, মানুষ সৃষ্টির উদ্দেশ্য হলো উপাসনামূলক আমলসমূহ (সালাত, যাকাত, সিয়াম, হাজ্জ ইত্যাদি) পালন করা। অন্যরা মনে করেন মানুষকে সৃষ্টি করা হয়েছে আল্লাহর দাসত্ব বা প্রতিনিধিত্ব করার জন্য, যার মধ্যে উপসনামূলক আমলসমূহও অন্তর্ভুক্ত।

কিন্তু মানুষকে সৃষ্টির প্রকৃত উদ্দেশ্য হলো- কুরআন সত্য-মিথ্যার পার্থক্যকারী তথ্যটিতে বিশ্বাস রেখে জন্মগতভাবে জানা সকল ন্যায় কাজ বাস্তবায়ন ও অন্যায় কাজ প্রতিরোধ করার মাধ্যমে মানুষের কল্যাণ করা।

আর উপাসনাসহ মানব জীবনের অন্য সকল বিভাগের কাজ হলো মানুষ সৃষ্টির পাথেয় (উদ্দেশ্য সাধনের জন্য প্রয়োজনীয় বিষয়)।

ধরা যাক, একজন বক্তা মানুষ সৃষ্টির উদ্দেশ্য সম্পর্কে সত্য তথ্যটি তার শ্রোতাদের গ্রহণ ও তার ওপর আমল প্রতিষ্ঠিত করাতে চান। এটির জন্য ৪ নম্বর মূলনীতি অনুযায়ী, সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি বিভিন্ন দৃষ্টিকোণের সত্য উদাহরণ বা তথ্যের ভিত্তিতে নিম্নোক্তভাবে করা যায়। যেমন-

দৃষ্টিকোণ-১

□ কোনো জিনিসের সাথে সম্পর্কযুক্ত বিষয়সমূহের উদ্দেশ্য ও পাথেয় বিভাগে বিভক্ত হওয়ার সাধারণ নিয়মের দৃষ্টিকোণ

উপস্থাপক প্রথমে একটি সত্য তথ্য শ্রোতাদের সামনে তুলে ধরবেন। তথ্যটি হলো- একটি জিনিসের সাথে যতো বিষয় সম্পর্কযুক্ত থাকে তার যেকোনো একটি বা একটি বিভাগ হয় উদ্দেশ্য এবং বাকি সব হয় পাথেয়। উদ্দেশ্য হলো যে লক্ষ্য অর্জনের জন্য জিনিসটি তৈরি বা প্রণয়ন করা হয়েছে। আর পাথেয় হলো উদ্দেশ্য সাধনের জন্য প্রয়োজনীয় বিষয় বা বিষয়সমূহ। যেমন, চিকিৎসা বিজ্ঞান। চিকিৎসা বিজ্ঞানের সাথে সম্পর্কযুক্ত বিষয়গুলো চারভাগে বিভক্ত- ১. যথাযথ শিক্ষার মাধ্যমে তৈরি করা উপযুক্ত জনশক্তি তথা চিকিৎসক, নার্স ইত্যাদি; ২. চিকিৎসা করা; ৩. শারীরিক দিক দিয়ে সুস্থ জনশক্তি; ৪. মেডিকেল কলেজ, হাসপাতাল ঔষধ, যন্ত্রপাতি, ঔষধ ও যন্ত্রপাতি তৈরির কারখানা ইত্যাদি। এ চার বিভাগের তথ্যের সবগুলো চিকিৎসা বিজ্ঞানের উদ্দেশ্য হবে না। আবার সবগুলো চিকিৎসা বিজ্ঞানের পাথেয়ও হবে না। একটি বিভাগ হবে উদ্দেশ্য। আর বাকি তিন বিভাগ হবে পাথেয়।

এরপর উপস্থাপক শ্রোতাদের সামনে তুলে ধরবেন যে- মানুষের জীবনের সাথে সম্পর্কযুক্ত বিষয়সমূহ চার বিভাগে বিভক্ত (১. উপাসনামূলক কাজ, ২. ন্যায়-অন্যায়মূলক কাজ, ৩. শরীর-স্বাস্থ্য গঠনমূলক কাজ ও ৪. পরিবেশ-পরিস্থিতি গঠনমূলক কাজ)।

এবার বক্তা শ্রোতাদের কাছে তাদের Common sense-এর আলোকে
নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : একটি জিনিসের সাথে সম্পর্কযুক্ত বিষয়সমূহের উদ্দেশ্য ও পাথেয়
বিভাগে বিভক্ত হওয়ার উল্লিখিত সত্য উদাহরণের ভিত্তিতে মানব জীবনের
সাথে সম্পর্কযুক্ত চার বিভাগের বিষয়সমূহের ব্যাপারে কোনটি সঠিক হবে-

১. সবকটি হবে উদ্দেশ্য।
২. সবকটি হবে পাথেয়।
৩. একটি বিভাগ হবে উদ্দেশ্য আর বাকি তিন বিভাগ হবে পাথেয়।
৪. বলা কঠিন।

সকলে তিন নম্বরটির পক্ষে রায় দেবে।

দৃষ্টিকোণ-২

□ সৃষ্টিগত বা জন্মগতভাবে বুঝতে পারা বিষয়সমূহ উদ্দেশ্য বিভাগের
বিষয় হওয়ার দৃষ্টিকোণ

উপস্থাপক প্রথমে একটি সত্য তথ্য শ্রোতাদের সামনে তুলে ধরবেন।
তথ্যটি হলো- সকল তৈরিকারক কোনো জিনিস তৈরি করলে তার গঠনটি
এমনভাবে করেন যেন তা তার উদ্দেশ্য সাধনের পথে সরাসরি সহায়ক
হয়। নিম্প্রাণ (জড়) জিনিসের গঠন হয় শুধু শারীরিক। আর সপ্রাণ
জিনিসের জন্য তা হয় শারীরিক ও বুদ্ধিবৃত্তিক।

এবার বক্তা শ্রোতাদের কাছে তাদের Common sense-এর আলোকে
নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : সপ্রাণ জিনিস সৃষ্টির এ সত্য বিধান অনুযায়ী যদি দেখা যায় মানুষ
তার জীবনের কিছু বিষয় জন্মগতভাবে (বিনা শিক্ষায়) বুঝতে পারে আর
কিছু বিষয় পারে না। তবে যে বিষয়গুলো মানুষ জন্মগতভাবে বুঝতে পারে
সেগুলো হবে মানব জীবনের-

১. পাথেয় বিভাগের বিষয়।
২. উদ্দেশ্য বিভাগের বিষয়।
৩. বলা কঠিন।

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে
পরের বহু নির্বাচনী প্রশ্নটির সঠিক উত্তরটি জানতে চাইবেন-

প্রশ্ন : বাস্তবে দেখা যায় মানুষ তার জীবনের চার বিভাগের মধ্যে শুধু ন্যায়-অন্যায় বিভাগের বিষয়গুলো জন্মগতভাবে বুঝতে পারে। তাই, ন্যায়-অন্যায় বিভাগের বিষয়গুলো হবে মানব জীবনের-

১. পাথেয় বিভাগের বিষয়।
২. উদ্দেশ্য বিভাগের বিষয়।
৩. বলা কঠিন।

সকলে দুই নম্বরটির পক্ষে রায় দেবে।

দৃষ্টিকোণ-৩

□ শিক্ষা দিতে বা গঠন করতে যাওয়া বিষয়টি পাথেয় বিভাগের বিষয় হওয়ার দৃষ্টিকোণ

উপস্থাপক প্রথমে একটি সত্য তথ্য শ্রোতাদের সামনে তুলে ধরবেন। তথ্যটি হলো- শিক্ষা দেওয়া বা গঠন করামূলক কাজ সবসময় পাথেয় হয়। কারণ, কোনো একটি উদ্দেশ্য সাধনের জন্যই ঐ শিক্ষা দেওয়া বা গঠন করা হচ্ছে।

এরপর বক্তা শ্রোতাদের কাছে তাদের Common sense-এর আলোকে পরের বহু নির্বাচনী প্রশ্নটির সঠিক উত্তরটি জানতে চাইবেন-

প্রশ্ন : যদি দেখা যায় একটি কাজ বা বিষয় দিয়ে মানুষকে শিক্ষা দেওয়া বা গঠন করা হচ্ছে তাহলে উল্লিখিত সত্য তথ্যের ভিত্তিতে কাজ বা বিষয়টি হবে মানব জীবনের-

১. পাথেয় বিভাগের বিষয়।
২. উদ্দেশ্য বিভাগের বিষয়।
৩. বলা কঠিন।

সকলে ১ নম্বরটির পক্ষে রায় দেবে।

এখন বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তর জানতে চাইবেন-

প্রশ্ন : শরীর-স্বাস্থ্য গঠনমূলক কাজ মানুষের শরীর-স্বাস্থ্যকে গঠন করে। পরিবেশ-পরিস্থিতি গঠনমূলক কাজ বিভিন্নভাবে শিক্ষা দিয়ে মানুষকে গঠন করে। কুরআন ও হাদীস থেকে স্পষ্টভাবে জানা যায় যে, উপাসনা বিভাগের বিষয়গুলো আল্লাহ প্রণয়ন করেছেন বিভিন্ন ধরনের শিক্ষা দিয়ে মানুষকে গঠন করার জন্য। তাহলে এ তিন বিভাগের বিষয়গুলো হবে মানব জীবনের-

১. পাথেয় বিভাগের বিষয়।
২. উদ্দেশ্য বিভাগের বিষয়।
৩. বলা কঠিন।

সকলে ১ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শুধু- শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।

কুরআন ও হাদীসে এ বিষয়টির পক্ষে অনেক তথ্য আছে। ঐ তথ্যের অনেকগুলো পাওয়া যাবে ‘মানুষ সৃষ্টির উদ্দেশ্য’ (গবেষণা সিরিজ-১) নামক বইটিতে।

নমুনা-৪

□ কুরআন বুঝা কঠিন না সহজ

বর্তমান মুসলিমদের অধিকাংশই জানে যে কুরআন বুঝা অত্যন্ত কঠিন। তারা আরও জানে আরবী ভাষা ও ব্যাকরণের গভীর জ্ঞানসহ ১৬-১৭ ধরনের বিষয়ের জ্ঞান না থাকলে কুরআন বুঝা সম্ভব নয়। কিন্তু প্রকৃত তথ্য হলো কুরআন বুঝা খুবই সহজ।

ধরা যাক, একজন বক্তা এ সত্য কথাটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী, সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

উদাহরণের ভিত্তিতে এ কাজটি নিম্নোক্তভাবে করা যায়-

উপস্থাপক প্রথমে শ্রোতাদের এ তথ্যটি জানাবেন- ইঞ্জিনিয়ারগণ কোনো যন্ত্র তৈরি করে যখন বাজারে ছাড়েন তখন সেটির সাথে তার পরিচালনা পদ্ধতির মূল বিষয়সমূহ ধারণকারী একটি বই (Manual) পাঠান। বইটি

যে ভাষারই হোক না কেন খুব সহজ করে লেখা হয়। কারণ কঠিন করে লিখলে ভোক্তাগণ তা পড়ে সঠিকভাবে বুঝতে পারবে না। আর সঠিকভাবে না বুঝে যন্ত্রটি চালালে যন্ত্রটি নিশ্চিতভাবে অচল হয়ে যাবে।

এরপর উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের উত্তর জানতে চাইবেন-

প্রশ্ন : মহান আল্লাহ মানুষ সৃষ্টি করে তাদের জীবন পরিচালনার মূল পদ্ধতি ধারণকারী কিতাব (Manual)-সহ দুনিয়ায় পাঠিয়েছেন। ঐ কিতাবের সর্বশেষ সংস্করণ হলো আল-কুরআন। তাই, ওপরের উদাহরণের ভিত্তিতে কুরআন লেখা হয়েছে-

১. কঠিন আরবী ভাষায়।
২. সহজ আরবী ভাষায়।
৩. খুব সহজ আরবী ভাষায়।
৪. বলা কঠিন।

সকলে ৩ নম্বরের পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শুধু- শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘মুমিনের ১ নম্বর কাজ এবং শয়তানের ১ নম্বর কাজ’ (গবেষণা সিরিজ-৪) নামক বইটিতে।

নমুনা-৫

□ জ্ঞানের একটি উৎস জন্মগতভাবে মানুষের পাওয়া যৌক্তিক কি না

জীবন সম্পর্কিত জ্ঞানের একটি উৎস জন্মগতভাবে মহান আল্লাহ সকল মানুষকে দিয়েছেন। সে উৎসটি হলো Common sense। কিন্তু এ মহাকল্যাণকর তথ্যটি মুসলিম উম্মাহসহ পৃথিবীর সকল মানুষের অগোচরে।

ধরা যাক, একজন বক্তা এ সত্য কথাটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

দু'টি দৃষ্টিকোণের তথ্যের ভিত্তিতে এটি করা সম্ভব-

দৃষ্টিকোণ-১

□ সত্য উদাহরণের দৃষ্টিকোণ

বক্তা চিকিৎসা বিজ্ঞানের একটি তথ্য শ্রোতাদের প্রথমে জানাবেন। তথ্যটি হলো- জীবনকে শাস্তিময় করার লক্ষ্যে শরীরের ভেতরে উপকারী (সঠিক) জিনিস ঢুকতে দেওয়া এবং ক্ষতিকর (ভুল) জিনিস (রোগ সৃষ্টিকারী বিষয়) ঢোকা প্রতিরোধ করতে রোগ প্রতিরোধ ব্যবস্থা (Immunological System) নামের এক মহাকল্যাণকর ব্যবস্থা (দারোয়ান) আল্লাহ তা'য়ালার সকল মানুষকে জন্মগতভাবে দিয়েছেন।

এখন উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : জীবনকে শাস্তিময় করার জন্য জ্ঞানের মধ্যে সঠিক তথ্য ঢুকতে দেওয়া এবং ভুল তথ্য ঢোকা প্রতিরোধ করার জন্য কোনো ব্যবস্থা (দারোয়ান) থাকা-

১. তেমন দরকার না।
২. খুবই দরকার।
৩. বলা কঠিন।

সকল শ্রোতা উত্তর দেবে ২ নম্বর টি।

এরপর উপস্থাপক শ্রোতাদের কাছে ওপরের উদাহরণের ভিত্তিতে তাদের Common sense-এর আলোকে নিম্নের বহু নির্বাচনী প্রশ্নের উত্তর জানতে চাইবেন-

প্রশ্ন : জীবনকে শাস্তিময় করার জন্য শরীরের ভেতরে উপকারী জিনিস ঢুকতে দেওয়া এবং ক্ষতিকর জিনিস ঢোকা প্রতিরোধ করতে রোগ প্রতিরোধ ব্যবস্থা নামের এক মহাকল্যাণকর ব্যবস্থা (দারোয়ান) সকল মানুষ জন্মগতভাবে পেয়েছে। তাহলে জ্ঞানের মধ্যে সঠিক তথ্য ঢুকতে

দেওয়া এবং ভুল তথ্য ঢোকা প্রতিরোধ করার জন্য অতি প্রয়োজনীয় কোনো ব্যবস্থা (দারোয়ান) জন্মগতভাবে মানুষের পাওয়া-

১. যৌক্তিক
২. অযৌক্তিক
৩. খুবই যৌক্তিক
৪. বলা কঠিন

সকলে ৩ নম্বরটির পক্ষে রায় দেবে।

দৃষ্টিকোণ-২

□ সত্য তথ্যের দৃষ্টিকোণ

প্রথমে বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : মুসলিম ঘরে জন্মগ্রহণ করা শতকরা কতোজন ব্যক্তির অন্যধর্ম গ্রহণের গ্রহণযোগ্য পরিমাণ জ্ঞান অর্জন করা সম্ভব হয়-

১. ৫০ জন।
২. ১০ জন।
৩. প্রায় শূন্য জন।
৪. বলা কঠিন।

সকলে ৩ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : ওপরের চিরসত্য তথ্যের ভিত্তিতে অমুসলিম ঘরে জন্মগ্রহণ করা শতকরা কতোজন ব্যক্তির কুরআন ও সুন্নাহর গ্রহণযোগ্য পরিমাণ জ্ঞান অর্জন করা উচিত বলে দাবি করা যেতে পারে-

১. ৫০%
২. ১০%
৩. প্রায় ০%
৪. বলা কঠিন

সকলে ৩ নম্বরটির পক্ষে রায় দেবে।

এরপর উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : কোনো মানুষ নিজ ইচ্ছায় মুসলিম বা অমুসলিম ঘরে জন্মায় না। মহান আল্লাহই তাকে সেখানে পাঠান। তাহলে ইসলাম মানার ভিত্তিতে বিচারের আওতায় আনা এবং সে বিচার (শেষ বিচার) ন্যায় বিচার হওয়ার জন্য সকল মানুষের জন্মগতভাবে ইসলাম জানতে পারার একটি উৎস থাকা-

১. উচ্চ
২. উচ্চ না
৩. অবশ্যই উচ্চ
৪. বলা কঠিন

সকলে ৩ নম্বরটির পক্ষে রায় দেবে।

তাহলে উপস্থাপক যে কথাটি দর্শক-শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো।

এখন বক্তা বলবেন- মানুষকে জন্মগতভাবে আল্লাহর দেওয়া সেই মহাকল্যাণকর ব্যবস্থা, উৎস বা দারোয়ান হলো- বোধশক্তি, Common sense, **عقل** বা আল্লাহ প্রদত্ত সাধারণ জ্ঞান।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শুধু- শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে **'Common sense-এর গুরুত্ব কতটুকু এবং কেন'** (গবেষণা সিরিজ-৬) নামক বইটিতে।

নমুনা-৬

□ আকিমুস্ সালাতের প্রকৃত ব্যাখ্যা

সালাত প্রতিষ্ঠা করা কথাটির প্রচলিত ব্যাখ্যা হলো- সালাতের অনুষ্ঠান নিয়ম-কানুন মেনে নিষ্ঠার সাথে নিজে সঠিকভাবে আদায় করা এবং সমাজের সবাই যেন সালাতের অনুষ্ঠান সঠিকভাবে আদায় করতে পারে তার ব্যবস্থা করা।

কিন্তু সালাত প্রতিষ্ঠা করা কথাটির প্রকৃত অর্থ হলো- সালাতের অনুষ্ঠান নিয়ম-কানুন মেনে নিষ্ঠার সাথে পালন করে, প্রতিটি অনুষ্ঠান ও পঠিত বিষয় থেকে দিতে চাওয়া শিক্ষা নিয়ে, সে শিক্ষা ব্যক্তি ও সমাজ জীবনে প্রতিষ্ঠা করা।

ধরা যাক, একজন বক্তা সালাত প্রতিষ্ঠা করা কথাটির প্রকৃত অর্থটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণের ভিত্তিতে এভাবে করা যায়-

বক্তা প্রথমে শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তর কোনটি তা জানতে চাইবেন-

প্রশ্ন : চিকিৎসা বিজ্ঞান প্রতিষ্ঠা করা কথাটির ব্যাখ্যা হলো-

১. সুন্দর বিল্ডিং বানিয়ে মেডিকেল কলেজের অনুষ্ঠান করার ব্যবস্থা প্রতিষ্ঠা করা।
২. মেডিকেল কলেজের অনুষ্ঠান নিয়ম-কানুন মেনে পালন করে, প্রতিটি অনুষ্ঠান থেকে দিতে চাওয়া শিক্ষা নিয়ে, সে শিক্ষা ব্যক্তি ও সমাজ জীবনে প্রতিষ্ঠা করা।
৩. অন্যকিছু।

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : ওপরে বলা উদাহরণের ভিত্তিতে সালাত প্রতিষ্ঠা করার ব্যাখ্যা হবে-

১. সুন্দর মসজিদ বানিয়ে সালাতের অনুষ্ঠান করার ব্যবস্থা প্রতিষ্ঠা করা।
২. সালাতের অনুষ্ঠান নিয়ম-কানুন মেনে নিষ্ঠার সাথে পালন করে প্রতিটি অনুষ্ঠান ও পঠিত বিষয় থেকে দিতে চাওয়া শিক্ষা নিয়ে, সে শিক্ষা ব্যক্তি ও সমাজ জীবনে প্রতিষ্ঠা করা।
৩. অন্যকিছু।

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দাঁড় করিয়ে রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শুধু-শ্রোতাদের দেওয়া উত্তরের সমর্থনে কুরআন ও হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।

কুরআন ও হাদীসে এ বিষয়টির পক্ষে অনেক তথ্য আছে। ঐ তথ্যের অনেকগুলো পাওয়া যাবে ‘সালাত কেন আজ ব্যর্থ হচ্ছে’ (গবেষণা সিরিজ-৩) নামক বইটিতে।

নমুনা-৭

□ ইসলামের মৌলিক বিষয় কোনগুলো তা জানার সহজ ও সঠিক উপায় বর্তমান বিশ্বের মুসলমানদের ইসলাম অনুসরণ পর্যালোচনা করলে দেখা যায়-

- অধিকাংশের ইসলামের অনেক কাজ বাদ যাচ্ছে।
- অনেকেই বহু আমৌলিক কাজকে মৌলিক মনে করে নিষ্ঠার সাথে পালন করছেন।

কোনো কাজের একটিও মৌলিক বিষয় বাদ গেলে সে কাজটি সরাসরি সম্পূর্ণ ব্যর্থ হয়। আর একটি কাজের সবগুলো আমৌলিক বিষয় বাদ গেলেও কাজটি ব্যর্থ হয় না। তবে তাতে কিছু অপূর্ণতা থাকে। তাই সহজে বলা যায় বর্তমানে মুসলিমদের ইসলাম পালনে এক বিরাট বিপর্যয় চলছে। মুসলিমদের আমলের এ বিপর্যয়ের প্রধান কারণটি হচ্ছে- ইসলামের মূল বিষয় কোনগুলো সে বিষয়ে তাদের অধিকাংশের স্বচ্ছ ধারণা নেই। আর এ ধারণা না থাকার পেছনে কারণ হলো- ইসলামের মূল বিষয় কোনগুলো তা জানার সঠিক উপায় কোনটি সে বিষয়ে সঠিক জ্ঞান না থাকা।

এ বিষয়ের প্রকৃত সত্যটি হলো- ইসলামের সকল মৌলিক বিষয় উল্লিখিত আছে আল-কুরআনে। তাই, যে বিষয় কুরআনে নেই তা ইসলামের কোনো মৌলিক বিষয় নয়। তাই ইসলামের সকল মৌলিক জানার একমাত্র এবং সহজতম উপায় হলো পুরো কুরআনের জ্ঞান অর্জন করা। কেউ যদি শুধু হাদীস (কুরআনের ব্যাখ্যা গ্রন্থ) পড়ে ইসলামের মূল বিষয় কোনগুলো তা জানতে চায় তাহলে কোনোভাবেই সে তাতে সফল হবে না। কারণ-

- হাদীসের ভান্ডার অনেক বড়।
- হাদীসগ্রন্থ পড়ে মৌলিক ও অমৌলিক বিষয় পার্থক্য করা অসম্ভব।
- বর্তমান সহীহ হাদীসের তালিকায় রাসূল (সা.) সকল হাদীস এসেছে একথা নিশ্চয়তা দিয়ে বলা যায় না।
- কোনো হাদীস গ্রন্থ কুরআনের মতো নির্ভুল নয়।

ধরা যাক, একজন বক্তা এ সত্য কথাটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী, সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি নিম্নোক্তভাবে করা যায়-

প্রশ্ন : প্রথমে বক্তা শ্রোতাদের কাছে হাদীস সম্পর্কে নিম্নের তথ্যগুলো সঠিক না ভুল জানতে চাইবেন-

- হাদীস গ্রন্থসমূহ মানুষের রচিত।
- হাদীস হলো কুরআনের ব্যাখ্যা।
- হাদীসের ভান্ডার অনেক বড়।
- কোনো হাদীস গ্রন্থ কুরআনের মতো নির্ভুল নয়।

সকলে সঠিক বলে রায় দেবেন।

এরপর বক্তা শ্রোতাদেরকে, মূলগ্রন্থ (Text Book) সম্পর্কে নিম্নের সত্য তথ্যগুলো জানাবেন-

১. একটি বিষয়ের মূলগ্রন্থ বলে সে গ্রন্থকে- যেখানে ঐ বিষয়ের সকল মূল বিষয় লেখা থাকে। অমৌলিক বিষয় থাকে না বা থাকলেও খুব কম থাকে। কারণ,
 - পাঠকগণ মৌলিক ও অমৌলিক বিষয় পার্থক্য করতে অসুবিধায় পড়তে পারে।
 - সকল অমৌলিক বিষয় রাখতে গেলে গ্রন্থখানির কলেবর বড় হয়ে যায়।
২. যিনি ঐ গ্রন্থ রচনা করেন তার যদি ঐ বিষয়ের মৌলিক ও অমৌলিক সকল বিষয়ের নিখুঁত জ্ঞান থাকে তবে গ্রন্থখানিতে কোনো মৌলিক বিষয় বাদ পড়বে না। কারণ, তিনি জানেন মৌলিক একটি বিষয়ও বাদ গেলে যেকোনো কাজ শতভাগ ব্যর্থ হয়।

প্রশ্ন : এরপর বক্তা শ্রোতাদের কুরআন সম্পর্কে নিম্নের তথ্যগুলো সঠিক না ভুল জানতে চাইবেন-

- আল-কুরআন হলো মানুষের জীবন পরিচালনার তথ্য ধারণকারী মূলগ্রন্থ (Text Book)।
- আল-কুরআন প্রণয়ন করেছেন এমন এক সত্তা যার মানুষ এবং মহাবিশ্ব সংক্রান্ত মৌলিক ও অমৌলিক সকল কিছুর নিখুঁত জ্ঞান আছে।
- আল-কুরআনের সকল তথ্য নির্ভুল।
- কুরআনের কলেবর হাদীসের কলেবরের তুলনায় অনেক ছোট।

সকলে সঠিক বলে রায় দেবেন।

এরপর উপস্থাপক দর্শক-শ্রোতাদের কাছে তাদের Common sense-এর আলোকে নিম্নের বহু নির্বাচনী এ প্রশ্নের উত্তর জানতে চাইবেন-

প্রশ্ন : ওপরের চিরসত্য তথ্যগুলোর ভিত্তিতে ইসলামের সকল মূল বিষয়গুলো নির্ভুলভাবে জানার একমাত্র ও সহজতম উপায় হবে-

১. কুরআনের জ্ঞান অর্জন করা।
২. হাদীসের জ্ঞান অর্জন করা।
৩. কুরআন ও হাদীসের জ্ঞান অর্জন করা।
৪. বলা কঠিন।

সকলে ১ নম্বরকে সঠিক বলে উত্তর দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দাঁড় করিয়ে রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে কুরআনের জ্ঞান অর্জনের দুনিয়ার কল্যাণসমূহ জানিয়ে দেওয়া।

৪. আল কুরআন ও হাদীসের তথ্যের ভিত্তিতে কুরআনের জ্ঞান অর্জনের পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘আমলের গুরুত্বভিত্তিক অবস্থান জানার সহজ ও সঠিক উপায়’ (গবেষণা সিরিজ-৮) নামক বইটিতে।

নমুনা-৮

□ জানার পর না মানা এবং না জানার জন্যে না মানা বিষয় দু’টির গুনাহর মাত্রা

বর্তমান বিশ্বের মুসলিমদের অধিকাংশের ধারণা হলো জানার পর না মানা, না জানার জন্যে না মানার চেয়ে অধিক বড় গুনাহ। কিন্তু প্রকৃত সত্য হলো না জানার জন্যে না মানা, জানার পর না মানার তুলনায় দ্বিগুণ গুনাহ।

ধরা যাক, একজন বক্তা এ সত্য কথাটি ওয়াজের মাধ্যমে তার শ্রোতাদের গ্রহণ করতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

তিনটি দৃষ্টিকোণের সত্য তথ্যের ভিত্তিতে এ কাজটি নিম্নোক্তভাবে করা যায়-

দৃষ্টিকোণ-১

□ দু’টি ফরজ অমান্য করার দৃষ্টিকোণ

উপস্থাপক প্রথমে শ্রোতাদেরকে এ সত্য তথ্যটি জানাবেন- ইসলামে জানা একটি ফরজ এবং মানা একটি ফরজ। তাই যে জানলো কিন্তু মানলো না তার একটি ফরজ অমান্য করা হয়। আর যে জানে না তাই মানতে পারে না তার দু’টি ফরজ অমান্য করা হয়।

এখন উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী এ প্রশ্নের উত্তর জানতে চাইবেন-

প্রশ্ন : ওপরের সত্য তথ্যের ভিত্তিতে একজন মুসলিমের জন্য অধিক বড় গুনাহ হবে-

১. জানার পর না মানা।
২. না জানার জন্যে না মানা।
৩. বলা কঠিন।

সকলে ২ নম্বরের পক্ষে রায় দেবে।

দৃষ্টিকোণ-২

□ জীবনের কোনো সময় মানতে না পারার দৃষ্টিকোণ

উপস্থাপক শ্রোতাদের প্রথমে এ সত্য তথ্যটি জানাবেন- যে জানে সে আজ না মানলেও কাল মানতে পারে। কিন্তু যে জানে না সে মৃত্যু পর্যন্ত কখনও মানতে পারবে না।

এখন উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নের উত্তর জানতে চাইবেন-

প্রশ্ন : ওপরের সত্য তথ্যের ভিত্তিতে একজন মুসলিমের জন্য অধিক বড় গুনাহ হবে-

১. জানার পর না মানা।
২. না জানার জন্যে না মানা।
৩. বলা কঠিন।

সকলে ২ নম্বরের পক্ষে রায় দেবে।

দৃষ্টিকোণ-৩

□ মুসলিমদের ইসলামী জ্ঞানে দুর্বল থাকার দৃষ্টিকোণ

উপস্থাপক শ্রোতাদের এ সত্য তথ্যটি জানাবেন- জানার পর না মানা বেশি গুনাহ কথাটির জন্যে মুসলিমদের কোনো ইসলামী বই দিলে পড়তে চায় না। কারণ, তারা মনে করে জানার পর না মানলে, না জানার জন্যে না মানার তুলনায় অধিক গুনাহ। তাই, জানলে ঝামেলা অধিক। এটি বর্তমান বিশ্বের মুসলিমদের ইসলামী জ্ঞানে দুর্বল থাকার একটি প্রধান কারণ। পক্ষান্তরে মুসলিম সমাজে যদি ‘না জানার জন্যে না মানা অধিক বড় গুনাহ’ কথাটি চালু থাকতো, তবে মুসলিমগণ ইসলামী বই পড়ার জন্য পাগল হয়ে যেত।

এখন উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী এ প্রশ্নের উত্তর জানতে চাইবেন-

প্রশ্ন : ওপরের সত্য তথ্যের ভিত্তিতে একজন মুসলিমের জন্য অধিক বড় গুনাহ হবে-

১. জানার পর না মানা।
২. না জানার জন্যে না মানা।
৩. বলা কঠিন।

সকলে ২ নম্বরের পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য যা বাকি থাকলো তা হলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে জ্ঞান অর্জনের দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে জ্ঞান অর্জনের পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘মুমিনের ১ নম্বর কাজ এবং শয়তানের ১ নম্বর কাজ’ (গবেষণা সিরিজ-৪) নামক বইটিতে।

নমুনা-৯

□ আমল (কাজ) কবুলের শর্ত

বর্তমান বিশ্বের মুসলিমদের অধিকাংশের ধারণা হলো- একটি আমলের অনুষ্ঠানটি নিয়ম-কানুন (আরকান-আহকাম) মেনে সঠিকভাবে পালন করতে পারলে তা আল্লাহর কাছে কবুল হয়ে যায়। তাই সালাত, সিয়াম, হাজ্জ ইত্যাদি আমলের অনুষ্ঠান কীভাবে পালন করতে হবে তা শিখানোর নানা ধরনের বই ও ব্যবস্থা মুসলিম সমাজে উপস্থিত আছে। কিন্তু এ বিষয়ে সঠিক তথ্য হলো- আমলের ধরন অনুযায়ী কবুলের শর্ত হলো চার, ছয় বা আটটি। আমলের অনুষ্ঠান নিয়ম-কানুন মেনে পালন করা হলো ঐ শর্তসমূহের একটি শর্ত।

ধরা যাক একজন বক্তা এ সত্য তথ্যটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে চাওয়া বিষয়টির পক্ষে নিয়ে আসতে হবে।

এটি সত্য তথ্যের ভিত্তিতে এভাবে করা যায়-

ওয়াজ উপস্থাপনকারী এ সত্য তথ্যটি শ্রোতাদের প্রথমে জানাবেন- একটি আমল আল্লাহর দাসত্ব (ইবাদাত) হিসেবে গণ্য হলেই শুধু তা আল্লাহর কাছে কবুল হয়। আর একটি আমল কোনো মনিবের কাছে দাসত্ব হিসেবে কবুল হওয়ার চিরসত্য শর্তসমূহ হলো-

১. কাজটি করার সময় মনিবের সন্তুষ্টি সর্বক্ষণ সামনে রাখা।
২. কাজটির ব্যাপারে মনিবের কাজ্জিত উদ্দেশ্য জানা এবং কাজটি করার সময় সে উদ্দেশ্য সাধন হচ্ছে কি না বা হবে কি না তা সর্বক্ষণ খেয়াল রাখা।
৩. কাজটির ব্যাপারে মনিবের জানিয়ে দেওয়া পাথেয়কে উদ্দেশ্য সাধনের মাধ্যম মনে করে পালন করা।
৪. মনিবের জানিয়ে দেওয়া পদ্ধতি অনুযায়ী কাজটি পালন করা।
৫. কাজটি আনুষ্ঠানিক হলে (আনুষ্ঠানিক কাজ হলো সেটি- যা করতে সকলকে একই ধরনের অনুষ্ঠান করা লাগে) প্রতিটি অনুষ্ঠান থেকে মনিবের দিতে চাওয়া শিক্ষাগুলো নেওয়া।
৬. আনুষ্ঠানিক কাজের অনুষ্ঠান থেকে নেওয়া শিক্ষাগুলো বাস্তবে প্রয়োগ করা।
৭. কাজটি ব্যাপক হলে (ব্যাপক কাজ হলো সেটি- যেখানে মৌলিক, অমৌলিক, আনুষ্ঠানিক, অনানুষ্ঠানিক ইত্যাদি ধরনের বিষয় থাকে) মনিবের জানিয়ে দেওয়া মৌলিক বিষয়ের একটিও বাদ না দেওয়া।
৮. ব্যাপক কর্মকাণ্ডের কাজগুলো মনিবের জানিয়ে দেওয়া গুরুত্ব অনুযায়ী আগে বা পরে পালন করা।

অর্থাৎ কাজের ধরন অনুযায়ী আমল কবুলের শর্ত হলো চারটি, ছয়টি বা আটটি। এর মধ্যে সাধারণ শর্ত হলো ৪টি (ওপরের প্রথম চারটি) যা সকল কাজের বেলায় প্রযোজ্য। আনুষ্ঠানিক কাজের বেলা ছয়টি (৪+২)। আর ব্যাপক কর্মকাণ্ডের বেলায় আটটি (৪+২+২)।

এরপর উপস্থাপক দর্শক-শ্রোতাদের কাছে তাদের Common sense-এর আলোকে নিম্নের বহু নির্বাচনী এ প্রশ্নের উত্তর জানতে চাইবেন-

প্রশ্ন : ওপরের চিরসত্য তথ্যের ভিত্তিতে একটি আমল আল্লাহর কাছে কবুল হওয়ার শর্তের ব্যাপারে কোনটি সঠিক-

১. শর্ত হবে একটি। আর সেটি হলো আমলের অনুষ্ঠানটি নিয়ম-কানুন (আরকান-আহকাম) মেনে সঠিকভাবে পালন করা।
২. শর্ত হবে চারটি।
৩. কাজের ধরন অনুযায়ী শর্ত হবে চার, ছয় বা আটটি।
৪. বলা কঠিন।

সকলে ৩ নম্বরটির পক্ষে উত্তর দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে আমল কবুল হওয়ার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে আমল কবুল হওয়ার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘আমল কবুলের শর্ত’ (গবেষণা সিরিজ-৫) নামক বইটিতে।

নমুনা-১০

□ জাল হাদীস বুঝার সহজতম উপায়

হাদীস ইসলামের দ্বিতীয় প্রধান উৎস। তাই হাদীস না হলে ইসলাম পরিপূর্ণরূপে পালন করা সম্ভব নয়। অন্যদিকে হাদীসের নামে বানানো

কথা ইসলামের অতীতে সবচেয়ে বেশি ক্ষতি করেছে, বর্তমানে করেছে এবং ভবিষ্যতেও করবে যদি মুসলিম উম্মাহ সতর্ক না হয়। আর এ বিষয়ে সতর্ক হওয়া বা থাকার একটি মূল উপায় হলো কোন হাদীস জাল তা বুঝার সহজতম উপায়টি জানা থাকা।

ধরা যাক, একজন বক্তা একটি হাদীস জাল কি না তা বুঝার সহজতম উপায়টি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি সত্য তথ্যের ভিত্তিতে নিম্নোক্তভাবে করা যায়-

প্রথমে বক্তা শ্রোতাদের কাছে নিম্নের বহু নির্বাচনী এ প্রশ্নটির সঠিক উত্তর কোনটি তা জানতে চাইবেন-

প্রশ্ন : ব্যাখ্যা মূল বক্তব্যের-

১. অনুরূপ বা সম্পূরক হয়।
২. কখনও বিরোধী হয় না।
৩. উভয়টি সঠিক।
৪. বলা কঠিন।

সকলে ৩ নম্বরকে সঠিক বলে রায় দেবে।

এরপর উপস্থাপক শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্ন দু'টির সঠিক উত্তর কোনটি তা জানতে চাইবেন-

প্রশ্ন-১ : হাদীস কুরআনের ব্যাখ্যা। তাই, ওপরের চিরসত্য তথ্যের ভিত্তিতে হাদীস কুরআনের-

১. অনুরূপ বা সম্পূরক হবে।
২. কখনও বিপরীত হবে না।
৩. উভয়টি সঠিক।
৪. বলা কঠিন।

সকলেই ৩ নম্বরটি সঠিক বলে উত্তর দেবেন।

প্রশ্ন-২ : ওপরের চিরসত্য তথ্যের ভিত্তিতে হাদীস কুরআনের বিপরীত হলে সেটি-

১. নির্ভুল হাদীস।
২. জাল হাদীস।
৩. বলা কঠিন।

সকলেই ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো।

এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে হাদীস মানা ও হাদীস অনুযায়ী আমল করার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে হাদীস মানা ও হাদীস অনুযায়ী আমল করার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘সহীহ হাদীস বলতে নির্ভুল হাদীস বুঝায় কি?’ (গবেষণা সিরিজ-১৯) নামক বইটিতে।

নমুনা-১১

□ ইচ্ছাকৃতভাবে অর্থ ছাড়া কুরআন পড়া গুনাহ না সওয়াব?

বর্তমান বিশ্বের অধিকাংশ অনারব মুসলিম জানেন যে, অর্থছাড়া কুরআন পড়লে প্রতি অক্ষরে দশ নেকী হয়। আর তাই, সওয়াব অর্জনের জন্যে তারা তাড়াছড়ো করে না বুঝে কুরআন পড়ে বা খতম দেয়। কিন্তু এ বিষয়ে সত্য কথাটি হলো- ইচ্ছাকৃতভাবে তথা বিনা ওজরে অর্থছাড়া কুরআন পড়াকে কুরআন কঠোরভাবে নিষেধ করেছে। অর্থাৎ এটি বড় গুনাহ বা শাস্তিযোগ্য অপরাধ।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য

উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে দর্শক-শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণের ভিত্তিতে নিম্নোক্তভাবে করা যায়-

বক্তা প্রথমে শ্রোতাদের কাছে তাদের Common sense-এর আলোকে বহু নির্বাচনী এ প্রশ্নটির উত্তর জানতে চাইবেন-

প্রশ্ন : চিকিৎসক হলো সেই ব্যক্তি যিনি চিকিৎসা বিজ্ঞান প্রাকটিস করেন। একজন চিকিৎসক ইংরেজীতে লেখা চিকিৎসা বিজ্ঞানের বই অর্থ না বুঝে পড়ে অপারেশন করলে (চিকিৎসা বিজ্ঞান প্রাকটিস করলে) ঐ চিকিৎসক রুগী বা রুগীর লোকদের কাছ থেকে-

১. সম্মান ও পারিশ্রমিক পাবেন।
২. কঠিন শাস্তি পাবেন।
৩. বলা কঠিন।

সকলে ২ নম্বরটির পক্ষে রায় দেবে।

এরপর বক্তা Common sense-এর আলোকে পরের বহু নির্বাচনী প্রশ্নটির উত্তর শ্রোতাদের কাছে জানতে চাইবেন-

প্রশ্ন : মুসলিম হলো সেই ব্যক্তি যিনি ইসলাম প্রাকটিস করেন। তাহলে ওপরের উদাহরণের ভিত্তিতে একজন মুসলিম ইচ্ছাকৃতভাবে তথা কোনো বাধ্য-বাধকতা ছাড়া আরবীতে লেখা কুরআন অর্থ না বুঝে পড়ে ইসলাম প্রাকটিস করলে আল্লাহর কাছ থেকে-

১. সম্মান ও পারিশ্রমিক (সোওয়াব/নেকী) পাবেন।
২. কঠিন শাস্তি পাবেন।
৩. বলা কঠিন।

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
 ২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
 ৩. আল কুরআন, হাদীস, Common sense ও বিজ্ঞানের তথ্যের ভিত্তিতে অর্থ না বুঝে কুরআন পড়ার দুনিয়ার অকল্যাণসমূহ জানিয়ে দেওয়া।
 ৪. আল কুরআন ও হাদীসের তথ্যের ভিত্তিতে অর্থ না বুঝে কুরআন পড়ার পরকালীন অকল্যাণসমূহ জানিয়ে দেওয়া।
- এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘ইচ্ছাকৃতভাবে অর্থ ছাড়া কুরআন পড়া গুনাহ না সওয়াব?’ (গবেষণা সিরিজ-৭) নামক বইটিতে।

নমুনা-১২

□ ওজু ছাড়া কুরআন স্পর্শ করলে গুনাহ হবে কি না

বর্তমান বিশ্বের অনেক মুসলমান জানেন যে ওজু ছাড়া কুরআন স্পর্শ করা নিষেধ (গুনাহ)। মানুষের জাগ্রত জীবনের বেশিরভাগ সময় ওজু থাকে না। তাই, কথাটি মুসলিমদের জীবনের বেশিরভাগ সময় কুরআন ধরতে ও পড়তে দেয় না। অর্থাৎ কথাটি মুসলিমদের কুরআন পড়ার সময়কে ব্যাপকভাবে কমিয়ে দিয়েছে। কথাটির পক্ষে যুক্তি হিসেবে বলা হয়- ওজু ছাড়া কুরআন স্পর্শ করলে কুরআনকে অপমান করা হয়। তাই এটি ইসলামে নিষিদ্ধ।

কিন্তু এ বিষয়ে প্রকৃত তথ্যটি হলো- ওজু ছাড়া কুরআন স্পর্শ করা নিষেধ কথাটি কুরআনের জন্য সম্মানজনক কথা নয়। এটি কুরআনের জন্য অপমানজনক একটি কথা। তাই ইসলামে ওজু ছাড়া কুরআন ধরা নিষেধ (গুনাহ) নয়।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে চাওয়া বিষয়টির পক্ষে নিয়ে আসতে হবে।

এ কাজটি সত্য তথ্যের ভিত্তিতে এভাবে করা যায়-
বক্তা প্রথমে শ্রোতাদের কাছে তাদের Common sense-এর আলোকে
নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : কুরআনের সবচেয়ে বড় সম্মান হলো-

১. কুরআনের জ্ঞান অর্জন করা এবং সে জ্ঞান অনুযায়ী আমল করা।
২. ওজুসহ স্পর্শ করা (ধরা)।
৩. বলা কঠিন।

সকলে ১ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে
পরের বহু নির্বাচনী প্রশ্নটির উত্তর জানতে চাইবেন-

প্রশ্ন : ওজু ছাড়া কুরআন স্পর্শ করা বা ধরা গুনাহ কথাটি কুরআনের জ্ঞান
অর্জনের সময়কে-

১. কমায় না। তাই, কথাটি কুরআনের জ্ঞান অর্জনের পথে কোনো
বাধার সৃষ্টি করে না।
২. অল্প কমায়। তাই, কথাটি কুরআনের জ্ঞান অর্জনের পথে তেমন
কোনো বাধার সৃষ্টি করে না।
৩. ব্যাপকভাবে কমায়। তাই, কথাটি কুরআনের জ্ঞান অর্জনের পথে
ব্যাপক বাধার সৃষ্টি করে।
৪. বলা কঠিন।

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে
নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : যে কথাটি কুরআনের জ্ঞান অর্জন তথা কুরআনের সবচেয়ে বড়
সম্মানের পথে ব্যাপক বাধা তৈরি করে সেটি কুরআনের জন্য-

১. সম্মানজনক কথা।
২. অপমানজনক কথা।
৩. বলা কঠিন।

সকলে ২ নম্বরটির পক্ষে রায় দেবে।

অতঃপর বক্তা শ্রোতাদের কাছে তাদের Common sense-এর আলোকে
পরের বহু নির্বাচনী প্রশ্নটির উত্তর জানতে চাইবেন-

প্রশ্ন : যে কথাটি কুরআনের জন্য অপমানজনক কথা সেটি-

১. ইসলাম সিদ্ধ কথা হতে পারে।
২. কখনও ইসলাম সিদ্ধ কথা হতে পারে না।
৩. বলা কঠিন।

সকলে ২ নম্বরটির পক্ষে রায় দেবে।

সব শেষে বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : ওপরের চিরসত্য তথ্যগুলোর ভিত্তিতে ওজু ছাড়া কুরআন স্পর্শ করা বা ধরা গুনাহ কথাটি কুরআনের জন্য অপমানজনক একটি কথা। তাহলে এ কথাটি-

১. ইসলাম সিদ্ধ কথা হতে পারে।
২. কখনও ইসলাম সিদ্ধ কথা হতে পারে না।
৩. বলা কঠিন।

সকলে দুই নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে কুরআনরে জ্ঞান অর্জন করার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে কুরআনের জ্ঞান অর্জন করার পরকালীন অকল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘ওজু ছাড়া কুরআন স্পর্শ করলে গুনাহ হবে কি?’ (গবেষণা সিরিজ-৯) নামক বইটিতে।

নমুনা-১৩

□ ইসলামী জীবন বিধানে বিজ্ঞানের গুরুত্ব কতটুকু এবং কেন?

কয়েক বছর পূর্বেও বর্তমান মুসলিম বিশ্বের কওমী বা দরছে নেযামী মাদ্রাসাগুলোতে বিজ্ঞান পড়ানো হতো না। বর্তমানে খুব ধীরগতিতে ও হালকাভাবে বিজ্ঞান তাদের সিলেবাসে অন্তর্ভুক্ত করা হচ্ছে। এখান থেকে বুঝা যায় কওমী মাদ্রাসার পাঠ্যসূচি প্রণয়নকারীগণ মনে করেন- ইসলামে বিজ্ঞানের কোনো গুরুত্ব নেই বা তেমন কোনো গুরুত্ব নেই। কিন্তু প্রকৃত তথ্য হলো- ইসলামে বিজ্ঞানের গুরুত্ব অপরিসীম।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি তিনটি দৃষ্টিকোণের সত্য তথ্যের ভিত্তিতে এভাবে করা যায়-

দৃষ্টিকোণ-১

□ জীবন পরিচালনা করা প্রায় অসম্ভব হওয়ার দৃষ্টিকোণ

বক্তা প্রথমে শ্রোতাদের কাছে তাদের Common sense-এর আলোকে বহু নির্বাচনী নিম্নের প্রশ্নটির উত্তর জানতে চাইবেন-

প্রশ্ন : সভ্যতার বর্তমান স্তরে সহজে বলা যায়, বিজ্ঞান ছাড়া মানুষের জীবন সুখী, সমৃদ্ধ ও প্রগতিশীলতার সাথে পরিচালনা করা-

১. অসম্ভব

২. সম্ভব

৩. বলা কঠিন

সকলে ১ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে বহু নির্বাচনী পরের প্রশ্নটির উত্তর জানতে চাইবেন-

প্রশ্ন : ইসলাম হলো মানুষের দুনিয়ার জীবনকে সুখী, সমৃদ্ধ ও প্রগতিশীলতার সাথে পরিচালিত করে পরকালীন জীবনে কামিয়াব হওয়ার জীবন ব্যবস্থা। তাই, ওপরের উত্তরের ভিত্তিতে ইসলামী জীবন বিধানে বিজ্ঞানের গুরুত্ব-

১. তেমন বেশি হওয়ার কথা নয়।
২. অপরিসীম হওয়ার কথা।
৩. বলা কঠিন।

সকলে ২ নম্বরটির পক্ষে রায় দেবে।

দৃষ্টিকোণ-২

□ আল কুরআনে বিজ্ঞানের আয়াতের সংখ্যার দৃষ্টিকোণ

বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : আল-কুরআনের ১/৬ অংশ হলো বিজ্ঞান ভিত্তিক আয়াত। যে কুরআন তার ১/৬ অংশকে বিজ্ঞানের জন্য ছেড়ে দিয়েছে সে কুরআন অনুযায়ী বিজ্ঞানের গুরুত্ব-

১. তেমন বেশি হওয়ার কথা নয়।
২. অপরিসীম।
৩. বলা কঠিন।

সকলে ২ নম্বরটির পক্ষে রায় দেবে।

দৃষ্টিকোণ-৩

□ ঈমান দৃঢ় হওয়ার দৃষ্টিকোণ

বক্তা প্রথমে শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : যে যতো গভীরভাবে বিজ্ঞানের রহস্য দেখবে সে ততো গভীরভাবে মহান আল্লাহর জ্ঞান, ক্ষমতা, শক্তি ইত্যাদি জানতে পারবে। ফলে ঈমানদার হলে তার ঈমান ততো-

১. দৃঢ় হবে।
২. দুর্বল হবে।
৩. বলা কঠিন।

সকলে ১ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : ইসলাম মানুষের ঈমানকে দৃঢ় করতে চায়। তাহলে ইসলামে বিজ্ঞানের গুরুত্ব-

১. তেমন বেশি হওয়ার কথা নয়।
২. অপরিসীম হওয়ার কথা।
৩. বলা কঠিন।

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতাগণ নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে বিজ্ঞানের দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে বিজ্ঞানের পরকালীন অকল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘ইসলামে বিজ্ঞানের গুরুত্ব কতটুকু এবং কেন’ (গবেষণা সিরিজ-১৩) নামক বইটিতে।

নমুনা-১৪

□ ‘আল্লাহর ইচ্ছায় সবকিছু হয়’ তথ্যটির প্রকৃত ব্যাখ্যা

আল-কুরআনের অনেক স্থানে আল্লাহ বলেছেন, মহাবিশ্বের সকল কিছু তাঁর ইচ্ছায় সংঘটিত হয়। এ বক্তব্য থেকে বর্তমান মুসলিম উম্মাহর প্রায় সকলে জানে যে-

- পৃথিবীতে যত ঘটনা-দুর্ঘটনা ঘটে তার সবই আল্লাহর তাৎক্ষণিক ইচ্ছায় সংঘটিত হয়।
- পরকালে মানুষ জান্নাতে যাবে, না জাহান্নামে যাবে এটিও আল্লাহর তাৎক্ষণিক ইচ্ছায় হবে।

এ বিষয়ে প্রকৃত তথ্য হলো- কুরআন ও হাদীসের যত স্থানে ‘আল্লাহর ইচ্ছায় হওয়া’ কথাটি এসেছে তার অধিকাংশতে ঐ ‘ইচ্ছা’ বলতে মহান আল্লাহর ‘অতাত্মক্ষণিক ইচ্ছায় হওয়া’ বুঝানো হয়েছে। অর্থাৎ আল্লাহর পূর্বে প্রণয়ন করে রাখা প্রোগ্রাম, বিধি-বিধান বা প্রাকৃতিক আইন অনুযায়ী হওয়াকে বুঝানো হয়েছে।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণের ভিত্তিতে এভাবে করা যায়-
বক্তা প্রথমে শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : একব্যক্তি একটি রেডিও খুলতে (অন করতে) চায়। এ জন্য সে চাপ দিচ্ছে অফ (বন্ধ করা) বোতামে। এতে রেডিওটি-

১. অন হবে।
২. অন হবে না।
৩. বলা কঠিন।

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে পরের বহু নির্বাচনী প্রশ্নটির উত্তর জানতে চাইবেন-

প্রশ্ন : ওপরের উদাহরণের রেডিওটি কার ইচ্ছায় অন হচ্ছে না-

১. লোকটির ইচ্ছায়।
২. যিনি রেডিওটি তৈরি করেছেন তার আত্মক্ষণিক ইচ্ছায়।
৩. যিনি রেডিওটি তৈরি করেছেন তার অতাত্মক্ষণিক ইচ্ছায়। অর্থাৎ রেডিওটি তৈরি করার সময় তৈরিকারীর প্রণয়ন করা প্রোগ্রামের মাধ্যমে দিয়ে রাখা ইচ্ছায়।
৪. বলা কঠিন।

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে প্রতিষ্ঠিত রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের জন্য উপস্থাপকের জন্য বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে কুরআনের বক্তব্যের প্রকৃত ব্যাখ্যা জানার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে কুরআনের বক্তব্যের প্রকৃত ব্যাখ্যা জানার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘আল্লাহর ইচ্ছায় সবকিছু হয় তথ্যটির প্রচলিত ও প্রকৃত ব্যাখ্যা’ (গবেষণা সিরিজ-২৪) নামক বইটিতে।

নমুনা-১৫

□ যিক’র করা কথাটির প্রকৃত অর্থ

বর্তমান বিশ্বের অধিকাংশ মুসলিম ‘যিক’র করা’ বলতে বুঝে- সুবহানাল্লাহ, আল্লাহ্ আকবার, লা ইলাহা ইল্লাল্লাহ ইত্যাদি শব্দ বা বাক্যগুলো না বুঝে বা বুঝে, মুখে বা মনে মনে বার বার উচ্চারণ করা।

কিন্তু প্রকৃতপক্ষে ‘যিক’র করা’ বলতে বুঝায়- আল্লাহ সম্পর্কিত বিভিন্ন বিষয় যেমন- আল্লাহর জানানো আদেশ-নিষেধ, উপদেশ, পরামর্শ, বিধি-বিধান, আল্লাহর তৈরি প্রাকৃতিক আইন, আল্লাহর গুণাগুণ ইত্যাদি স্মরণ করা।

আর আল্লাহ সম্পর্কিত ঐ বিষয়গুলো জানা ও স্মরণ রাখার উপায় হলো-

- বিষয়গুলো ধারণকারী গ্রন্থ কুরআন, হাদীস, ফিকাহ, বিজ্ঞানের বই ইত্যাদি অধ্যয়ন করা।
- সুবহানাল্লাহ, আল্লাহ্ আকবার, লা ইলাহা ইল্লাল্লাহ ইত্যাদি শব্দ বার বার, বুঝে বুঝে, মুখে বা মনে মনে পড়া বা উচ্চারণ করা।

- ঐ বিষয়গুলো ধারণকারী কোনো বাস্তব কাজ সালাত, যাকাত, রোজা, হজ্জ ইত্যাদি বার বার করা।

আর এই স্মরণ করা থেকে প্রকৃত কল্যাণ তখনই পাওয়া যাবে যখন স্মরণ রাখা বিষয়গুলো বাস্তবে প্রয়োগ তথা অনুসরণ করা হয়।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য **৪ নম্বর মূলনীতি** অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণের ভিত্তিতে বহু নির্বাচনী প্রশ্ন ও উত্তরের মাধ্যমে এভাবে করা যায়-

বক্তা শ্রোতাদের কাছে তাদের Common sense-এর আলোকে বহু নির্বাচনী এ প্রশ্নটির সঠিক উত্তর জানতে চাইবেন-

প্রশ্ন : কাউকে স্মরণ করা বলতে বুঝায়-

১. তার চেহারা-ছবি, রং, ওজন-আকৃতি, দৈর্ঘ্য-প্রস্থ ইত্যাদি স্মরণ করা।
২. তার জানানো বা প্রণয়ন করে রাখা আদেশ-নিষেধ, উপদেশ, পরামর্শ, বিধি-বিধান, নিয়ম-কানুন, গুণাগুণ ইত্যাদি স্মরণ করা।
৩. বলা কঠিন।

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : যিক'র শব্দের অর্থ স্মরণ করা। তাহলে ওপরের উদাহরণের ভিত্তিতে আল্লাহর যিক'র করা বলতে বুঝাবে-

১. আল্লাহর চেহারা-ছবি, রং, ওজন-আকৃতি, দৈর্ঘ্য-প্রস্থ ইত্যাদি স্মরণ করা।
২. আল্লাহর জানানো আদেশ-নিষেধ, উপদেশ, পরামর্শ, বিধি-বিধান, আল্লাহর তৈরি প্রাকৃতিক আইন, আল্লাহর গুণাগুণ ইত্যাদি।
 - কুরআন, হাদীস, ফিকাহ, বিজ্ঞানের বই ইত্যাদি অধ্যয়ন করার মাধ্যমে স্মরণ করা।

- সুবহানালাহ, আল্লাহ্ আকবার, লা ইলাহা ইল্লাল্লাহ ইত্যাদি শব্দ বার বার, বুকে বুকে, মুখে বা মনে মনে পড়া বা উচ্চারণ করা।
- বিষয়গুলো ধারণকারী কোনো বাস্তব কাজ সালাত, যাকাত, রোজা, হজ্জ ইত্যাদি বার বার করার মাধ্যমে স্মরণ করা।

৩. বলা কঠিন।

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে যি' কর করার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে যি' কর করার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে 'যিক'র প্রচলিত ধারণা ও সঠিক চিত্র' (গবেষণা সিরিজ-২৫) নামক বইটিতে।

নমুনা-১৬

□ সওয়াব ও গুনাহ মাপার পদ্ধতি

বর্তমান মুসলিম জাতির প্রায় সকলে জানে পরকালে সওয়াব ও গুনাহ মাপা হবে ভরের ভিত্তিতে, দাঁড়িপাল্লায়। এক পাল্লায় সকল সওয়াব এবং অন্য পাল্লায় সকল গুনাহ উঠিয়ে মাপ দেওয়া হবে। আর ঐ মাপের পর বিন্দু পরিমাণ নেকীর জন্য পুরস্কার মিলবে এবং বিন্দু পরিমাণ গুনাহর জন্য শাস্তি মিলবে।

কিন্তু প্রকৃতপক্ষে পরকালে সওয়াব ও গুনাহ তথা আমল মাপা হবে গুরুত্বের ভিত্তিতে। ঐ মাপের সময় আমলনামায় একটিমাত্র কবীরা গুনাহ

থাকলেও সকল নেকীর মাপের ফল শূন্য হয়ে যাবে। তাই ব্যক্তি তার কৃত নেকির জন্য কোনো পুরস্কার পাবে না।

ধরা যাক, একজন বক্তা এ বিষয়ের সঠিক তথ্যটি শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণ ও চিরসত্য তথ্যের ভিত্তিতে এভাবে করা যায়-
প্রথমে বক্তা শ্রোতাদের কাছে তাদের Common sense-এর আলোকে নিম্নের বহু নির্বাচনী প্রশ্নটির উত্তর জানতে চাইবেন-

প্রশ্ন : বাস্তবে ভরের ভিত্তিতে মাপা হয় কঠিন (Solid) জিনিস। আর কাজ মাপা হয় গুরুত্বের ভিত্তিতে। সাওয়াব ও গুনাহ হলো যথাক্রমে সঠিক ও ভুল কাজ। তাহলে Common sense অনুযায়ী সাওয়াব ও গুনাহর মাপ হওয়া উচিত-

১. গুরুত্বের ভিত্তিতে।
২. ভরের ভিত্তিতে।
৩. বলা কঠিন।

সকলে ১ নম্বরটির পক্ষে রায় দেবে।

এরপর বক্তা শ্রোতাদের এ চিরসত্য তথ্যটি জানাবেন- বাস্তবে কোনো কর্মকাণ্ডে একটি মৌলিক (বেড়/কবীরা) ভুল থাকলে ঐ কাজটি সম্পূর্ণ ব্যর্থ হয়। যেমন একটি অপারেশনে ৪টি মৌলিক বিষয় ও ১০টি অমৌলিক বিষয় থাকলে সার্জন যদি ১টি মৌলিক বিষয়ে ভুল করে, তবে ঐ অপারেশনটি সম্পূর্ণভাবে ব্যর্থ হয়। এমনকি রুগীটি মারাও যেতে পারে। তাই, গুরুত্বের ভিত্তিতে মাপার পদ্ধতির নীতিমালা হলো কোনো কাজে একটি মৌলিক বিষয় বাদ গেলে বা ভুল হলে ঐ কাজটি সম্পূর্ণ ব্যর্থ হয়। আর তাই ঐ কাজটির সঠিকভাবে পালন করা অংশের জন্যও কোনো মূল্য বা পুরস্কার পাওয়া যায় না।

এরপর বক্তা ওপরের চিরসত্য তথ্যের ভিত্তিতে শ্রোতাদের কাছে তাদের Common sense-এর আলোকে পরের বহু নির্বাচনী এ প্রশ্নটির উত্তর জানতে চাইবেন-

প্রশ্ন : পরকালে আমলনামায় থাকা সাওয়াব ও গুনাহ মাপার নীতিমালা হবে-

১. আমলনামায় একটি কবীরা (বড়/মৌলিক) গুনাহ থাকলে জীবনে কৃত সকল নেকীর মাপের ফল শূন্য হয়ে যাবে। তাই ঐ নেকীর কোনো পুরস্কার পাওয়া যাবে না।
২. আমলনামায় কবীরা গুনাহর সাথে বিন্দু পরিমাণ নেকীও থাকলে ঐ নেকীর জন্য পুরস্কার মিলবে।
৩. বলা কঠিন।

সকলে ১ নম্বরটির পক্ষে রায় দেবে।

এরপর বক্তা শ্রোতাদের কাছে নিম্নের বহু নির্বাচনী প্রশ্নটির সঠিক উত্তর জানতে চাইবেন-

প্রশ্ন : সালাতের ১৩টি ফরজ (কবীরা/বড়/মৌলিক) বিষয়ের একটি বাদ গেলে বা ভুল হলে-

১. সালাত আবার পড়তে হয়। অর্থাৎ সালাতকে সম্পূর্ণ ব্যর্থ ধরা হয়।
২. সঠিকভাবে করা ১২টি ফরজ, ওয়াজিব, সুন্নত ও মুস্তাহাব বিষয়গুলোর পুরস্কার পাওয়া যায়।

সকলে ১ নম্বরটির পক্ষে রায় দেবে।

অতঃপর বক্তা শ্রোতাদের কাছে তাদের Common sense-এর আলোকে পরের বহু নির্বাচনী প্রশ্নটির উত্তর জানতে চাইবেন-

প্রশ্ন : সালাতের এ শিক্ষার ভিত্তিতে পরকালে সাওয়াব ও গুনাহ মাপার নীতিমালা হবে-

১. আমলনামায় একটি কবীরা (বড়/মৌলিক) গুনাহ থাকলে জীবনে কৃত সকল নেকীর মাপের ফল শূন্য হয়ে যাবে। তাই ঐ নেকীর কোনো পুরস্কার পাওয়া যাবে না।
২. আমলনামায় কবীরা গুনাহর সাথে বিন্দু পরিমাণও নেকী থাকলে তার জন্য পুরস্কার পাওয়া যাবে।
৩. বলা কঠিন।

সকলে ১ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো। এরপর শ্রোতাদেরকে

নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে সাওয়াব ও গুনাহ মাপার নীতিমালা জানার দুনিয়ার কল্যাণসমূহ জানিয়ে দেওয়া।
৪. আল কুরআন ও হাদীসের তথ্যের ভিত্তিতে সাওয়াব ও গুনাহ মাপার নীতিমালা জানার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘সওয়াব ও গুনাহ মাপার পদ্ধতি- প্রচলিত ধারণা ও সঠিক চিত্র’ (গবেষণা সিরিজ-১৮) নামক বইটিতে।

নমুনা-১৭

□ অমুসলিম পরিবারে মানুষের অজানা মু’মিন ও বেহেশতী ব্যক্তি আছে কি না

প্রচলিত ধারণা হলো- অমুসলিম সমাজ বা পরিবারে যারা আছে তারা সকলে কাফির ও জাহান্নামী। কিন্তু সঠিক তথ্য হলো- অমুসলিম সমাজ বা পরিবারে মানুষের অজানা (গোপন) মু’মিন ও বেহেশতী ব্যক্তি আছে।

ধরা যাক, একজন ওয়ায়েজ এ বিষয়ের সঠিক তথ্যটি তার শ্রোতাদের গ্রহণ ও তার ওপর আমল করাতে চান। এটির জন্য ৪ নম্বর মূলনীতি অনুযায়ী সত্য উদাহরণ বা সত্য তথ্যের ভিত্তিতে বহু নির্বাচনী প্রশ্ন (Multiple choice question) রাখা এবং Common sense-এর আলোকে সে প্রশ্নের উত্তর নেওয়ার মাধ্যমে শ্রোতাদেরকে উপস্থাপকের বলতে যাওয়া বিষয়টির পক্ষে নিয়ে আসতে হবে।

এ কাজটি উদাহরণের ভিত্তিতে এভাবে করা যায়-

বক্তা প্রথমে শ্রোতাদের কাছে তাদের Common sense অনুযায়ী পরের বহু নির্বাচনী প্রশ্নের সঠিক উত্তরটি জানতে চাইবেন-

প্রশ্ন : মুসলিম পরিবারে গোপন কাফির (মুনাফিক) তথা জাহান্নামী ব্যক্তি-

১. নেই
২. আছে
৩. বলা কঠিন

সকলে ২ নম্বরটির পক্ষে রায় দেবে।

এরপর বক্তা শ্রোতাদের কাছে তাদের Common sense অনুযায়ী পরের বহু নির্বাচনী এ প্রশ্নের সঠিক উত্তর জানতে চাইবেন-

প্রশ্ন : মুসলিম পরিবারে গোপন কাফির (মুনাফিক) তথা জাহান্নামী ব্যক্তি থাকলে অমুসলিম পরিবারে গোপন মু'মিন তথা জান্নাতি ব্যক্তি-

১. নেই
২. আছে
৩. বলা কঠিন

সকলে ২ নম্বরটির পক্ষে রায় দেবে।

তাহলে উপস্থাপক যে কথাটি শ্রোতাদের গ্রহণ করাতে চান সেটির পক্ষে দর্শক-শ্রোতারা নিজে থেকেই চলে আসলো। এরপর শ্রোতাদেরকে নিজেদের দেওয়া উত্তরের ওপর স্থায়ীভাবে দণ্ডায়মান রাখা এবং মনের প্রশান্তি নিয়ে তার ওপর আমল করানোর জন্য উপস্থাপকের বাকি থাকলো শ্রোতাদের দেওয়া উত্তরের-

১. সমর্থনে কুরআনে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
২. সমর্থনে হাদীসে যে সকল তথ্য আছে তার যতো বেশি সংখ্যক সম্ভব দলিলসহ জানিয়ে দেওয়া।
৩. আল কুরআন, হাদীস, Common sense ও বিজ্ঞানের তথ্যের ভিত্তিতে অমুসলিম পরিবারে গোপন মু'মিন তথা জান্নাতি ব্যক্তি থাকা তথ্যটি জানা ও প্রচার করার দুনিয়ার কল্যাণসমূহ জানানো।
৪. আল কুরআন ও হাদীসের তথ্যের ভিত্তিতে অমুসলিম পরিবারে গোপন মু'মিন তথা জান্নাতি ব্যক্তি থাকা তথ্যটি জানা ও প্রচার করার পরকালীন কল্যাণসমূহ জানিয়ে দেওয়া।

এ বিষয়টির পক্ষে কুরআন ও হাদীসে বহু তথ্য আছে। ঐ তথ্যের অনেকগুলো পাওয়া যাবে ‘অমুসলিম সমাজ বা পরিবারে মানুষের অজানা মু'মিন ও বেহেশতী ব্যক্তি আছে কি?’ (গবেষণা সিরিজ-২৩) বইটিতে।

শেষ কথা

কুরআন, হাদীস ও Common sense সম্মত বক্তব্য বা ওয়াজ-নসীহত উপস্থাপনের উল্লিখিত নীতিমালাটি চালু হলে ইসলাম ও মুসলমানদের যে কল্যাণগুলো হবে তা হচ্ছে-

১. ভুল তথ্য উপস্থাপন কমে যাবে বা বন্ধ হবে।
২. মৌলিক বিষয় বাদ রেখে অমৌলিক বিষয় উপস্থাপন করা কমে যাবে বা বন্ধ হবে।
৪. মৌলিক বিষয় অমৌলিক বিষয়ের চেয়ে আগে জানা ও আমল করা হবে।
৫. দর্শক-শ্রোতাগণ মনের প্রশান্তি ও দৃঢ়তা নিয়ে জানতে পারা বিষয়টির ওপর আমল শুরু করতে পারবে।

আর এর ফলস্বরূপ মুসলিম জাতির দুনিয়া ও আখিরাতে অপরিসীম কল্যাণ হবে, ইনশাআল্লাহ। তাই, সকল বক্তব্য বা ওয়াজ-নসীহত উপস্থাপনকারীর নীতিমালাটি জানা, বুঝা ও এর ওপর আমল করা বিশেষভাবে দরকার।

পুস্তিকার কোনো ভুল-ত্রুটি কারো কাছে ধরা পড়লে তা দয়া করে আমাকে জানাবেন। সঠিক হলে পরবর্তী সংস্করণে তা উপস্থাপন করা হবে ইনশাআল্লাহ। পরিশেষে সবার কাছে দোয়া চেয়ে এবং সকল মুসলমানের দুনিয়া ও আখিরাতের কল্যাণ কামনা করে শেষ করছি।

আল্লাহ হাফেজ

লেখকের বইসমূহ :

১. মানুষ সৃষ্টির উদ্দেশ্য ও পাথেয় প্রচলিত ধারণা ও সঠিক তথ্য
২. রসূল মুহাম্মদ (স.)-কে প্রেরণের উদ্দেশ্য এবং তাঁর সঠিক অনুসরণ বুঝার মাপকাঠি
৩. সালাত কেন আজ ব্যর্থ হচ্ছে?
৪. মুমিনের এক নম্বর কাজ এবং শয়তানের এক নম্বর কাজ
৫. আ'মল কবুলের শর্তসমূহ প্রচলিত ধারণা ও সঠিক তথ্য
৬. ইসলামী জীবন বিধানে Common Sense এর গুরুত্ব কতটুকু এবং কেন?
৭. ইচ্ছাকৃতভাবে অর্থ না বুঝে কুরআন পড়া সওয়াব না গুনাহ?
৮. আমলের গুরুত্বভিত্তিক অবস্থান জানার সহজ ও সঠিক উপায়
৯. ওজু-গোসলের সাথে কুরআনের সম্পর্ক প্রচলিত ধারণা ও সঠিক তথ্য
১০. আল কুরআনের পঠন পদ্ধতি প্রচলিত সুর, না আবৃত্তির সুর?
১১. যুক্তিসংগত ও কল্যাণকর আইন কোনটি এবং কেন?
১২. ইসলামের নির্ভুল জ্ঞান অর্জনের জন্যে কুরআন, হাদীস ও Common Sense ব্যবহারের নীতিমালা
১৩. ইসলামী জীবন বিধানে বিজ্ঞানের গুরুত্ব কতটুকু এবং কেন?
১৪. ঈমান, মু'মিন, মুসলিম ও কাফির প্রচলিত ধারণা ও সঠিক চিত্র
১৫. 'ঈমান থাকলেই বেহেশত পাওয়া যাবে' বর্ণনা সম্বলিত হাদীসের পর্যালোচনা
১৬. শাফায়াত দিয়ে কবীরাহ গুনাহ বা দোষখ থেকে মুক্তি পাওয়া যাবে কি?
১৭. তাকদীর (ভাগ্য!) পূর্ব নির্ধারিত তথ্যটির প্রচলিত ও প্রকৃত ব্যাখ্যা
১৮. সওয়াব ও গুনাহ মাপার পদ্ধতি- প্রচলিত ধারণা ও সঠিক চিত্র
১৯. প্রচলিত হাদীসশাস্ত্রে সহীহ হাদীস বলতে নির্ভুল হাদীস বুঝায় কি?
২০. কবীরাহ গুনাহসহ মৃত্যুবরণকারী মু'মিন দোষখ থেকে মুক্তি পাবে কি?
২১. অন্ধ অনুসরণ সকলের জন্যে কুফরী বা শিরক নয় কি?
২২. গুনাহের সংজ্ঞা ও শ্রেণি বিভাগ প্রচলিত ধারণা ও সঠিক চিত্র
২৩. অমুসলিম পরিবার বা সমাজে মানুষের অজানা মু'মিন ও বেহেশতী ব্যক্তি আছে কি না?

২৪. আল্লাহর ইচ্ছায় সবকিছু হয় তথ্যটির প্রচলিত ও প্রকৃত ব্যাখ্যা
২৫. যিকির (প্রচলিত ধারণা ও সঠিক চিত্র)
২৬. কুরআনের অর্থ (তরজমা) ও ব্যাখ্যা (তাফসীর) করার প্রকৃত নীতিমালা
২৭. মৃত্যুর সময় ও কারণ পূর্ব নির্ধারিত তথ্যটির প্রচলিত ও প্রকৃত ব্যাখ্যা
২৮. সবচেয়ে বড় গুনাহ শিরক করা না কুরআনের জ্ঞান না থাকা?
২৯. ইসলামী জীবন ব্যবস্থায় বক্তব্য বা ওয়াজ-নসীহত উপস্থাপনের নীতিমালা
৩০. যে গভীর ষড়যন্ত্রের মাধ্যমে মুসলিম জাতি ও বিশ্ব মানবতার মূল শিক্ষায় ভুল ঢোকানো হয়েছে
৩১. ‘আল কুরআনে শিক্ষা রহিত (মানসুখ) হওয়া আয়াত আছে’ কথাটি কি সঠিক?
৩২. আল কুরআনের অর্থ (তরজমা) বা ব্যাখ্যা (তাফসীর) পড়ে সঠিক জ্ঞান লাভের নীতিমালা
৩৩. ফিকাহ শাস্ত্রের সংস্করণ বের করা মুসলিম জাতির জন্য অতীব গুরুত্বপূর্ণ বিষয় নয় কি?
৩৪. কুরআনের সরল অর্থ জানা ও সঠিক ব্যাখ্যা বুঝার জন্য আরবী ভাষা ও গ্রামার, অনুবাদ, উদাহরণ এবং চিকিৎসা বিজ্ঞানের গুরুত্ব
৩৫. পৃথিবীর শ্রেষ্ঠতম ব্যক্তির একমাত্র হজ্জের ভাষণ (বিদায় হজ্জের ভাষণ) যুগের জ্ঞানের আলোকে অনুবাদ ও শিক্ষা
৩৬. মানব শরীরে ‘ক্লব’-এর অবস্থান প্রচলিত ধারণা ও সঠিক তথ্য

কুরআন রিসার্চ ফাউন্ডেশনের অন্যান্য প্রকাশনা

১. আল কুরআন, যুগের জ্ঞানের আলোকে অনুবাদ (আরবী ও বাংলা)
২. আল কুরআন, যুগের জ্ঞানের আলোকে অনুবাদ (শুধু বাংলা)
৩. শতবার্তা
(পকেট কণিকা : আমাদের গবেষণা সিরিজগুলোর মূল শিক্ষাসমূহ)
৪. কুরআনের ২০০ শব্দের অভিধান
(যা কুরআনের মোট শব্দ সংখ্যার দুই-তৃতীয়াংশ)
৫. কুরআনিক আরবী গ্রামার, ১ম খণ্ড

প্রাপ্তিস্থান :

❑ কুরআন রিসার্চ ফাউন্ডেশন

ইনসার্ফ বারাকাহ কিডনী এ্যান্ড জেনারেল হাসপাতাল কমপ্লেক্স (৮ম তলা)
১১, শহীদ তাজউদ্দীন আহমদ সরণি, মগবাজার, ঢাকা।
ফোন : ৯৩৪১১৫০, ০১৯৭৯৪৭৪৬১৭

❑ দি বারাকাহ জেনারেল হাসপাতাল

৯৩৭, আউটার সার্কুলার রোড, রাজারবাগ, ঢাকা।
ফোন : ০২-৯৩৩৭৫৩৪, ০২-৯৩৪৬২৬৫

এছাড়াও নিম্নোক্ত লাইব্রেরীগুলোতে পাওয়া যায়-

ঢাকা

- ❑ আহসান পাবলিকেশন্স, কাটাবন মোড়, শাহবাগ, ঢাকা,
মোবাইল : ০১৬৭৪৯১৬৬২৮
- ❑ বিচিত্রা বুকস এ্যান্ড স্টেশনারি, ৮৭, বিএনএস সেন্টার (নিচ তলা), সেক্টর-৭, উত্তরা, ঢাকা, মোবা : ০১৮১৩৩১৫৯০৫, ০১৮১৯১৪১৭৯৮
- ❑ প্রফেসর'স বুক কর্ণার , ওয়ারলেস রেলগেট, মগবাজার, ঢাকা-১২১৭,
মোবা : ০১৭১৬৬৭৭৭৫৪
- ❑ কাটাবন বুক কর্ণার, কাটাবন মোড়, শাহবাগ, মোবা : ০১৯১৮৮০০৮৪৯
- ❑ সালেহীন প্রকাশনী ১৪-এ/৫, শহীদ সলিমুল্লাহ রোড, মোহাম্মদপুর, ঢাকা,
মোবা : ০১৭২৪৭৬৬৬৩৫
- ❑ সানজানা লাইব্রেরী ১৫/৪, ব্লক-সি, তাজমহল রোড, মোহাম্মদপুর, ঢাকা
মোবা : ০১৮২৯৯৯৩৫১২
- ❑ আইডিয়াল বুক সার্ভিস, সেনপাড়া (পর্বতা টওয়ারের পাশে), মিরপুর-১০,
ঢাকা, মোবা : ০১৭১১২৬২৫৯৬
- ❑ আল ফারুক লাইব্রেরী, হযরত আলী মার্কেট, টঙ্গী বাজার, টঙ্গী,
মোবা : ০১৭২৩২৩৩৩৪৩
- ❑ মিল্লাত লাইব্রেরী, তামিরুল মিল্লাত মাদ্রাসা গেইট, গাজীপুর
মোবাইল : ০১৬২৫৯৪১৭১২, ০১৮৩০৪৮৭২৭৬
- ❑ বায়োজিদ অপটিক্যাল এন্ড লাইব্রেরী, ডি.আই.টি মসজিদ মার্কেট,
নারায়নগঞ্জ, মোবা : ০১৯১৫০১৯০৫৬
- ❑ আহসান পাবলিকেশন্স, কম্পিউটার মার্কেট নিচতলা, বাংলা বাজার,
মোবা : ০১৭২৮১১২২০০

- ❑ জামির কোচিং সেন্টার, ১৭/বি মালিবাগ চৌধুরী পাড়া, ঢাকা। মোবাইল : ০১৯৭৩৬৯২৬৪৭
- ❑ মমিন লাইব্রেরী, ব্যাংক কোলনী, সাভার, ঢাকা, মোবাইল : ০১৯৮১৪৬৮০৫৩
- ❑ বিশ্বাস লাইব্রেরী, ৮/৯ বনশ্রী (মসজিদ মার্কেট) আইডিয়াল স্কুলের পাশে
- ❑ Good World লাইব্রেরী, ৪০৭/এ খিলগাঁও চৌরাস্তা, ঢাকা-১২১৯
মোবাইল : ০১৮৭৩১৫৯২০৪
- ❑ ইসলামিয়া লাইব্রেরী, স্টেশন রোড, নরসিংদী, মোবাইল : ০১৯১৩১৮৮৯০২
- ❑ প্রফেসর'স পাবলিকেশন'স, ওয়্যারলেস রেলগেইট, মগবাজার, ঢাকা
মোবাইল : ০১৭১১১৮৫৮৬

চট্টগ্রাম

- ❑ আজাদ বুকস্, ১৯, শাহী জামে মসজিদ, আন্দরকিল্লা, চট্টগ্রাম
মোবা : ০১৮১৭৭০৮৩০২, ০১৮২২২৩৪৮৩৩
- ❑ নোয়া ফার্মা, নোয়াখালী, ০১৭১৬২৬৭২২৪
- ❑ ভাই ভাই লাইব্রেরী এন্ড স্টেশনারী, স্টেশন রোড, চৌমুহনী, নোয়াখালী,
মোবাইল : ০১৮১৮১৭৭৩১৮
- ❑ আদর্শ লাইব্রেরী এডুকেশন মিডিয়া, মিজান রোড, ফেনী
মোবাইল : ০১৮১৯৬০৭১৭০
- ❑ ইসলামিয়া লাইব্রেরী, ইসলামিয়া মার্কেট, লাকসাম, কুমিল্লা,
মোবাইল : ০১৭২০৫৭৯৩৭৪
- ❑ ফয়জিয়া লাইব্রেরী, সেকান্দর ম্যানশন, মোঘলটুলি, কুমিল্লা,
মোবাইল : ০১৭১৫৯৮৮৯০৯

খুলনা

- ❑ তাজ লাইব্রেরী, হেলাতলা মসজিদ মার্কেট, খুলনা। ০১৭২৪-৮৪৩২৮৩
- ❑ ছালেহিয়া লাইব্রেরী, হেলাতলা মসজিদ মার্কেট, খুলনা, ০১৭১১২১৭২৮৮
- ❑ হেলাল বুক ডিপো, ভৈরব চত্বর, দড়াটানা, যশোর। ০১৭১১-৩২৪৭৮২
- ❑ এটসেটরা বুক ব্যাংক, মাওলানা ভাষানী সড়ক, ঝিনাইদহ।
মোবাইল : ০১৯১৬-৪৯৮৪৯৯
- ❑ আরাফাত লাইব্রেরী, মিশন স্কুলের সামনে, কুষ্টিয়া, ০১৭১২-০৬৩২১৮
- ❑ আশরাফিয়া লাইব্রেরী, এম. আর. রোড, সরকারী বালিকা বিদ্যালয় গেট,
মাগুরা। মোবাইল : ০১৯১১৬০৫২১৪

সিলেট

- বুক হিল, রাজা ম্যানশন, নিচতলা, জিন্দা বাজার, সিলেট।
মোবাইল : ০১৯৩৭৭০০৩১৭
- সুলতানিয়া লাইব্রেরী, টাউন হল রোড, হবিগঞ্জ, ০১৭৮০৮৩১২০৯
- পাঞ্জেরী লাইব্রেরী এন্ড স্টেশনারী, ৭৭/৭৮ পৌর মার্কেট, সুনামগঞ্জ
মোবাইল : ০১৭২৫৭২৭০৭৮
- কুদরতিয়া লাইব্রেরী, সিলেট রোড, সিরাজ শপিং সেন্টার, মৌলভীবাজার,
মোবাইল : ০১৭১৬৭৪৯৮০০

রাজশাহী

- ইসলামিয়া লাইব্রেরী, সাহেব বাজার, রাজশাহী
মোবা : ০১৫৫৪-৪৮৩১৯৩, ০১৭১৫-০৯৪০৭৭
- আদর্শ লাইব্রেরী, বড় মসজিদ লেন, বগুড়া, মোবা : ০১৭১৮-৪০৮২৬৯
- ইসলামিয়া লাইব্রেরী, কমেলা সুপার মার্কেট, আলাইপুর, নাটোর
মোবাইল ০১৯২-৬১৭৫২৯৭
- আল বারাকাহ লাইব্রেরী, বেলকুচি, সিরাজগঞ্জ, ০১৭৯৩-২০৩৬৫২
